



35305

I

Mog. St. Dr.

P

Biblioteka Jagiellońska



stdr0000895

AT

EX

A

In
sta,

Typis

ANNUS SANCTUS
SIVE:
EXEMPLA BREVIA
E
GESTIS ET VITIS
ADOLESCEN-
TUM
EXCERPTA.

*In singulos Anni dies dige-
sta, Studiosæ Juventuti pro-
posita.*



Typis Collegij Sandomirienfis Societatis
JESU Anno Dni: 1740.




Ad Lectorem.

35. 305. T.
TUo bono, Studiose Adolescens, confectus est libellus præsens, Annus Sanctus dicitur; tum exemplo ab alijs Authoribus petito, tum quod observata tot virtutum exempla, convenientem Studioſo ſanctitatem, certò ſint allatura. Exemplum è ſolis Adoleſcentum vitis decerpta ſunt, ut eò facilius ad premenda eorum veſtigia animeris. In dies ſingulos digeſta ſunt, ut habeas in dies, quod legas & imiteris. Levia hinc indè occurrent; ſed cave idcirco contemnas. Levi etiam in re, ſemetipſum vincere, Deo gratiſſimum eſt. Inſpice, & fac ſecundum exemplar; Potuerunt iſti & iſti; cur non & tu? Interferuntur hinc inde hiſtoriæ aliquot tragicæ, ut ſalubrem in te terrorem excitent. Fidem habeant illam, quam apud Authores citatos. Omnia juxta Decretum Urbani VIII. 5. Ian, 1631. Vale, Ad ſalutem tuam uſtare.



Anni



Anni Sancti Mensis primus

sive

Documenta pro Juventute studio-
sa è variis Historiis excerpta.

Januarius.

1. **S**anctus Casimirus Poloniæ Princeps
tantum ab omni immunditiâ abhor-
ruit, ut aut moriendum sibi esse au-
diens, aut eligendas nuptias, Castus
& omni labe, purus mori maluerit, quàm
læsâ quomodolibet Castitate vivere; illud sæ-
piùs repetens: Malò mori, quàm fœdari;
Ex vitâ, Prima sub anni initium cura tibi
fit, generosum Puritatis amorem, voluptatis
verò illicitæ horrorem concipere. Hoc sæpe
exclama, hoc ingemina: Malo mori, quàm
fœdari.

2. Iustus Lipsius Vir celeberrimus sic de
se scribit: A primâ adolescentiâ Divæ Vir-
ginis amorem & cultum indui, eamque Pa-
tronam mihi & ducem in periculis, & omni
vitæ cursu elegi; etiam in studiis, ubi famæ
vel memoriæ res erat, precibus & votis
ad eam ivi, felici semper successu. *odal.*

Parth. Imitare: Altera tibi cura sit filialis erga B. Virginem amor & fiducia: hanc in Patronam Studiorum elige: ad eam in quavis necessitate confuge.

3. Godefridus Adolefcens Castiffimus, poſtea Herbipoli & Bambergæ Epifcopus, pernoctare in alienâ domo, ad quam cum Moderatore venerat, coactus; cum precibus & promiffis ad impurum facinus ſolicitaretur, poſt virilem planè luctam, relictis in impiæ manu veſtibus, puriffimus Ioseph vi ſibi viam faciens auſugit: noctem reliquam in gratiarum actione & precibus conſumens. *Drexelius.* En tertiam ſtudioſi curam: Caſtita- tem iſta reſpiciat. Pupilla oculi Mariani Caſtitas eſt, hanc nolilædere: Ne lædas, fuge viſitationes, & domos ſuſpectas: fuge ſoci- cs, ſermones, conventicula.

4. Michael Aijatumus Adolefcens Indus ſæpe ſic ſuos Condiſcipulos allocutus eſſe legitur: O Socii mei, quantam Deo rationem dabimus, ſi ſtudiis & pietati in tam bonâ occasione non vacemus! *sodal. Part.* Studioſe, huius & tu recordare. Terribilis tibi reddenda eſt ratio, ſi in ſtudiis & pietate tepeas. Occaſiones tot præclariffimæ, tot ſuperiorum monita, tot exhortationes augebunt damna- tionem tuam, ſi ſecus, atque oportet, iis utaris. Ergo novum fervorem concipe. Statue toto animo incumbere in ea, quæ Deus ra-
tione

tionem
5
afflu
Primo
finer
Secun
Virgin
gnoſc
Non
tantu
quam
hoc p
teſt c
mas.
ginis
ſtatue
uno,
ne. M
ſancti
nere a
6. E
manè
figiem
tabat,
curati
gitatio
tutina
nem in
benedi
Ado

tionem officii tui à te postulat.

5. Adolescens quidam certo alicui flagitio affuetus hoc à S. Bernardo accepit remediū. Primo ut per tres dies à familiari scelere abstinere in honorem SS. Trinitatis: abstinuit. Secundò, ut per totidem dies, in honorem B. Virginis ab eo caveret: cavit denuò: Et agnoscens posse extirpari consuetudinem; Non jam ultra, aiebat, cum Deo inducias tantum, sed æternam pacem inibo Nunquam peccatum illud repetam; Stetitque suo hoc proposito. *Ex vita.* Ecce emendari potest consuetudo, licet radices egerit altissimas. Adhibe remedium hoc. Amore B. Virginis, amore huius aut illius Sancti Patroni statue abstinere à peccato certo, saltem die uno, die altero, alium tibi Patronum propone. Miserum te, & damnationi proximum, si sancti unius amore ne uno quidem die abstinere à peccato valeas.

6. B. Sanissimus S. I. quoad vixit, semper manè ut primum surgebat, ad B. Virginis effigiem conversus, benedictionem ab eâ flagitabat, decenter vestitus preces matutinas accuratissimè persolvit. *Ex vita.* Prima tua cogitatio manè ad Deum dirigatur: preces matutinæ negligantur nunquam: Beatam Virginem indies invoca. Hæc si negligis, frustra benedictionem de cœlo expectas.

Adolescens Sodalis Religionem ingressurus Pa-

triam domum inviserat, suis ut vale supremum
diceret: lautum instruitur à parentibus epulum
Editur, potatur liberalius: Sermones non usque
adeo honesti miscantur. Soluta epulo adolescens no-
ster vino & epulis nonnihil gravior, ac sodalem
decebat, lectum petit: Illico, quod gula & exces-
sum in potu premium est, turpes in animo co-
gitationes oriri, crescere, inquietare miserum.
Resistit primò: Sed tandem victus cogitationi
illicite consensit. O infelix momentum! Adest
confestim vindex Dei Justitia, & eà adhuc ho-
ra apoplexiâ vehementi tactum deturbat ad
tartara Totam rem, ut gesta erat, ipse infeli-
cissimus suo apparens Confessario flebili voce a-
peruit. Ottonelli. Non exhorrescis hac legens?
magis exhorresces hoc se audeas: Erat Adole-
scens hic usque ad horam illam innocentissimus,
nullâ unquam graviore noxâ Deum offenderat.
Erat ergo peccatum hoc primum, & solâ tan-
tùm cogitatione admissum. In primo hoc pecca-
to moritur, justoquè Dei iudicio damnatur, pro
modica voluptate æternum torquendus Studio-
se, ferreus es si non moveris. Peccatum unicum
æterna damnatio: Voluptas momentanea; cru-
ciatus æterni: O peccatum quid es? Hoc hoc stu-
diose, hoc fuge, hoc detestare.

7. Anonymus Adolescens, postea in Reji-
gione Richardus dictus, cubitum jam ivera t;
cum ecce recordatur vespertinas preces, &
consuetum B. Virginis pensum necdum à se
persolu-

perfol-
ripit,
dam-
ferat,
tam e-
viffet
as ad
xensel-
terna
prece-
ferio.
infeli-
ætern-
temp-
8.
to dol-
mo d-
Tantu-
agend-
ni pra-
elicien-
deò fa-
9.
munic-
secutu-
nus in-
dolefc-
nem t-
pendit
mero

persolutum esse; vincit tædium, lecto se pro-
ripit, preces peragit. Fructus erat evitata
damnatio. Vix enim lecto se rursus commi-
serat, è damnato suo ante, socio intelligit cer-
tam ei damnationem fuisse, nisi has persol-
visset preces; quibus mota B. Virgo induci-
as ad agendam pœnitentiam impetrâset. *Pe-
xenfelder*. Ecce è vespertinis precibus salus æ-
terna pendebat. Amas salutem tuam? ama
preces vespertinas, cum examine & dolore
ferio. Forte dum primò negliges, morieris
infelix & peribis. Somnus prohibet, inquires?
æternos ignes cogita; hi somnum ad breve
tempus excutient.

8. B. Aloysius S. I. levissima peccata tan-
to doloris sensu in confessione exposuit ut ani-
mo deficiens humi procumberet. *Ex vita*.
Tantum à te quidem non petitur; id tamen
agendum est, ut sollicitam semper Confessio-
ni præparationem præmittas. Doloris seriò
eliciendi curam habe maximam. Res non a-
deò facilis est, ut plerique male somniant.

9. B. Aloysius per triduum se ad S. Com-
munionem præparabat; hinc & fructum con-
secutus longè maximum. Ioannes Berchman-
nus in Brabantia natus rarissimæ virtutis A-
dolescens post Christi Eucharistici susceptio-
nem tres horas integras, aut duas certè im-
pendit. *Ex vita*. Erubescere, si ex eorum nu-
mero es, qui vix quadrantem tanto impen-
dunt

dunt negotio, dum horas plurimas otio, somno, lusui, garrulitati, Dæmoni consecrant. Tu mediam saltem horam præparationi, mediam dabis gratiarum actioni. Meretur id IESUS tuus redemptor pariter & iudex.

10. S. Vincentius Ferrerius totus à puero in mores sanctos incubuit. Non poterat id ferre Dæmon, primitias ætatis sibi exposcens, Ergo venerandi cujusdam senis habitum mentitus Vincentio oranti se sistit, inquiens: Ego unus è priscis illis Patribus sum, qui Ægypti solitudinem diu magnâ vitæ austeritate incolui: juventutem ad mundi leges inter delitias & voluptates exegi: hinc senectutis vera & constans poenitentia est secuta. Tu igitur mihi seni tutò crede & præmatutam, quam orsus es, corporis castigationem senio reserva. Paratam habemus Dei clementiam vel ad unicam contriti cordis voculam. Vincentius fraudes Stygias subodoratus facessere jubet dæmonem: maiore deinceps fervore Pietatem & mortificationem amplectens. *Ex vita.* Imitare. Obstrue aures tuas ad voces illas: genio jam litandum est: Sera ætas in Religione Deo dabitur & Pietati. A Dæmone sunt voces istæ. *Ætas prima Deo debetur, non dæmoni; quia optimum optimo, primum debetur primo.* Errâsti hactenus? hoc saltem age: ex hac horâ totum te Deo consecra; annos quos adhuc habes
flori

floridos cultui divino defer. Primitias Deo.

11. B. Stanislaus S. I. quæ in singulis notavit laude digna, statuit æmulari: Idem Berchmannus fecit, cujus hoc erat propositum: Quod mihi in aliis placet, imitabor, quod displicet, fugiam. *Ex vita.* Tuum est, Sodalis Studiose, ea, quæ indies leges ab aliis benefacta, sedulò quoad fieri potest, imitari. O quem tibi in cœlo Thesaurum hæc ratione colliges, labore tuo certè non magno.

12. S. Basilus Magnus adhuc adolescens quæsitus, quænam studiosis maximè convenirent, reposuit: Colere Deum, servare munditiem, fugere Societates suspectas, studere verecundiæ, fugere fœminas. Singula ipse suo etiam exemplo comprobavit. *Ex vita.* Habes brevem epitomen vitæ sanctæ à studioso agendæ. Singula considera. Vide in quo hætenus industriam tuam deesse sis passus. Statue posthac toto animo in ea incumbere. Sic Deo, sic conscientiæ facies satis.

Adolescens Cantipratani condiscipulus, modestiâ primum & pudore insignis, pessimo postea socii exemplo in horrenda scelera se dedit precipitem, Frustra amicorum monita, frustra minæ erant. Exegerat de more diem quendam cum sociis lusus inter & epulas. Nocte concubiâ horrendum ex improvisio vociferari & ejulare incipit. Accurrunt domestici; clamoris causam petunt; præsens vitæ periculum advertunt, mo-

pent ut conscientiam expiet, ad eternitatem se accingat. Nihil proficiunt. Surdus ad monita juvenis demum in has voces erumpit: *Va illi, qui hoc (peccatum lascivie nominat) me docuit! va illi! ah! quid nunc auxilium divinum invocabo? jam patula video tartara presentes demones totis ad me rapiendum faucibus hiantes: Actum est, Hos inter gemitus obiit eternum infelix: Pexenf. Didicit miserrimus juvenis, quis sit pravi consortii fructus, quis scelerum finis. Fortè & tu aliquando sic exclamabis: va! va illi! sed quid tum proderit? Morietur quidem & peribit Seducitor tuus, sed tu si & ipse pereas, solatium ex aliena miseria non capies. Jam cognosce, quàm maledicta sit amicitia illa, quæ Deo inimica est & virtuti, fuge socios, fuge scelera, ne cum Juvene hoc, reserata videas aliquando Tartara, sed cum B. Stephano cælos apertos.*

13. S. Fulgentius considerans in juventute hinc Dei hinc Mundi promissa sic secum: Cur sine spe futurorum bonorum laboramus in hoc sæculo? quid aliquando præstare mundus poterit. *Specul. Juvent.* Quid præstare mundus poterit tibi, si Deo relicto ei adhæreas? quid expectas? Adhæres mundo per delicias illicitas. Deum relinquis, si orationes, si Sacramenta, si lectiones sacras, si studia relinquis. Quid ages posthac? Si plus auxilii expectare à mundo potes, adhære ei,

famuz

famulare, obedi quoad voles:

14. Annæ Quitenses referunt de Iuvenē Lalcivo. Hic ut Sceleri vacaret liberius, urbe desertā in prædio vicino multos annos impiissimè exegit. Somniabat nocte quadam se repentina morte è vitā abreptum, territus primum est, sed mox velut inane somnium hanc Dei monitionem excussit. Magis terruit nox altera, quā ad infelicitis Æternitatis tormenta dejectus sibi videbatur, sed etiam num restitit impius vocanti Deo. Rus petierat animi levandi causā. Adest hæc suggesta divinitus cogitatio: Certè potest me iactō è coelis fulmine hoc momento & loco pleetere divina Nemesis, & à scelerum consorte avulsum, ad rogos infernales dejicere. Hæc cogitantem orta repente tempestas terrifica, & vibratum horrendo fragore fulmen in proximam agri partem decidens, adeo conterruit, ut demum meliora statuerit. Adorans igitur mirabilem Dei tam diu se contemni patientis tolerantiam, redit in urbem Confessione generali peccata priora expiat, vitam vivere incipit, qualem à sancto pœnitente poteras expectare. *Ex Ann: S: J.* Pœnitentem attende & imitare. An minor est Dei erga te Patientia? quamdiu jam tolerat scelera tua? quod inspirationes immitit? quot minas? cede tandem & da hoc divinæ misericordiæ, ut de tuâ possit pertinac-

cia triumphare. Vitam age aliam: Deo gratias age, quod puniens alios tibi pepercerit. Multi damnati sunt, qui minus peccarunt, ac tu, ajebat B. Virgo conversæ cuidam.

15. S. Ioannes Calybita, Abbatem, à quo suscipi rogabat, sic allocutus est: Parentes me destinant honoribus & conjugio: ego vero eum salvum puto, qui his valedicere potest, & Deo in vestro habitu deservire. *Ex vita.* Non omnes capiunt verbum hoc. Tu hoc saltem discce, salutem solam spectandam esse in omnibus, non commoditatem corporis, non libertatem, non ipsam etiam parentum voluntatem, si Deo & vocationi contraria est.

16. Anonymus sodalis Cæsar Augustæ alapâ per injuriam acceptâ nonnihil commotus ubi se collegit, ajebat: Inter Sodales Marianos numeror, unde & hanc injuriam & alia ferenda iudicio. *Ann. S. I.* Ecce quid possit memoria Mariani Sodalitii. Erit forte occasio ferendi injuriam levem; erit occasio faciendi peccatum aliquod per otium, desiderium &c. Cogita. Sodalis Marianus sum: feram hoc amore Virginis: fugiam hoc amore Virginis. Studiose mi, hæc solida & genuina erga Mariam devotio est; huic stude; nihil Mariæ gratius, nihil tibi poterit esse salubrius.

17. Dositheus tribuni Militum Filius in deli-

delictis
tus lo
depict
infero
gine a
docet
na, aj
hos u
go re
& qu
cturan
ni oc
vader
tur a
script
Cerru
Quæ
sanct
18.
pe ve
quod
cii ej
nient
pebat
Ex v
innu
ri po
scere
talia
tur

deliciis & rerum sacrarum ignorantia educatus loca Sacra Palestinæ invitebat; videns depictos ad parietem in horto Gethsemani inferos, hæret attonitus. Rei ignarus à B. Virgine apparente, terribiles inferorum pœnas edocetur. Majore percussus horrore; Domina, ajebat, quid obsecro mihi faciendum est, hos ut cruciatus evadam? præscripsit B. Virgo remedia, & evanuit. *Ex vitis PP.* Sit hæc & quæstio tua. sit cogitatio; Sive dum picturam ejusce modi intueris, sive dum inferni occurrit memoria, sit sollicitudo una, evadere infernum. Sed media, quæ suggeruntur amplectere. Permissit Dositheus, si præscriptis à B. Virgine mediis usus non fuisset. Certus est tibi interitus, tu si iis non utaris. Quæ vero illa? declinâ à malo, ait Spiritus sanctus, & fac bonum.

18. S. Bernardinus Senensis nunquam turpe verbum vel locutus est ipse, vel audit, quod non severissimè castigaverit. Hinc Socii ejus si paulò liberius locuti fuerant, adveniente Bernardino Sermonem mox abrumpebant dicentes; Tacete, Bernardinus adest. *Ex vita.* Si scires, quanta strages animabus innumeris, verbo etiam unico impuro inferri possit, corpore toto & animo contremisceres. Actum est de Castitate, ubi verba talia vel amantur, & proferuntur, vel dicuntur liberius: Atque utinam rei hujus veritatem

tem tristis nimium experientia non doceret. Fuge, aut apertè aliorum libertatem increpa. Nemo te præsentē proferre audeat, quod conscientiam lædere possit.

Monasterii erat adolescens, qui à familiari nimium juventuti scelere ad ipsam heresin delapsus fuerat. Sensit monentem interius Deum: Scelus à se factum agnovit, emendationem promisit: ut vero hanc oculus inchoaret, moveri non potuit. Monetur à quondam Professore Sacerdote; iubetur festinare, ne tardantem iussus iudex pro merito castigaret. Sed unum ille cras, cras repetebat. Ergo qui pœnitenti veniam quidem, sed diem crastinum non promisit DEUS, procrastinantem sui maximè securum puniturus, disposuit; ut impius fallente vestigio è superiore horrei parte in subjectam aream delapsus, mox infelici morte ad aternitatem abriperetur. Ex ann: S. I. O cras! fatale cras! quis inter inferos damnatus non funestum hoc eras damnationis suæ causam ingeminat? de die in diem, de mense in mensem differre emendationem, O quale periculum? non irrdetur DEUS. Propera! festina! convertere! hodie noli obdurare cor tuum. Nunc incipe. Nunc dies saluus. Cras incertum est. Voces Dei sunt; Ne differas de die in diem, subitò enim veniet ira illius, & in tempore vindictæ disperdet te.

19 Complutensis quidam Sodalis die quodam graviter vulneratus dum Chirurgus vocatur

catur
lum.
leba
miffu
se è
Beat
nerat
Mari
nesci
& p
est, c
ei fi
conf
invo
20
dom
sanct
gans
redu
sta c
grati
Heu
tiæ f
dum
Ang
& no
nari
21
cans
orati

catur, oblitus propè doloris sui petit libellum, è quo officium B. Virginis recitare solebat, sanctè affirmans, nunquam id à se commissum fuisse hætenus, quæ propter nolle se è vita hæc migrare in aliam, die illo, quo Beatam Virginem consueto hoc officio veneratus non fuisset. *Ann: S. J.* Verum in Mariam amoris specimen constantia est Quæ nescio peragere velle, dum fervet pietas, & paulo post piè propositorum oblivisci, res est, quæ beatæ Virgini mirum displicet. Tu ei si placere cupis, devotiones tuas fac sint constantes. Dies abeat nulla, qua eam non invoces non honores.

20. Eyfettenlis quidam Sodalis nunquam domo pedem efferebat, quin Deo, Deiparæ, sanctis Patronis se commendaret, hoc rogans, ut immaculatus custodiretur in via & reduceretur. *Ex Ann. S. J.* Breves sed sancta orationis materia. Eget adolescens Dei gratiâ, si illæsus redire domum desideret. Heu quoties evenit, ut in latrones innocentie suæ incautus & nescius juvenis incidat! dum domo exeundem est, exemplo Iudithæ Angelum tuum invoca, ut custodiat te in via, & non permittat te clientem suum coinquinari.

21. S. Gregorius Nazianzenus studiis vacans Castitatem sedulo per mortificationes, orationes & Iejunia custodivit. Præmium
hoc

hoc tulit. Duæ ei in somno Virgines apparebant, quarum nomina erant sapientia & Castitas. Prior se moraturam promisit cum Gregorio, si sociam in honore vellet, & utramque in eodem cordis habitaculo collocare, Intellexit Adolescens sanctus, quid hoc sibi vellet, & constanter in Castitatis conservationem incumbens mirabili doctrinâ à Deo ornatus est. *Ex vita.* Quæris sapientiam, studiose? Non habitat in corde peccatis subdito, non in lascivo animo. Hinc si proficere vis in studiis, Castitatis curam habere maximam.

22. Oeniponti Iuvenis Sceleratæ Domui jam vicinus erat, suo de more genio indulturus. Objicitur ei prope domum imago Christi é Cruce pendentis. Aspectus primus tanto eum mox terrore perculit, ut pedem à pessima viâ, animum à scelere concepto abstraheret, ad Confessarium rectâ properaret, totâque vitâ seriò expiatâ totum se divino amorî consecraret. Nunquam postea domum impiam ut repeteret, induci per socios potuit. *Ex Ann. S. J.* O quantum vel solus Christi crucifixi aspectus valet ad peccati horrorem incutiendum. IESUS Dei Filius tanta in Cruce patitur pro peccatis hominum; huic à Deo non parçitur. Peccatori quid fiet? quanta eum manent supplicia? Sed & amorê Christi erga homines disce, & statue

an

an po
meus
& eg
certè
um si
lo tuo
pius:
cuidan
sic tra
ens, f
fore j
23.
dio v
fumer
obtul
bolo
stum
lis &
nam,
parare
judic
rent s
mat N
24.
tus pa
statim
stes su
ta, au
reposit
milita

an post hac peccare in eum possis. DEUS meus pendet in patibulo, aiebat Bernardus, & ego voluptati operam dabo? Non poteris certè peccati desiderio tangi, in IESUM tuum si defigas oculos. Hinc habe in cubiculo tuo Crucifixi effigiem; hanc intueri sæpius: ab hoc tibi dici cogita, quod Sacerdoti cuidam impio dixit: Quid feci tibi? cur me sic tractas? in quo offendi te? Hæc audiens, si potes, pecca. Memor tamen, eundem fore iudicem, quem jam contemnis.

23. Ioannes Berchnannus nunquam prandio vel cœnâ accessit, quin aliquas in cibis fumendis mortificationes, sive victorias Deo obtulisset; aut abstinendo ab uno alterove bolo magis arridente, aut ratione aliâ gustum mortificando. *Ex vita*. Imitare, facilis & frequens est occasio, Intelligeres utinam, quantum tibi in cœlo Thesaurum comparare hoc modo posses! Victoriæ hæ tuo iudicio leves, ô quale moribundo tibi afferrent solatium! Nihil leve, quod summa æstimat Majestas.

24. S. Ioannes Chrysostomus nobilibus natus parentibus, nobilium pompam fastidire statim à teneris cœpit, nec famulos, nec vestes superfluas, aut similia admittens delicta, aut splendida. Reprehensus propterea reposuit: Num primus egosum, qui vitæ humilitatem colo? Deum didici delectari hu-
mili-

milibus, & his dare gratiam: huic placere, huic obsequi volo. *Ex vna.* Quàm multa sunt, in quibus vanitas sæpe dominatur! Sed hoc planius non dico: Illud exemplo Sancti hujus disce, ne movearis aliorum loquelis aut illusionibus, ut omittas, quæ Deo placent, aut agas quæ Deo displicent.

Hispani accidit quod refero. Sodalis erat qui calamum quendam scriptorium ex Sodalitio surripuerat, Juvenili furto. Is ipse minus casto amore personam aliquam prosequabatur. Ad hanc literas exaraturus, eundem, quem è cœtu Mariano rapuerat, calamum adhibet. Cœpta vix erat scriptio, & vehementissimam sibi alapam infligi advertit, voce hæc aditâ: Etiamne Sceleste rem dicatam temerare audes? Mansit ad dies aliquod nota inflicta plaga, ut vi altiore impactam esse constaret. Man. Sodal. Studiose an non miraris tantam B. Virginis severitatem? quid calamo levius? hunc ereptum ad usus alios deputari egerrimè tulit sacra Virgo. Cur ita? B. Virgini consecratus erat. Res cœlesti digna ultione est rem Deo & B. Virgini sacram quem nescio in usum impendere. Exhorrescē studiose: An non & tu membra tua, linguam tuam, pedes, manns, te totum Virgini sæpius immolasti? promittens. nihil te dicturum facturum ve contra honorem ejus? & quid tu? quoties ausu sacrilego temerare ausus es linguam tuam, pro-

profere
quinā
riculo
dictam
bomin
locau
non fer

25
pus, m
nam S
ut fo
perfect
tutum
comp
honor
quod
comp
re pro
menta
tulit v
cura t
jam fu
aliis.
tiam
ne De
mio v
26.
firmio
in ten
sanita

proferendo verba vah quàm fœda! quoties inquinâsti pedes eundo ad domos suspectas & periculosas? Idem dic de membris aliis. Et vindictam non times? odit odit, mihi crede, & abominatur B. Virgo furtum & rapinam in hoc locauit. Rem sibi dicatam impiè adeò profanari non feret.

25 S. Clemens Ancyranus postea Episcopus, monitus in iuventute à Matre, hanc unam sibi pro tot laboribus exhiberet gratiam, ut fortis perstaret in fide si quæ surgeret persecutio, id enim vero se solerter præstiturum reposuit. Quod & in ætate virili complevit luculenter. Ad propositos enim honores & pœnas intimo corde ingemuit, quod Deum videret rebus adeo vilibus comparari; jussus fuerat aut fidem deserre proposito honorum præmio, aut tormenta eligere acerbissima. Elegit ista & tulit viriliter. *Specul. Juvent.* O si par esset cura tua in implendis tot monitis quæ tibi jam subministrantur, tum à parentibus, tum aliis. Roga Sanctum hunc hodie, ut gratiam tibi impetret hoc agendi, præcipue Deum tuum proposito quovis vel præmio vel metu offendere audeas.

26. Rhedonensis Sodalitas infirmis cum infirmiore uteretur valetudine, monebatur ut in templo Sedens preces suas parageret. ne sanitati noceret: Is vero: Malo mori, ajebat,

jebat. quàm debitum Deo meo honorem, reverentiam que non exhibere, quem tamen in templo præsentem credo: *Ex Ann. s. J.* Exemplum pueri imitari ne erubescas. Fac eam in templo exhibeas Deo tuo reverentiam, quæ signum sit, credi à te adesse non solum eum, qui redemptor tuus fuerit, sed & iudex futurus sit severissimus. Abominatio est præsentem & inspectantem iudicem suo ad risus jocos, & nugas converti.

27. Berchmannus ob levem quempiam defectum à superiore monitus, tantum abfuit, ut ægrè ferret ut tria pro eo statim offerret recitanda Rosaria; Habes similia in plurimis. *Ex vita.* Imitare saltem in eo, ne excandescas, aut mala nescio quævis imprecari audeas, qui ex officio suo te movent, aut castigant. Benè tecum & cum anima tua sentiunt, Erit dies, quo patebit, utri te plus dilexerint, an Magistri tui & Professores, an progenies tartarea, Socii tui pravi, quam nescio amicitiam simulant.

28. S. Mammæ Martyr graviter ad deferendam fidem tentatus, aiebat: Ego à Deo meo nunquam recedam, & quem cunque potero ad eum adducam. *Ex vita.* Nunquam à Deo recedam: Vox Christiano digna! quemcunque potero ad Deum adducam. Vox Apostolica! firmus in Dei agni-

agnitio
induce
29
prolu
abat.
exhibe
maxim
ille na
bis no
sancti
iis præ
dua.
fuxit,
non
v. g.
temp
dem,
pericu
30.
sociis
dio in
de A
tiis.
gaudi
ternit
alius
nim i
Oblat
iis m
onibu

agnitionem, ad templum, ad sceleris fugam inducere satage; Quotidiana est occasio.

29. Neapolitanus quidam Sodalis in leprosum incidit. Nauseam vel aspectus creabat. Hanc ut generosè vinceret varia ei exhibet obsequia, demum & partes lepræ maximè deformatas osculatur. *Lechner.* Ita ille nauseam vincit: Ridet ista delicatus orbis noster. Non videt Deus. Non vident sancti; quorum hic erat labor vincere se in iis præcipuè, quæ maximè videbantur ardua. Xaverium nosti? Saniem ex ulcere suxit, ut se vinceret. Tantum à te petere non ausim, sed, an non vincere te possis v. g. mane surgendo generosè & debito tempore; declinando socium dilectum quidem, sed impium; non accedendo domum periculosam &c.

30. Bertrandus Cornelius more suo cum sociis vacabat genio, gulæ, libidini: Medio in æstu foras se proripit: cogitationem de Æternitate concipit: huic inhæret diutius. Adsunt interea Socii, revocant ad gaudia; At ille: Imminet, imminet Æternitas! parate vos! mutate vitam! ego alius ero. Et fuit profecto; Religionem enim ingressus Sanctè vixit: *Ex Ann. S. J.* Oblatas tibi à Deo inspirationes excipe, & iis morem geres, neque sociorum invitati-
onibus eas postpone, Æternitatem cogita,
Immi-

Imminet illa tibi. Muta vitam! alius esto.
Sed in quo?

31. Henricus ab Hayden Trevirensis, Romæ per annos septem versatus multa dedit raræ pietatis & sui in Mariam amoris exempla. Abitum ad suos parans morbo fatali corripitur. Expiatâ conscientîâ peculium suum ad S. Andeæ, S. Apollinaris, & B. Virginis honorem testamento legat. Somno dein obruitur, quo solutus advocato ad se Sacerdoti dixit: O Pater quæ ego vidi? Salus mea fuit in angusto: at benignitas Mariæ Virginis, sanctorumque Andree & Apollinaris in tempore succurit. Narrauit deinde, quod coram iudice divino accusatus jam jam damnationem sibi imminere crediderit, sed adfuisse ajebat B. Virginem dicentem ad Dæmones: quo vos istum rapitis, qui tot annos mihi in mea congregatione servivit? liberatum se sic fuisse potestate Dæmonum, & hinc securo jam & læto animo moriturum. Quæ dicens placide expiravit. *Lochner.* Remuneratur B. Virgo obsequia sibi præstita. Succurrit in periculo illo, ubi non est qui adjuvet. Cliens Mariæ nullus infelicitè moritur: nullus æternum perit. Esto cliens tantæ Matris, sed verus & constans.

*Adolescens in Lusitania pessimos in tenera
jam ætate mores induerat, factus ipse dein
alio.*

aliorum seductor infelix Obviam factus. die
quodam Sodali ad catum Marianum abeunti,
suadet huic, secum ut missâ Sodalitate agros
pererret. Reluctabatur is primum; pensum die
altero ferendum causatus. Tandem timore a-
bjeſto sequitur impium; foras progressus, post
colloquia sordida Eheu! ad tactus diabolicos
& nefanda flagitia deducitur, longè alius do-
mum reversus, ac exierat. Postridie summo
mane domum seductoris accedit, ut hoc duce
ad Scholas pergeret, poenamque neglecti penſi
subterfugeret. Querit è domesticis, ubi esset
studiosus; reponitur, harere etiamnum in le-
cto. Expectat horâ totâ. Reversus interea
impii pater, agrè filii pigritiam ferens, cubicu-
lum ejus adit, somnum ei excessurus. Reſe-
rat januam; sed subitò à teterrimo monstro
rejicitur. Mater sumpto animo idem conclave
petit: lectum scrutatur. Horrendum dictu!
Nonnisi horrida velut ardente manu impres-
sa, ibi signa reperit: denique & filium videt,
sed situ, cœlites! O quam funesto! caput exa-
nimis juvenis depressum erat. supra sedem
sordibus humanis fatidam, quibus impurum
ejus os & lingua putrida immersa erant: ma-
num alteram ad locum nefandi flagitii tene-
bat: corpus totum multiplici atro stigmate
notatum apparuit. Pexenfelder. Matte animo
impie lăſcive, peccator huc propera, hoc in-
tuere spectaculum; & si potes audacter pecca,
Pergo,

teret, induci postea unquam potuit. *Ex vita.* Quasi à facie colubri fuge non peccatum modò, sed & umbram peccati: fuge peccandi pericula: lusus periculosos abominare: consortia eorum fuge, qui ad illicita aut liberiora aliqua te invitant.

2. Iustus Lipsius adhuc adolescens ne vel semel à congregatione B. V. absuit: ad eam sæpe omisô, aut abruptô prandiô properavit, hanc B. Virgini mortificationem offerens. Moriens sanctè asseruit, magno se propterea solatio perfundi. *Ex vita.* Imitare, & dum hodie tuum erga Sanctam Virginem amorem renovas, statue congregationibus ejus, quoad fieri poterit, semper interesse. Erit & hoc tibi majus in morte solatium, quàm si horas illas vel otio vel somno vel alteri corporis recreationi à te impensas fuisse recorderis.

3. Ioannes Berchmannus sub initium mensis cujuslibet ex Præsede Sodalitatis quærebat; quænam obsequia devotionis Deo, B. Virgini, & Sanctis Patronis eo mense exhibere posset, aut quem errorem corrigere. *Ex vita.* Imitare: quære idem ex confessorio tuo, aut certè ex conscientia tua; quid præcipuè eo, quem inchoas, mense corrigendum sit; quæ devotio suscipienda. Labitur alioquin mensis, labitur Annus, nec pro cœlo aliquid aut pro æternitate agitur.

B

4. Theo;

4. Theodorus Adolefcens Ægyptius dum feſto quodam die ſplendidiffimum parari videt in paterna domo convivium; hanc animo ſuo cogitationem cœlitus illapſam advertit: Quid proderit tibi, Theodore, ſi bonis hīs omnibūs fruaris, cœleſtibūs autem excludaris? Præſentibūs hīs & futuris frui nemo poteſt. Hæc cogitans in domūs angulum ſe recipit, mundi vanitatem & pericula conſiderat, gratiam à Deo, ne æternis bonis excideret, enixè flagitat. A matre ad prandium vocatus, venire renuit, æternorum conſideratione totus abſorptus. Ne igitur æternum foret infelix ad S. Pachomium abiit; vitamque eo dirigente vixit ſanctiſſimam. *Ex vitis PP.* Plurima ſunt, quæ obſerves. 1. Quàm levi è re beatitudo Theodori pendebat! inspirationem illam ſi neglexiſſet, ſi velut tempori non idoneam animò excluſiſſet, nescio, an alio tempore vocatus à Deo fuiſſet, Ergo ejus exemplò inspirationi divinæ obtempera: Audi quid loquatur Deus per conſeſſarios, concionatores, libellos ſacros. 2. Maluit Theodorus præſentibūs carere deliciis, quàm æternis. Et hic & ibi felix eſſe non poteſt: Præſtat hic mortificare corpus, præſtat voluntatem abnegare, quàm æternum torqueri: præſtat modicas ſibi jam ſubtrahere delicias, quam fruendo illicitis æternas & ve-

ras

ras repudiare. Demum pia consideratio Theodoro præ cibo & deliciis fuit; ab hac nec per matrem avocari se passus est. Si milis sit tuus in devotione & studiis fervor; neque aliorum te vel exemplò vel consiliò abstrahi permittas.

5. In Paraguarina Sodalis ad impium aliquod facinus sollicitatus ajebat: Sodalis Marianus sum, & sæpe sanctissimum Christi corpus suscepi; non ausim hoc facere. *Ann. S. J.* Dum peccati se se offert occasio; dum ad illud incitaris; Memento te Sodalem esse illius Virginis, quæ peccatum quodlibet summopere averfatur. Memento toties divinò te epulò fuisse refectum. Pudore est & scelus intolerabile, linguam v. g. toties Christi cruore sacratam spurcìs aut indecoris sermonibus inquinare. Nefas est manus Christo Eucharistico oblatas quò nescio protendere. Dignum Styge flagitium est dare toties, toties datam Christo fidem fallere.

6. Michael Ayatumus Indus à sociis ad comedendas die vetito carnes invitatus, se id facturum negavit. Dicentibus verò illis: Nemo advertit: abest præceptor; parens non videt: pœna nulla timenda est: Sacro quodam furore excandescens, reposuit: I-tane verò hominum præsentia solum abster-rere nos debet, non Dei? *Ann. S. J.* Et tu præsentis ubique Dei recordare. Homo

non videt? at deus videt. Hominū poenas effugies? Dei non evades vindictam. Hoc præsente audere, quod præsente non auderes homine, quanta quæso protervia!

In Traiectensi Diaceſi ſtudioſi quidam luſu le recreaturi ruſ peſſerant: lex ea diſtante Damone per impium lata fuerat, ut qui poſtre- mus in luſu victor exiſteret, ceteris, qua vel- let, imperaret. Imperavit ille, ſuis ut ſub veſperum omnes veſtigiiſ factiſque inſiſterent. Adeſt tempus: Impius infamem ſcelere domum ingreditur, ſequuntur ceteri: in atrio ad fores conſiſtunt, Perpetratō immani flagitiō redux monet ceteros, ſe jubente ut idem ſinguli age- rent; qui recuſaret, ei tanquam immorigero legis antea lata pravaricatori pœnam denun- tiat. Nec mora: obſequuntur impio duci om- nes, unō exceptō. Is ceteriſ adhuc innocen- tior ad nefanda juiſſa expalluit; diſceſſum pa- ravit, nunquam à ſe antea violatam, nun- quam violandam poſthac aſſerens caſtſtatem. At ſocii vi abſtractum egreſſu prohibent. Ergo quaſi mutatâ mente, bene eſt, ajebat, ſequar veſtigia, ſi aliud non licet. Inde deſtinatum ſceleri locum ſolus petit; oblatâq; amplâ pe- cuniâ ſcleris omiſſionem et ſilentium per ſua- det ei cui adoleſcentiſ ſeducſtio commiſſa fue- rat. Redux cum ceteriſ huc illuc per urbem vagatus, tandem ingruente jam nocte domum repetit. Solus nonnihil proceſſerat, cum ecce per noctiſ caliginem perſonam aliquam vultu ra-

diantem conspicit; quæ paulatim appropinquans alapam juveni tanto impetu inflixit, ut humi corrueret semianimis. Voces has addidit personatus Angelus: Vel hoc verberare doctus disce impia vitare consortia. Alapa indicia multos dies tenuerant, ne altiore robore inflictam esse dubitari posset. Sod. Parth. Impius fuit juvenis, quia impiis se iunxit. Divina gratia debuit, quod in peccatum non ceciderit: ipsa tamen temeritas, quâ huic se commisit periculo, cœlestem meruit ultionem. Execrantur Angeli sancti familiaritatem cum impiis: hoc non jacturi si leve quid esset aut contemnendum. studiose, fuge consortia impia. Inter hæc vivere & non peccare majus est, ac medias inter flammæ non aduri.

7. Tertius è septem illis heroibus Machabæis nolens Dei legem violare, jussus linguam & manus ad tormenta porrigere, teste Scripturâ, linguam citò protulit; & manus constanter extendit, & cum fiducia dixit: E cœlo ista possideo, sed propter Dei leges nunc hæc ipsa despicio, quoniam ab ipso me ea recepturum spero. *Ex lib. Machab.* Etiam tu credis recepturum te esse membra tua in Resurrectione mortuorum. Sed quomodo? si pro Dei gloria ea impendis, recipies gloriosa; si secus, recipies turpia, deformia, æternum misera. Singularis aut pœna, aut merces manet membra

tua. Quid promittis linguæ tuæ? quid pedibus? quid lascivæ manui? statue consecrare membra tua cultui divino.

8. S. Aloysius S. I. iam lecto se dederat, cum recordatur orationis cujusdam consuetæ eo die omissæ. Illico è lecto surgit, orationem peragit. Placuisse hanc Deo victoriam testatur prodigium incendii mirabiliter à S. Adolescente averti. Somno enim, dum orabat, obrutus erat, candela interim vicina quæque accenderat; Aloysius medias inter flammæ illæsus fuit repertus. *Ex vita.* Imitare. Preces consuetas, præcipue vespertinas nunquam omitte: somnum potius excute. Non potest non hæc orandi consuetudo Deo esse gratissima.

9. Juvenis Anonymus turpissimûs diu vivebat immersus sceleribûs. Statuit tandem consuetudinem impiam rumpere, vim sibi inferre, Deo servire. Initium à Confessione generali fecit. Non multò post obviam ei facta est scelerum socia cumque eam nec voce nec oculo dignaretur; mirabunda illa, se non agnosci à juvene credens, dicebat. Ego sum illa. Tum hic propositi sui memor: At ego non sum ille: dixit; abiit, alius à se, constans perstitit. *S. Gregorius.* Sit & tuum tale in Confessione propositum. Alius post eam appareas, & mutatus ab eo, qui fueras. Quid proderunt Confes-

Confessiones tuæ in die iudicii, si nulla eas exceperit emendatio?

ro. Perusii Sodalis tempore Bacchanalium, ut vocant, suô se, quoad potuit cubiculô inclusit; totum prope tempus precibus consecrans aut mortificationi: neque ulla ratione ad potantium aut ludentium cœtus inde protrahi potuit. Imitatus in hoc fuerat S. Aloysium, qui infelices ejuscemodi dies mirâ in se austeritate, singulari in Deum fervore & scelerum detestatione exegit. *Sod. Parth.* Gratissima certè Deo pietas est eo tempore, quo ab hominum malitia tam protervè offenditur. Tu illud solito ferventiùs exige quâ studijs quâ pietati vacando. Cave communi & inexcusabili hominum errore abreptus quæ nescio admittere audeas. Nemini spatium peccandi aut facultatem divina Majestas concessit.

ri. Berchmannus in morbo sæpe ingeminabat illud: Ave Maris stella! Monstra te esse Matrem. Causam rogatus, ait: Iesum & Mariam amavi in vita, amabo & in morte. *Ex vita.* Imitare Mariam cogita, Mariam invoca verbis illis, quibus & S. Ignatius ante quodlibet negotium ejus opem invocabat, dicens: Monstra te esse Matrem. Felicem expecta mortem, si Mariam verè amaveris in vita. Sed quid est verè amare? verus amor non verbis solis absol-

vitur; factis probatur, Facto ostende, an Mariam ames. Peccatum fuge, præcipue illud, quod Puritati adversatur; & tum verè amas.

12. In Brasilia Sodalis iter faciens, ab hostibus suis interceptus, graviter vulneratus, semianimis relictus est. Abeuntibus illis Patronum suum menstruum inclamat Sodalis, & flumini vasto se committit, eò superatò Patriam repetiturus. Audiit Sanctus vota clientis, apparuit, manum porrexit, vulnera sanavit, per flumen traduxit incolumem. *Sod. Partib.* Sancti tui Patroni menstrui opem inclama, sive corporis sive animæ salus agatur. Novit ille succurrere pio clienti.

Cracovia Sodalis quidam impiorum consortiò seductus disciplinam scholasticam ferre ultra non potuit, ut pote libertatis desiderio contrariam. Ergo primùm abesse à scholis frequentius; dein illis prorsus valedicere. Nullò jam frenò ultra cohibitus, per scelus omne præceps ruebat, libertatis, ut credebat, aurea fructibus fruiturus. Sed brevis nimium erat! Paulatim gustaverat mellis Adolescens infelix; ecce decimò octavò ætatis annò medias inter delicias, exortò quò nescio tumultu, miserrimè trucidatur, nullò prorsus pœnitentiæ signò relictò. Simile quid Bituricensi sodali accidit: Deliciis liberius fruiturus, relictà scholâ, missò sodalitiò, impiorum adhaeret & obedit

voci;

vocibus; tempus omne potando ludemloq; perdens. Vix extimâs gustata labrâs gaudia morbus acerbus excipit; qui audiendi facultatem misero abstulit, dein & vitam. Ann. S. J. Sic castigat terribilis in judiciis suis Deus intempestivum libertatis desiderium. Time, time Studiose, qui regulas scholasticas, jugum & disciplinam pertasus libertatem suspiras; abes à scholis crebrius; studia negligis: tempus omne lusu, potatione, otio consumis. Non intra hos limites consistes. Brevis ulterius se effundet libertatis ardor; nec quiescet antè, quàm divinis humanisq; omnibus conculcatâs te ad tartarâ dejiciat. Principiis obsta.

13. Mexicanus quidam Sodalitatis à pietate prima deficere cœpit, & cupiditati fræna laxare: Ambulabat vice quadam in urbe cum focis suis & grave aliquod scelus animo volvebat: tum ecce adstat vir grandævus, vultu gravi & tubirato eum alloquitur: Tunc, qui B. Virginis fodalitio nomen dedisti, hæc animo ausis volvere facinora? horret ille, animo deficit, humi corruit: levatur à focis, ad nostros adducitur: expiat conscientiam; pristinam pietatem amplectitur. *Ann. S. J. Errantis & errorem corrigentis exemplum habes. O quoties idem tibi Custos Angelus exprobrare potest? hæc tu Sodalitatis cogitare? hæc loqui? hæc agere? scilicet omne scelus te*

dedecet. Imitare Adolescentem poenitentem:
Ne aliquando in die iudicii hoc tibi dicatur,
quod teste S. Cypriano Christiano cuivis im-
probo dicet Christus: Non novi te: Chri-
stianus (Sodalis non es) ubi enim opera tua?

14. S. Eucherius postea Aurelianensis E-
piscopus lectioni spirituali in dies aliquod
temporis spatium consecrabat. Ex hac salu-
tem hausit. Cum enim die quodam inci-
disset in illud: Præterit figura mundi hujus.
Mirum se in animo excitari ad deserenda
omnia mundana advertit; quæ & reipta de-
seruit, non sine multiplici de styge & carne
victoriâ. *Spec: Juv.* Imitare: Modicum quid
temporis lectioni ejusmodi saluberrimæ con-
secra. Hac fortasse uti statuit Deus velut
facili ad vocationem obtinendam instru-
mentô. Ea verò, quæ legis, à Deo tibi
inspirari certissimum habeas: illis obtempera:

15. S. Petrus Damiani gravissimis nocte
quadam tentationibus vexatus surgit, hye-
mali tempore aquis se immergit, eò usque
frigus acerbissimum sustinet, dum tentatio-
num æstus remitteret. *Ex vita.* Hæc ju-
venis fecit. Sic Sancti certant pro castitate.
An tibi grave accadat pro Angelicæ virtu-
tis conservatione unam alteramve mor-
tificationem suscipere, aut orationi aliquan-
tulum vacare, dum premit tentatio? Pu-
gnandum est. Delicatus miles facile suc-
cum;

cumbit. Res seriò agenda est.

16. S. Aloylius manè surgens sollicitè cavet, ne vel minimam corporis partem aspiceret nudatam; verecundia enim ejus, quæ Angelica erat, id non ferebat. Totum verò tempus, quò vestibûs se induit, orationi dabat. *Ex vita.* Imitare: memento modestiæ dum surgis. Vestibûs dum te induis, memento præsentis Dei, præsentis Angeli custodis. Assuesce precibus certis eò tempore persolvendis. Sic diem sanctè inchoabis.

17. S. Hilarius puer Martyr fame diuturnâ confici maluit, quam fidem negare; illud identidem Tyranno generosè oggerabat: fac, quidquid volueris: Christianus sum. Non cedo. *Spec. Juv.* Pueri hæc vox est inter tormenta & cruciatus. Erubescere, si facile adeò vinci te pateris; si à propositis deficere vel leviter solum tentatus non dubitas. Non deferendus est Deus, licet incommodi aliquid subeundum sit. Nondum fame, nondum dolore conficieris. Leve tædium est, levis incommoditatis horror; & fugis è templo; nauseas studia, scholas negligis; orationes omittis; hoc est, Deum deseris. Aliud incipe vivendi genus. Dic occurrenti cuivis molestiæ: Non cedo: premas me licet & affligas, non cedo: Dei amore superabo.

18. Maceratæ Sodalis fuste ab altero per injuriam graviter percussus, hoc solum iniquo aggressori dixit: Injuriam facis, adolescens: quid me petis: omnem tibi injuriam Dei amore condono, Inde templum ingressus Crucifixo advolvitur, ejusque exemplo vindictam procul fugere decernit. Rogatus postea, ut inconsiderato aggressori veniam daret, reposuit: Nihil opus est: Neque enim inimicitiam unquam suscepi aut odium. *Sod. Parth.* Frequens certè occasio sese tibi offeret leve quid pro Dei gloria patiendi: ne eam elabi patiaris absque fructu. Cave unò alteròve verbulò incautiùs ab aliis fortè prolatò, in cognomina calumnias, execrationes erumpas. Vince te!

Rufus adolescens annorum octodecim parente utroque orbatus apud avunculum suum Cyrillum Episcopum Hierosolymitanum nutritus fuerat. Nihil in eo prater immodicam ludendi cupiditatem carpebatur. Mortuus, & Cyrillo apparet, specie prorsus terribili; aternisque se se damnatum esse ignibus vociferatur, ea solum de causa quod lusui nimis addictus, plurimum ei tempus dederit, quod negotiis aliis statui convenientioribus dari debuerat Flores. exempl. Quid tu ad hoc Studiose? fidem nescio an apud te inveniat tragica hæc Historia, qui nihil planè sceleris inesse putas turpissima ludendi prurigini. Illud negare non potes, plurimum
tum

*rum semper ſcelerum fontem extitiffe hanc ludendi conſuetudinem immodicam. Hac certè pecuniam furtivè ſubtrahere, tempus ſtudiis & pietati ſuffurari, deteſtandis ſociis adharere, vacare gula, cauponas habere præ templis, in rixas & convitia, & maledicta & blaſphemi-
as abire, quincum ipſo etiam demone pacisci docuit, docetq; hodie dum. Tu cave aſſueſcas, niſi ad graviora ruere imprudens velis.*

19. S. Andreas Corſinus, ſanctè ſub initium educatus, paulo poſt ſociorum blanditiis ſeducſtus naſcere cæpit ſtudia; faſtidire libros, amare luſus, fugere ſcholas; rem verbo; vivere ex mundi genio. Verum à matre ſeriis verbis reprehenſus B. Virginis i-
magini advolvitur, gratiam rogat ſe emendandi, & ex eo momento in alium plenè mutatus vitam cæpit ſanctiorem. Dixerat ei mater: Non mihi, ſed Mariæ natus es. *Ex vita.* Studioſe, non tibi, ſed Mariæ natus es, & toties oblatus. Quid verò proſunt tot increpationes & monita parentum & Superiorum tuorum? Imitare S. Andream, & coram B. Virgine ſtatue vitam aliam inchoare, emendando defectus, quos tibi præ aliis familiares habes. Pete à magna Matre gratiam, quâ totus conver-
taris; non enim tibi, ſed Mariæ, ſed cœlo natus es.

20. Antverpienſis Sodalis ſæpe ex Præ-
ſide

fide quærit, quodnam Deo gratissimum præstare posset obsequium: vilia enim & communia, aiebat, non sufficiunt, quia extraordinarias à Deo gratias mihi collatas esse memini. *Ann. S. J.* Sodalis mi; an non & tu speciales à Deo gratias nactus es? Vide talenta tua: vide inspirationes, cogita vitam elapsam: & nega si potes. Sed qualia tu Deo exhibes obsequia? quam exhibes gratitudinem? quid hodie Dei in te tam benigni amore ages? quò abstinebis peccatò? Certè enormis est ingratitude tua, si ne communia quidem exhibere velis obsequia, cum planè extraordinaria tenearis Deo tuo exhibere. Hodie saltem fugies peccatum aliquod amore Dei tui.

21. Michael Ayatumus sollicitus semper S. Aloysii imitator; ultimò adhuc vitæ die Sacerdoti ad aram facienti operam navare voluit, uti eam indies navaverat eò fine, ut thesaurum in cœlis augeret. *Ann. S. J.* Imitare: Angelicum hoc officium sæpè sed modestiâ Angelicâ exerce. Stude & tuam augere in cœlo gloriam; per opera bona, per studia ad Deum directa. Pudor est filios sæculi hac in re prudentiores esse filiis lucis. In dies suis in actionibus lucrum spectat mercator, nunquam ejus augendi occasionem negligit. Tu quid pro lucro cœlesti? quid pro cœlo!

22. S. Rupertus Abbas Tuitiensis, naturâ tardus, cum nec labore quidem proficere se quidquam adverteret in studiis, opem B. Virginis quàm ardentissimè poterat invocavit. Apparuit ei nocte Virgo, & sapientiam elargita est eam, quam orbis hodiernum suspicit. *Ex vita.* Ad Beatam Virginem confuge: Sedes sapientiæ est. Hujus implora opem: subsidium invoca, non deerit.

23. Berchmannus hoc fecit, & sæpè renovavit propositum: fugiam consortia tepidorum, & ut basiliscum aspectus mulierū. Observavit utrumque sollicitè. Teste enim vitâ ejus velut pestem fugit adolescentes quosvis vitæ liberioris: fæminam aspicere nullam notatus est. *Ex vita.* Imitare. Fuge & salvaberis, dictum est Arsenio, viam salutis à Deo scire volenti; fuge. Fuge mulieres: fuge Socios quosve suspectos. Vis castus esse? vis salvari? fuge Frustranea sunt remedia alia, si hoc non accedit. Ah quoties Angelicus juvenis seris satanizat in annis; quia paulò liberius versari cœpit cum socio disciplinam exoso, &c. quia incautiùs vagari oculis libuit!

24. S. Andreas de Chio terribilia & verè inaudita supplicia passus, aliam inter tormenta vocem non edidit ac hanc: Virgo Maria adjuva me! habebat hoc antea singulare,

re, quod joculari aut otiosa verba proferre auditus sit nunquam. *Spec. Juv.* Imitare. Facessant ab ore Sodalis joci indecentes, nedum lascivi, quibus non tam audientium animus quam diabolus recreatur. In omni necessitate Mariam invoca. Virgo Maria adjuva me.

In Flandria Studiosi duo, & literarum & scelerum consortes erant, in licentiam omnem effusi, noctem ipsam extra domicilium proprium in cauponis ducere consueverant. Ex more noctem mediam potando traduxerant; auditur hora duodecima, & eorum unus scelere lassatus domum abit; raptim vestes exiit, leto se committit. Adest cogitatio necdum persoluti pensi Mariani. Vicit pietas, preces licet misere persolvit. Interea pulsantur fores, aperiuntur vi, adest monstrum visu terribile, flammis undiq; cinctum; his alterum compellans vocibus: Agnoscisne quis sim? Socius tuus sum, à quo modò recesseras. Noveris; eadem illà hora, quā nos voluptati vacabamus in caupona, à demone accusati sumus, à Deo morti aeterna adjudicati. Tibi ob preces B. Virgo inducias impetravit: ego domum rediens à demone praefocatus, aeternum harebo inter inferos. Multa alia addidit, non sine immani horrore alterius. Pexenf.

Studiose, quis animus tuus; Condiscipulorum unus servatur: damnatur alter;

ter; quis scit, quæ tua fors sit futura! Ah contremisce, & cum timore salutem operare. Unum Virgo Mater servavit: spera. Damnatuſ est alter: time. Spem inter & metum ambula. Nota etiam quod eadem horâ accusati ſint coram Deo, qua numinis obliti gulæ vacabant impii. Eadem horâ. Quis ſcit, an non eadem hac horâ, hoc die, quo neſcio quàm infanda ſcelera ſtatuis, coram Deo accuſeris. Diſce pariter, quem exitum libertatis amor, & cauponarum frequentatio habeat. Diſce etiam in juvenes juſta Dei judicis fulmina contorqueri. Time! expaveſce!

25. Berchmannuſ ſic ſæpiuſ ſe allocutuſ legitur: Quid prodeſt tibi, ô anima diligere ab homine, ſi per hunc amorem perdis amorem Chriſti ut Pilatuſ? *Ex vita.* Agnovit prudentiſſimuſ adoleſcens cæcitatem hominis, qui exemplô Pilati, ut homini placeat, Deum offendit. Agnoſce quæſo & tu cæcitatem fortè tibi frequentem: perdis amorem Dei, ut conſerves gratiam hominis: offendiſ Deum mentiendo, loquendo, tacendo indicanda, omittendo agenda, quia ſociis id placet, timeſ diſplicere homini. Miſerum te, quid prodeſt amicitia omniſ humana ſine divina? Quid profuit Pilato Judæorum amicitiam quæſiviſſe perdendo divinam? Tibi quid proderit? Statue nunquâ
in

in gratiam hominum offendere Deum.

26. In Provincia Peruana Sodalis quidam, quem antea pudor à manifestando quodam scelere absterruerat, Missionario nostro sincerè omnia aperuit, inquit: Paratum se esse coram orbe toto peccata sua manifestare, ne dæmon aliquando ea obijcere posset ad ignominiam sempiternā. *Ann. S. J.* Cave sedulò, ne unquam maledictus pudor eò te inducat, ut sacrilego ausu scelus in Confessione taceas. Horres hoc agere? laudo horrorem: fac ut sit perpetuus. Pereat pudor, salvetur anima; ait Tertullianus.

27. S. Eduardus nihil unquam negabat, quod amore S. Ioannis petebatur. Pietatem hanc non uno prodigio remuneratus est Deus; qui etiam imminentem mortis horam eidem per S. Ioannem indicavit. *Ex vita.* Imitare: in hoc tuus eluceat in Sanctos amor, ut nihil eorum causâ renuas, nihil non agas. Petit à te B. Virgo, petit Patronus menstruus, ut hoc illud vitium studeas emendare, consortium illud fugere, & si ejus sentire patrociniū desideras, obedi voci ejus: *eius amore te emenda.* O quàm hoc facile! quàm utile, habere per dies singulos è Sanctis unum, cujus amore diem illum bene colloces.

28. Fuit Clagenfurti in Austria, qui ut viveret licentiùs, dixit impius in corde suo,

non

non esse dæmones, aut infernum. Hinc in vitia omnia ruere pro ludo ei & joco tuit. Verum iniecit effrænatae huic vecordiae manum misericors Deus. Infelices æternitatis infernalis carnifices non tantum vidit impius ille, sed & sensit, quando pressio gutture ac prope eliso spiritu ad extremas redactus est angustias. Eluctari vox una potuit lesum & Mariam inclamans. Fugerunt tum spiritus tartarei; impius ille tantò perfunctus periculò, mox ad Patres Societatis properat, conscientiam expiat, vitam inchoat sanctam. Quæ ut constans esset, elegit sibi pro Tesseræ voces illas: Discedite à me maledicti. Hîs ille salubri semper eventu à peccato vel invitus avocabatur, ad constantiam trahebatur. *Ann. S. J.* Resipiscentem hunc tibi propone juvenem, non errantem. Tesseram illam habe familiarem tibi: Discedite à me! recordare iudicii illius ultimi: Gehennam tibi ob oculos statue; non peccabis.

29. Anonymus Sodalitatis devotissimum se Mariæ Virginis clientem vivus ostenderat. Moriens, monitus, ut sanctam Virginem invocaret, ait: In hac spes mea omnes collocavi, nec de ope illius dubito, inde raptus in extasim, clamabat: Abyssus abyssum invocat. Restitutus sibi; Deus bone, agebat, quæ se mihi visa objecerunt! quàm for-

formidabilia! quam horrenda conspexi! sed B. Virgo mihi adfuit, me defendit: lætus morior. *Man. sod.* De morte hac quid sentis? felix est, inquires. Sic est. Stude, ut & tua sit similis Spem in B. Virgine omnem colloca. Aderit hæc, si sanus eam colere non desistas. Frustra autem ab ea opem expectas, si ejus amore te vincere, ei servire renuas. Novum igitur hodie in ejus obsequio fervorem concipe.

Martinus Delrio refert in Flandria comitatu tres fuisse Ganeones & lascivos luvenes, absque pudore omni, potando luxuriandoque vitam prodigentes. Die quodam in seram noctem compotationes prodixerant; tum unus eorum; sat, ait, Baccho ventrique datum; Deo gratias saltem. Ego verò inquebat audacior, demoni gratias ago, cui operamur. Dixit, & cum sociis lectum & scelera petiit. Vix decubuerant, ecce tibi janua vi reserata, demon atri & trucidis viri speciem indutus ingreditur habitu venatorio, molossis duobus stipatus. Tum ad lectum conversus: Ubi est, ajebat, qui mihi gratias egit? referam & ego: idè enim adsum. Lecto pavitantem abstrahit blasphemum, infans ejulantem verum ibi posito, luculento igne assat, horrendum vociferantem; Dein rursus ad lectum versus; digni vos etiam estis ajebat parè supplicio; nec voluntas mihi deest; vi majore prohibeor: Invitus abeo,
& mo-

Angelica devotione preces in templo per-
solvit ut non alio quàm Angeli nomine
compellaretur; multi etiam essent, qui ad
templum occurrerent, ut ejus orantis mode-
stiam contemplarentur. *Ex vita.* Dignum cœ-
lo spectaculum. Adolescens devotè in tem-
plo versans. Domus Dei est, in qua oras
in dies, studiose: Iudex tuus est, in cujus
conspectu oras & versaris. Time indecens
aliquid admittere, non sine intuentium scan-
dalo. Observa modestiam in templo.

2. Bituricensis Sodalitas morti proximus
sic suos alloquitur: Condiscipuli mei, fugi-
te peccatum; declinate socios pravos; a-
mate B. Virginem, in qua spem omnem
colloco; hanc cum Patronis menstruis pro
felici lucta ultima imploro. *Ann. S. J.* Hæc
fac & vives. vives vitam studiose dignā;
vitam beatam in cœlis. Renova hodie de-
votiones tuas erga B. Virginem & Sanctos;
item proposita alia pia.

3. S. Casimirus Passioni Christi tenerimè
addictus fuit; sæpè de hac legit; de hac li-
bentissimè locutus est. S. Franciscus Seraphi-
cus, & S. Vincentius Ferrerius à teneris
eidem Passioni erant addictissimi, ad solam
ejus memoriam abierunt in lachrymas. *Ex
vita.* Imitare, & imminente vel præsentem
tempore quadragesimæ recordare Christi
pro te passi; ejus amore non recusa pati

ali

aliquid vel laborare, qui pro te dignatus est mori.

4. S. *Æsquilius* postea *Archi* Episcopus, duodecem annos natus, lethali morbo correptus, à medicis depositus, ad luctam ultimam munitus, in extasin raptus, videbatur sibi versari in domo flammis undique occupatâ; è qua cum elabi fugâ per omnia conclavia cuperet; ad splendidam aulam devenit, in qua Angelorum Regina regali solio residens propitias supplicantibus aures dabat: Illic ratus fore se securum, pedibus Virginis advolvitur, clementiam invocat. Dedignata Virgo intueri eum, abduci jubet, & ad ignes abjici: Sancti præsentes rogare pro misero, & Virginem placare laborabant. At illa: Cujus vos causam agitis? Juvenis est impius, pietatis odor, impurus, à quo nunquàm rite honorata fui. Rogantibus verò denuò Sanctis & emendationem pollicentibus, ipsò *Esquiliò* sancta omnia promittente reposuit Virgo: Iret & emendaret vitam, errores præteritos elueret, fidem servaret inviolatam, Cessavit sic visio. *Æsquilius* sibi redditus, rem seriò agi videns, totum se pietati & Virginis cultui dedit; adeò ut in *Archi* Episcopum eligi meritus fuerit. *Spec. Juv.* Non errantem sed resipiscentem propono *Esquilium*. Frustra tibi à Virgine favores polliceris in vita hac pessima.

suma. Oculos à te avertet, si tu à pietate a-
vertas animum tuum. Infelicem te, nisi
resipiscas.

5. Alexander Bertius, Adolefcens piissi-
mus, è schola domum reversus, domesti-
cos convocat, refert audita in concionibus
scholasticis. *P. Nieff* Imitare: O quàm mul-
tum boni præstari à te posset, si tempore
prandii vel cœnæ referres exempla, & alia
in scholis audita! quot mala impedires!
quot sermones minùs honestos arceres!

6. Neapolitanus Sodalis impuro amore diu
detentus, ejuratâ vitâ pessimâ sanctam cœ-
pit; de constantia sollicitus jubetur ad B.
Virginem confugere: obsequitur. Accipit
paulò post in schedula Patroni menstrui hanc
sententiam S. Gregorii: Noli cessare ab o-
ratione, quod enim tibi largiturus est Do-
minus, non negat, sed differt. Animatus
hac voce perrexit in precibus, adeoque in
proposito pio confirmatum se sensit, ut ad
peccata priora reversus sit nunquam. *Ann.*
S. J. Imitare, in dies ad B. Virginem con-
fuge per preces, & constantiam in proposi-
tis tuis flagita. Ne dubita; sequetur emenda-
tio constans.

*Sodales duo, pomeridiano tempore, quo ca-
tus Marianus adeundus erat captatò ex amœ-
nitate cœli consiliò navem conscendunt, ut
in Pado Italia flumine lusitabundi reliquum
diem*

diem exigent: dum id agunt, dicit alter alteri: Quin in hoc otio Sodalitatis penſum perſolvimus, & horarias B. Virginis preces oramus? Respondit alter: Leges Sodalitatis non obligare sub peccato; & precandi animum ſibi jam non eſſe. Orat ergò unus; negligit alter: Pœnam iſte, alter præmium repente tulit. Orſâ enim nescio unde tempeſtate & cœlo in turbinem verſo, ecce! navis agi flumine toto, concuti, impingi, demergi, ambo in flumen excuti: ambo Mariam inclamare: Adeſt hac ei, qui preces perſolverat & prehensâ manu periculo eum eripit: ad alterum verò ſimile auxilium implorantem converſa ait: Non obligaris me colere; nec ego obligor te morte eximere. Hoc dicto miſerum cum morte luſtantem deſeruit. Sod. Part. Sicut Mariam colis ſic te adjuvabit. Time tepori tuo & ignavia: nunquam negliges conſuetâ ei obſequia exhibere. Miſerum te, ſi te Maria deſerit: deſeret autem, ſi tu prior eam deſeras.

7. Anonymus Sodalis ad peccatum à ſociis invitatus, neque precibus, neque promiſſis, neque verberibus ceſſit. Auſi ſunt impii conſtantem in propoſito juvenem ligare vinculis, per tres dies in loco tenebroſo detinere, pugione etiam intentato mortem minari, niſi obſequeretur. Sed nec ſic quidem, ut ſceleri conſentiret, induci potuit: hoc unum heroâ ſemper voce

reposit: Malo mori, quam fœdari. *Ann.*
 S. J. Mira certè in juvene constantia: hanc
 tu stude æmulari; dum à sociis aut dæmone
 ad peccatum qualecunque incitaris, non
 cede blanditiis, non promissis, non vano
 timori. Repete illud: Malo mori, quam fœ-
 dari.

8. B. Aloysius oculorum mortificator ad-
 mirabilis; res visu jucundissimas, eis planè
 interdixit; ut, dum equitum lustrationi in-
 teresse cogebatur; dum Legati Iaponii Ro-
 mam abirent, pompam illam ne intueri
 quidem voluerit. *Ex vita.* Levia hæc sunt
 tuò judiciò: sed & in levibus his magna
 sæpè victoria, res Deo gratissima. Imitare,
 mortifica subinde oculos; dum res jucun-
 da eis sese offert: averte oculos tuos, ne
 videant vanitatem, præcipuè in sexu altero.
 Non unus hæret inter inferos, qui æternum
 foret felix, si oculos suos ab objecto ali-
 quo illicito avertisset. Videre omnia velle
 curiosè, primus ad peccatum gradus est,
 primus ad interitum.

9. Berchmannus sæpè sanctissima Con-
 fessionis & Eucharistiæ Mysteria obiit, non
 contentus iis vicibùs, quibùs per legem stu-
 diosi omnes eadem Mysteria jubentur su-
 scipere: Fructus, quem consecutus est, hic
 erat, ut tantam animæ puritatem adeptus
 fuerit, quæ sæpè nec absolutionis materiam
 Con-

Confessario suppeditaverit. *Ex vita.* Imitare; sæpius sacra hæc accede Myſteria non tantum pœnæ ſcholæſticæ metu. Præcipue, dum feſtum aliquod ſolennius eſt, aut dies Patrono menſtruo ſacra, nunquam omite S. Communionem: Miſerum te, ſi hac in re tepere incipias! Unde accidere dices, multos eſſe è Philoſophis qui vitam prorfus diſſimilem agant illi, quam egerunt in ſcholis humanioribus? dicam; ex eo accidit, quia rariùs divina accedunt, aut minore cum devotione.

10. Viennensis Sodalitatis ut ſe arctiùs B. Virgini obſtringeret, votum Caſtitatis concepit; ſchedulam voti teſtem è collo ſuspendit; contra tentationes omnes præſentiſſimum inde remedium hauſit. *Ann. S. J.* Tantum non peto à te, hoc tamen utiliſſimum foret; ſi poſt maturam deliberationem & conſilium, Confessarii, ad breve tempus, vel tale Caſtitatis, vel aliud devotionale votum conciperes: cogitur hac ratione natura cæteroquin inconstans, ut obediat Deo, & agat bonum. Sed & hoc facile eſt, ut sæpè formulam ſodalitatis renoves, & ſic identidem te de novo B. Virgini conſecres,

11. S. Thomas Aquinas à teneris nullo ludi genere, ſed librîs ſolum delectabatur: ſic vita ejus diſertè teſtatur. *Ex vita.* Imitare:

tare: Vocavit te Deus singulari suo in te amore ad studia, per quæ idoneum te faceres officiis altioribus pro tua & aliorum salute gerendis. Ergò tuum est, studiis præcipuè delectari. Alloquere te sæpè, uti Bernardus solebat, dicens: Bernarde, ad quid venisti? venisti, non ut ludas, ut otieris, sed ut studeas. Fuge præcipuè lusus vetitos, in quibus non temporis solum, sed & pudoris, & innocentiae iactura non raro subitur.

12. Ingolstadiensis quidam malorum sciorum flagitiò in detestanda quævis scelera lapsus, eò etiam deductus est, ut dæmoni se tradere statuerit; jam schedulam scripserat, jam occasione inhiabat; cum ecce una hæc occurrit cogitatio: Hæc tu, cum Sodalis sis, audes? fregit ista impudentis animum, & mutato repente consilio ad Confessarium abit, rem exponit, deploratque. *Sod. Parth.* Hæc tu, cum Sodalis sis, audes? hæc? tam turpia? tam indecora? tam abominanda? pudeat! Sodalem te dicis castissimæ Virginis; & hæc audes, quæ vel casta auris refugiat? Sodalem dicis Virginis mundissimæ; & hæc audes, quæ & tuam & aliorum animas foedissimè deturpent? Erubescè, & hac salutari cogitatione compunctus abjice nefandas illas consuetudines; fuge peccatum hoc -- nosti quale,

quale, quàm periculosum, quàm indignum
eò, qui Sodalem se dicit.

*Placentia Sodalis sacro igne accensus statum
Religiosum spirabat; eà apud omnes opinione
erat, ut Mariana præfectura ei committeretur.
Verùm sociorum pravorum consiliis à Religione,
à pietate abductus, lascivis amoribus irretitus
est. Puellam quandam in sano amore deperibat.
Huius ante fores obambulans adolescentem a-
lium videt, qui alia omnia agitans ibi con-
stiterat. Exarsit miser & rivalem suum esse
ratus; edico tibi, aiebāt, ut illicò hinc faces-
sas, nisi pessimè haberi velis. Excusat alter
factum fortuitum. Sed Sodalis impius strictò
gladiò eum in fugam compulit: Ille fugiens
animum revocat, stringit gladium, vim vi re-
pulsurus, jamque ad instantem obversus pede
fallente corruit, gladiò ante se elatò; in quem
furore excacatus miser amator irruit, seque
ipsum alienò ferrò transfigit; paulò post vitā
discedit. Ann. S. I. Hoc fine coronatur la-
sciva impietas. Tua pietati, si qua est, nolè
fidere: quantò illa major est, tantò graviores
demon insidias parat per socios maledictos,
tantò ruina erit terribilior.*

13. Michàél Ajatumus dum sermonem
turpem aut paulò liberiozem à sociis move-
ri advertit, confestim tacitè consortio se
subducit, ne verba ad animum penetrarent,
animam læderent. Idem in S. Marculphi

vita laudatur, quod omnia coætaneorum vaniloquia studiosè vitaverit. *Ex vita.* Amas castitatem? ama hac in re imitari. Fuge, fuge sermones vel à longè turpitudinem aliquam redolentes. Nihil castitati noxium magis. O quot adolescentum innocentia illæsa adhuc esset & integra, si verbum unum alterumve turpius, ad aures non admisissent!

14. S. Calibyta dæmonem superaturus rarâ constantiâ annos multos in domo paterna ignotus, pauper, patiens exigit; causam rei hujus ipse hîs verbis sub vitæ finem dedit; Christum meum amans, suave jugum ejus portavi. *Ex vita.* Disce dæmonem vincere in levioribus saltem: constanter exequere proposita tua ante Confessionem facta: non desere pietatis exercitia, quæ pio fervore inflammatus suscepisti. Displicet Deo stulta & infidelis promissio: displicet inconstantia.

15. Ioannes Bartirotus Castellanetæ princeps Sodalis, in honorem Passionis Dominicæ diebûs Veneris, flagellô in corpus suum innocens desæviit; & hoc quidem fecit annos non nisi novem natus. Michæel Ayatumus eandem ob causam jejunabat Feriâ sextâ. *Ann. S. J.* Par est, ut & tu tempore, Quadragesimæ, mortificationem aliquam subeas in honorem Christi Passi. Quam verò?

verò? si jejunium & flagellum displicet,
diebùs Veneris abstine peccatò aliquò, ad
quod maximè inclinas.

16. S. Paulus postea Virdunensis Episco-
pus, à vocatione implenda avocabatur per
parentes, qui quæ nescio bona ei oggere-
bant: at ille, nihil, ait, intulimus in mun-
dum hunc, nihil auferre inde possumus:
Deum sequor. *Spec. Juv.* Agnovisti fortè
vocationem tuam: Cave ulla te res ab ea
implenda avocet. Bona mundi, digna non
sunt, ut eorum amore Deo vocanti morem
gerere dubites. Deferenda erunt tibi illa, si
non antè, certè in morte. Sed & in qua-
vis peccandi occasione Dei vocem sequere
non hominum: Dei vox est: declina à ma-
lo, & fac bonum. Vox Dei est: Quasi à
facie colubri fuge peccatum. Hanc audi.

17. Mediolanensis Sodalis erat, qui alte-
rius castitatem expugnare laborabat: Re-
spondit: illa: Corpus hoc, quod Sanctissi-
mam Eucharistiam hodie suscepit, nullo
certè humanò contagiò violari patiar: vitâ
potiùs quàm pudicitia cedam. Attonitus ad
hæc verba juvenis, eadem sanctissimæ Eu-
charistiæ susceptæ memoriâ à scelere avo-
catus est, atque ut nunquam tale repeteret,
frequentius eam suscepit, frequentius ejus
recordatus est. *Ann. S. J.* Studiose mi si
quid est, quod sceleris cupiditatem repri-

mere possit, potest id memoria SS. Eucharistiæ toties susceptæ. Cogita ergo sæpè: Hodie, vel ante duos aut tres dies suscepi Christum Eucharisticum, non audeo linguam meam, non manus, non oculos violare; Christus enim membra hæc veluti sacravit.

18. Launomarus postea Abbas, de victu quotidiano à parentibus submisso, fermè indies aliquid sibi subtrahit, egenis largitur. Hoc ipsum à plurimis sanctis adolescentibus factum. Credo majore eos in morte fruitos esse solatio, ac studiosos illos, qui expensas à parentibus pecunias lusu & otio perdiderunt. *Spec. Juv.* Tu si egenis largiri non potes, preces pro eis non rarò persolve: Parentum sumptus ne frustranei sint, omni studio enitere.

Adolescens quidam modestia omnis virtutisque exemplar, omnium in se oculos amoremque rapuerat; alienissimus ab omni vitio, in quod incauta sæpe juvenus solet impingere. Audiit ille nomen Pòëta cujusdam veteris celebrari ob versuum concinnitatem; reprehendi tamen ob impuritatem, Nihil ille moratus, Pòëtam emit solam in eo Latinitatis elegantiam spectaturus. Emptum legit, lectum probavit, probatum suis non tam versibus, ut statuerat, quàm moribus expressit. Sensere mutationem inexpectatam omnes & gemuere.
Clades

Clades manifesta erat, cladis causa occulta; Apparuit deinde & ista; adhibita remedia; sed incassum. Præceptus animus, jugo palam excussus, per omnia vitiorum abrupta ferebatur; adeo ut à Magistratu publicâ infamiâ notatus scholâ & urbe proscriptus fuerit, utinam non & cælo. Lechn. Tantum valet libri pestiferæ lectio. Cautus hic esto. Occurrunt passim cantilena, libri nonnisi igne & tartarô digni. Curiositatem eorum lectione pascere velle, res periculô plena est. Hæret altè infixæ memoriæ lectio pestifera; cladem excitat eam, quam in adolescente hoc conspeximus. Projice abs te libros tales. Cyriaci cujusdam Monachi domum intrare B. Virgo renuit, uti aliorum cellas subierat, sed severo eum vultu intuita est, eò quod hostem suum, ut aiebat asservaret. Hostis ille erat libellus Hæreticus, inscio Cyriaco domi suæ jervatus. Hunc ille ocyus expulit; favore dein Mariano recreatus. Talem Mariæ hostem si nutris, ejice: Maria ad te non divertet, nisi ejeceris.

19. Berchmannus singulari devotione ferebatur erga S. Iosephum, affirmans: Nichil se unquam à magno hoc sancto flagitasse, cujus compos factus non fuerit. Ex vita. Imitare. Elige magnum hunc Sanctum in Patronum tuum & frequentissimè invoca. Ut autem intercessionem ejus facilius tibi impetres, stude æmulari virtutes S. Iosephi.

sephi. Primariæ erant: Amor erga Iesum & Mariam, Castitas illibata. Ultimam etiam vitæ horulam ei commenda. Patronus morientium est, inter Iesu & Mariæ brachia mortuus.

20. S. Thomas Aquinas à propudiosa fæmina ad scelus incitatus, hâs Deum & B. Virginem vocibûs alloquitur: Ne sinas quæso Domine Iesu, & tu sanctissima Christi Mater & Virgo, ut tam immani scelere me obstringam. Factâ hac oratione, titionem è foco arripit, impuram cubiculo eicit, clauso dein ostiô gratias Deo agit pro victoria. Placuit Deo generosus animus: Angelos misit, qui invictum pugilem cingulo quodam sacro munirent, perfectamque à tentatione omni lasciva immunitatem largirentur. *Ex vita.* Imitare. Iesus & Maria sint tuum in omni tentatione refugium. Animô heroicô rejice abs te omne illud, à quo ad Dei offensam invitariis.

21. S. Casimirus mortificationis admodum amans fuit. Sæpe nudâ humo usus est lecti locô: sæpe noctu de hyeme nudis pedibûs obire solebat Ecclesias: cilicium horridum sub purpura ferè assiduè portabat. *Ex vita.* Horres mortificationem, Studiose? Cælum horres; neque enim hoc sine illa obtineri potest. In levibus incipe vim tibi inferre: patere frigus leve in templo, labores

bores in studiis, varias quotidie occurrentes molestias lætò animò tolera. Etiam levia ista, Magnus Deus magnâ mercede remunerare solet.

22. Bariensis Sodalit alteri, à quo gravissimè fuerat offensus, aiebat: Ne timeas: nihil interruptet amicitiam nostram, quam in B. Virginis gratiam spero æternam fore: quin in posterum amiciores erimus.

Ann. S. J. Cave vindictam spires, aut aversionem ostendas, dum leviter fortasse ab altero offenderis. Meretur B. Virgo, ut tantillum ejus amore feras.

23. B. Aloysius S. I. volens rem B. Virgini gratissimam facere, adhuc Novennis Festò Annuntiæ Virginis eidem vovet castitatem perpetuam. Idem fecit Michàél Ayatumus annò ætatis decimòtertiò. Uterque hoc consecutus, ut omni turpiore motu, quoad viverent, essent immunes.

Ex vita. Imminet festum idem magnæ Virginis. Quam tu ei rem gratam facies? Purissima Virgo est: Puritatem amat. Hoc saltem age: Propone firmiter fugere minimum quodvis periculum castitatis vel perdendæ, vel etiam lædendæ. Tale periculum est in consortiis suspectis, in sermonibus, in cibo & potu immodico.

24. Berchmannus diebùs sabbathinùs & in pervigiliis B. Virginis jejuniò rigidissimo

coluit purissimam Virginem. Idem fecit Ayatumus: idem innumeri magnæ Virginis cultores. *Ex vita.* Est hodie pervigilium B. Virginis. An amor tantæ Matris tantum à te non impetret, ut jejunium aliquod hodie suscipias, aut saltem cibò aliquò grato abstineas. Statue quid agas.

Juvenis blandâ alterius familiaritate à studiis ad otium, ab hoc ad scelera varia, maximè ad lascivias deductus fuerat. Sape errorem turpissimum deslevit; sape manus B. Virgini sacratas infami tactu non ulterius contaminare statuit: sed relapsus semper, semper reversus ad vomitum. Intentat Confessarius ultionem Divinam inconstanti; minatur Tartara, frustra erat. Fuit, cum urgente tentatione denuò scelus repetere statuit. Ergo ad conclavè aliud se confert, ut solus rem detestandam faceret. Cum ecce tibi! Monstrum diabolicum ibi reperit, quod furore summo juvenem aggreditur, fasciam è tibialibus tepentè solvit, eam ipsius collo alligat, & è quadam conclavis trabe suspenso gulam stringat, strangulatque lic̃tor Tartareus. Rem totam demon ex Energumeno retulit, addens; quòd Angelus Custos diuturna clientis inconstantia indignatus potestatem dederit demoni. eò rapiendi miserum, quòd rapti pridem debuerat. Pexenf. Ecce abominandi sceleris, ecce inconstantie pœnam. Ah expavesce! time, ne

¶ Tutelar^{is} tuus tuâ fatigatus impietate te deserat. Horre scelus omne, castitati maxime contrarium. Fortè primum quod audebis, ultimum erit. Paratus jam jam adstat lictor Tartareus, ad nutum Divinae Justitiæ gulam tibi elisurus. Si minùs intelligis, quæ dixi; cave inquiras curiosè. Ora Deum, ne intelligas ea, quorum scientia innumeris eternum obfuit. Peccatoribus hìc loquor, & eheu! nimium ea scientibus.

25. B. Aloysius S. I. adhuc pàrvulus in singulis scalæ gradibus, Scalam cœli, B. Virginem salutabat verbis illis, quibus hodie per Angelum salutata est: Ave Maria. *Ex vita.* Studiosè, dies hodierna est illa, quâ B. Virgo facta est non tantum Mater Dei, sed & hominum, & tua Mater. Congruum est, ut singulari eam obsequio, filiali affectu venereris. Formulam Sodalitatis, quâ potes devotione, renova. Et quid si Aloysium hodie ad literam imitareris? quid si ascendendo aut descendendo per gradus Virginem Sanctissimam verbis Angelicis salutaris? quid si per Octavam totam? Aude aliquid amore Virginis. Mater tua est.

26. Parmæ Sodal^{is} quidam ut se vinceret, saniem ex ægri ulcere scaturientem generosè exugebat, novus in ætate tenera Xaverius. *Ann. s. J.* Ridet Mundus hanc, ut arbitratur, stultitiam; sed erit, cum videns

dens hunc sodalem inter Beatos alios, dicet: Ecce hi sunt, quos habuimus in derisum: existimabamus, quod vita illorum esset insania: & ecce computati sunt inter filios Dei. Sed quis erat, qui generosè adeò te vicit? Sodalis erat. Nomen idem habes. Quomodo factum imitaris? qua in re te vinces hodie? Examina, quid grave hodie tibi vel molestum possit accidere, & amore Dei tui in eo te vincere propone.

27. S. Malachias sanctè educatus dum occurrentia in sæculo salutis pericula agnoscere coepit, coepit & fugam adornare, inquit, Meus ex Deo est spiritus: Dei beneficiò vivit adhuc in me innocentia vitæ, continentiae decus, justitiæ fames. Sed nihil horum mihi tutum est sub principe mundi. Fugiam ergo, ut salvem animam meam. *Ex vita.* Sic est: segura non est in sæculo innocentia: salus, innumeris est exposita periculis. Si Divina bonitas inde evocare te dignabitur, lætus sequere.

28. S. Martinianus adhuc adolescens eremum petierat, ut securiùs salutem suam operaretur. Exactis aliquot annis ad grave flagitium à personato diabolo incitatus, cum parum jam à consensu abesset, se se recoligans ignem accendit; huic manus, huic alia membra inserit, dicens; Martiniane, si ferre hunc ignem potes, pecca audacter: si minus;

minùs; cave, quia gravius imminet infernale incendium. *Vita. PP.* Est sane hoc remedium, quod omnem peccandi voluptatem extinguere in te potest. Accede quæso subinde fornacem succensam; ignem considera; delibera, an peccare velis, & æternorum ignium periculo te exponere. Ferre si non potes ignem hunc, quomodo peccare potes?

29. B. Aloysius crucis Christi memor, tenellus adhuc adolescens aserculo sæpissimè de nocte incubuit. Moriens iussus, ut caput tegeret, respondit: At Iesus meus tecto capite mortuus non fuit. *Ex vita.* Ita quem vivens est imitatus, moriens quoque voluit imitari. Quæ tibi Christum imitandi cura? O quàm dissimilis vita tua est vitæ Christi? Tacet Iesus inter opprobria & calumnias: tace & tu inter leviora. Patitur Iesus & moritur pro salute nostra, pro peccato extirpando: age & tu aliquid pro tua salute, peccato fortiter resiste.

30. Ingolstadiensis Sodalis videns varias à Propola quodam merces vendi, & inter eas etiam imagines turpes & cantilenas, corrogatâ pecuniâ omnes eas emit, & in flammâ conjecit; ut hac ratione plurima peccata impediret. Novit fortasse quod deinde dæmon ex obsessio aliquo falsus est, cantilenas tales plures ab ipso dæmone
compo-

compositas esse, aut dictatas alteri, ut plurimarum esset ruina animarum. *Sod. Parth* Si Deum amas, non tibi solum attende; stude & aliorum peccata impedire, si potes: potes autē sapissimè. Non moneo, imaginem & cantilenam minùs pudicam ne foveas; procul enim te ab his dæmonum illiciis abesse credo.

31. Bartholomæus Vergara ab annis primis virtutis cultor eximius fuit. Ferebatur in Beatam Virginem devotione quadam præcipua. Morbò gravî correptus devotionis hujus præmium tulit. Pridie S. Michælis, Pater ejus præter morem de nocte surgens audit gementem filium, videt sedentem in lecto; Rogat ille, quomodo se habeat? tum filius: Moriar, Pater mi: Dei Genitrix mihi adfuit, atque ut æternitati me accingerem, monuit: fac ocyus adeste, Confessarium meum. Dicente verò Patre, cras id fieri posse, nec debere Confessarium nocte intempestâ evocari, negavit Bartholomæus die altero tempus fore. Ergo ea adhuc nocte Sacramentis omnibus munitur, præsentibus Angelis duobus, & necessaria omnia adornantibus: inde B. Virginis iconem complexus pientissimè expiravit. *Sod. Parth*. Sollicita est sancta Mater pro filiis suis. Tu filium te proba tantæ Matris; & morienti tibi non deerit.

Juve:

*Juvenis quidam Parisiis in voluptatum coe-
no se circumvolverat. Finem factururus impie-
tati Judex iustus lecto juvenem affigit, morbo
fatali eum ad aternitatem evocat. Versabatur
ob oculos impii perniciēs, quā imminebat, æ-
terna. Quapropter peccata omnia sincerè con-
fessus Sacramentis supremis muniri petiit: his
munitus obiit. Jam funus ei parabatur ab
amicis solenne; cum amicorum suorum alicui,
permittente ita ad aliorum terrorem Deo, ap-
paret infelix, æternisque se tormentis adjudi-
catum fatetur eā de causā, quod serius dolor
& propositum in Confessione defuerint: Vide-
bam enim, inquiebat, me, si convalescerem,
denuo ad ejurata peccata rediturum, neque
ab his animum satis avertere laboravi. Spec.
Exemp. Timeo ne plures hāc de causā pati
æternū cogantur inter inferos. Serius dolor,
Studiose, serium requiritur propositum. Dolo-
rem oretenus tantū exprimere satis non est.
Quales fuere Confessiones tuæ? qualis dolor?
res digna, quam examines Time salutē tuā,
& majorem posthac curam doloris & propositi
gere, ne inde tuam aliquando sentias damna-
tionem augeri, unde salutem obtinere potuisses.*

Aprilis.

1. **B.** Aloysius tria præ cæteris Iuventuti teneræ commendanda esse censuit. 1. amorem Castitatis. 2. Cultum B Virginis. 3. Reverentiam & devotionem erga Ss. Eucharistiam. Singularia cujuslibet documenta dedit Iuvenis Angelicus. Castitatem servavit illæsam: Mariam coluit ut Matrem: Ss. Eucharistiam stupenda quadam reverentiâ prosequabatur. *Ex vita.* Imitare: Tria hæc tibi curæ & cordi sint. Examina, in quo emendatione opus sit.

2. Ioannes Barchmannus integerrimus ille adolescens morti proximus, tribus maximè rebus se delectari aiebat. 1. Quòd in Castitatem peccaverit nihil. 2. Quòd nullum deliberatum veniale admiserit; nec consuetæ pietatis exercitia omiserit. 3. Quòd totum se Superiori aperuerit, regendumque commiserit. *Ex vita.* O ingens moribundo tibi solatium, si eodem modo verè gloriari possis, & dicere: Castitas mea illæsa est: peccatum studui fugere: nunquam preces meas, nunquam sacra Mysteria neglexi: nihil non Confessario meo patefeci. In manu tua est, hoc tibi solatium procurare. Saltem ex nunc sic vivere statue, ut horum recordatio te in hora mortis consoletur.

3. Ger.

3. Germanus quidam adolescens impius æstivo tempore sese recreaturus in campos exiverat. Post confectum breve iter somnô obruitur, hæcque sibi allabi voces audit: Horrendum est incidere in manus Dei viventis. Hæc audiens totô animô territus ad B. Virginem, quam simul audire & coram intueri videbatur, confugit. Quòd dum agit, adest vox hæc altera: Putasne quòd ero similis tui? sudat ad hæc juvenis, pallet, quòd se convertat, ignorat: Revertitur ad Virginem, verùm & hæc vultum avertere visa fuit. Evigilans interea monitum cœleste amplectitur, vitam priorem Confessione expiat, novam eamque adeò sanctam exorditur, ut ab ipsa B. Virgine invisî & instrui mereretur. *Spec. Ex.* Disce timere; disce sperare. Time impendentem capiti vindictam. Horrendum est incidere in manus Dei viventis. Time & B. Virginem, si à peccasis non desistas. Avertit illa vultum à peccatoribus se emendare nolentibus. Refugium peccatorum est, sed eorum, qui converti quærunt. Conversionem auspiciare cum juvene illo, & Patronam senties Mariam.

4. Adolescens Eremita cum seniore recitabat Officiû. Speties somno obruebatur senior: septies abutum parabat junior, ut somno dare se posset: vicit se septies, nec
nisi

nisi oratō Officiō recessit. Paulò post sedem in cœlo septem coronis illustrem parari vidi: Senior, quas Iuniori ob totidem victorias de somno relatas destinatas intelligit. *Ex vit. PP.* O quot tibi mense uno invides victorias, si in surgendo te vincere recusas. Nullam inertiae tuæ coronam parat dæmon; parat Deus victoriæ tuæ. Berchmannus datō ad surgendum signō vocari se à Deo credebat, & illico lectō se proripiens dicebat: Domine, quid me vis facere? Vocat & te Deus per regulas scholasticas aut Marianas, cur obsequi tardas? cur primitias diei dæmoni sacrificas? Rides jam ad ista, tanquam levia aut scrupuli essent; sed timeo ne aliud sit tuum in morte iudicium. Religioso alicui moribundo dæmon horam unam objecit, quam licet sanus otiosō somnō perdiderat. Tibi quot quæso horas objiciet? Statue generosè te hac in re vincere.

5. B. Aloysius vocationem agnitus hæc egit. 1. Puritati vitæ magis ac unquam antè studebat, ut tantò facilius gratiam à Deo obtineret. 2. Septimanis singulis devotione maximâ SS. Eucharistiam suscipiebat. 3. Libros spirituales & Confessarium consulebat. 4. Opera B Virginis enixè implorabat, à qua etiam festō Assumptionis ante altare ejusdem orans, ad Societatem IESU perceptibili

ptibili
mitar
Res
in te
jam
& gr
est.

6.
seph
præte
tæ to
sermo
vita.
gini
nare
à B.
propi
obtin
daciis

In
din t
turpit
ritus,
dies s
invisi
visum
Ego
quem
nis pr
ille: J

ptibili voce vocari meritis est. *Ex vita.* Imitare: Si necdum deliberaſti, age eadem: Res momenti maximi eſt vocatio. Si quod in te eſt, agis, Deus non deſerit. Si verò jam deliberatum eſt, conſtantiam poſtula, & gratiam id implendi, quod è ſalute tua eſt.

6. S. Hermànnus, jubente B. Virgine, Ioſeph dictus ob mores longè caſtiſſimos, præter virtutes alias habuit, quod toto vitæ tempore mendacium nullum, nullum ſermonem minùs honeſtum protulerit. *Ex vita.* Rara laus, ſacratam Deo & B. Virgini linguam rebus ejuscemodi non inquinare. Non miror favores ſpeciales, quibùs à B. Virgine donabatur. Vis & tibi eſſe propitiam Virginem? ecce modum hoc obtinendi: Cuſtodi linguam: cave à mendaciis: à verbis indecoris.

Juvenis erat qui abominando cuidam ſclerì diu totum ſe dederat. Demum agnità ejus turpitudine, aterna damnationis periculo territus, Confèſſionem generalem peragit. Octo dies ſine peccato conſueto exigit. Inde plateam inviſit, ubi ſclerum conſors habitabat; Qua viſum adoleſcentem ſuaviter invitans ait: Ego illa ſum: non ſalutabis me? veni, loquemur tantum: exhibis ſine peccato. Juvenis primùm voces illas reponit: Ego non ſum ille: ſed victus tandem domum ſubit, conce-
pto

ptò primùm firmò non peccandi propositò, paulatim verò fallacibùs inductus blanditiis statuit peccatum repetere: Surgit è loco in quo haſerat, peccatum patrat: & ecce! momento eodem terra inferne aperta miserrimum absorbet. Audita sunt mox voces hæ: Maledicta hora, quâ te nosſe cœpi! propter te aternum perii. Ottonelli Expaveſce! non luditur in cœlo Deus. Odit inconstantiam in sanctè propositis. Disce peccandi occasiones devitare. O ut tu maledices horæ illi, qua nosſe cœpiſſies, per quos te abduci à pietate jam advertis niſi nunc nefando conſortio maledicas. Time locum, time personam illam accedere. Ita propositis tuis, Ultor ſequitur à tergo Deus.

7. Monachiensis Sodalis Confeſſionem paraturus enixè obteſtatus eſt B. Virginem, hanc ſibi ut à Deo impetraret gratiam, quâ illuſtratus peccata omnia ritè agnoſceret & conſiteretur. Oranti, cadens è ſublîmi ſchedula apparet, in qua occultum aliquod peccatum notatum erat: hoc jubebatur cum cæteris conſiteri, & pœnitentiam de eo agere. Patuit prodigium etiam ex eo, quòd nullus præter juvenem illum legere potuerit peccatum in ſchedula illa exaratum. *Ann. S. J.* Imitare. Confeſſionem paraturus ſolicitè invoca Virginem Matrem: adhibe diligentiam, ne peccatum ullum omittatur, majorem adhibe circa dolorem de peccatis.

Licet

Lice
one
Hin
qu
ami
pec
fuer
ones
mi
debi
um
ait
The
dam
pera
habe
8.
tam
tit.
niter
tore
gella
delic
fueru
ſuan
inno
dum
noſtr
cryn
tutio

Licet peccata levissima afferas in confessione, dolor tamen serius adsit necesse est. Hinc tragicum illud narratur de juvene, qui damnatum se æternum fuisse, apparens amico suo dixit; eò quòd venialia tantum peccata confitens non multum de dolore fuerit sollicitus. O studiose, disce, Confessiones singulas tanquam res momenti maximi tractare: nunquam eas nisi præmissâ debitâ præparatione perage; alias Remedium nostrum fiet Diabolo triumphus, ut ait S. Ambros. Horrendum est, quod S. Theresia dixit, nullâ aliâ occasione plures damnari homines, quàm confessionibus perperam factis. Tu curam rei hujus posthac habe tantam, quantam salutis tuæ.

8. B. Stanislaus quàm rarum Innocentiæ, tam inauditum Pœnitentiæ exemplar extitit. Grave peccatum admisit nullum: pœnitentiam tamen eam egit, quàm à peccatore maximo vix expectares. Cilicia, flagella, jejunia, lecti asperitas quotidianæ ei deliciæ videbantur. Lacrymarum materia fuerunt sex menses, quibus Vocationem suam tacuerat. *Ex Vita.* Si hoc justus & innocens agit, quid mihi, quid tibi agendum? perit fortè, pro dolor! innocentia nostra! pœnitentia ubi est? Iungamus lacrymas: peccata præterita deploremus: contritionem sæpissimè eliciamus: mortificationes

ones amplecti non dubitemus. Grave tibi nomen mortificatio? gravius erit: discidite à me maledicti.

9. Genuæ Sodalis gravi affectus injuriâ primo æstu ultionem parabat: mox sanctiore cogitatione retractus templum subit, Crucifixo advolvitur, ejus amore hanc injuriam patienter ferre proponit. Alius lapides, quibus petitus per injuriam fuerat, ad Crucifixi pedes deposuit. Alius inimico ante mortem advocato condonat injuriam per vulnus lethale inflictam, dicens, velle se imitari morientem salvatorem suum. *Scd. Parth.* Quæ & quanta victoria! quid tu amore Crucifixi Iesu?

10. S. Hermenegildus Regno potius terreno se cessurum esse affirmabat, quàm fidem perderet, uti re ipsâ fecit. Daniel stylita à vita Sanctiore advocatus ait: Potius moriar, quàm retrorsum avertar. Alius Anonymus ad peccatum tentatus: si vel Tartara aperta viderem, insilire malle, quàm peccare. *Spec. Juv.* Ille Regnum, iste vitam, tertius & cœlum mavult perdere, quàm Dei gratiam, fidem, constantiam in bono. Quanti ista æstimas? quàm levis res est, quæ te à constantia avocat; ob quam Dei gratiam perdis! voluptas brevis, aut commoditas est, aut solatiolum è confortio, lusu &c. speratum. Pudeat stultæ adeo
com-

commutationis & mercaturæ.

11. S. Evergeisilus, postea Episcopus, nunquam repertus est de die nisi aut legens, aut orans, aut aliô modô laborans. S. Ludgerus lusus pueriles ut pestem vitabat; aliis ludendo se recreantibus, librosolvebat, aut precibus vacabat. Idem Berchmannus egit, addens: nullam rem æque vitare de beo ac otium, tristitiam, familiaritates *Ex vita*. Imitare. Fuge otium. Pulvinar diaboli est. O quam Deo rationem dare cogetur studiosus de tot horis, quas indies otiosè consumit! de lusibus quid sentis? pestem vocabat S. Ludgerus, & innumerorum originem malorum. Experientia veritatem testatur. Lusibus vetitis cave assuescas; rues in peccata gravissima.

12. Tolosæ in Gallia juvenis ex frequentii impiorum congressu mores induit longè teterrimos, adeò ut & ipse de Dei unitis existentia dubitare non horruerit. Exinde in scelera horribilissima lapsus est. Adultâ ætate in campum progreditur, deponit pileum, chlamydem exuit, stringit gladium, quasi singulari certamine hostem petiturus. Facinus audet, quod commemorari absque horrore non potest. Deum ipsum lingvâ nefandâ ad pugnam provocat; cum hoc, si quis in cœlo sit, congrédi statuit. Horret calamus blasphemias recensere voces. Fulmi-

D

na ex:

na expectasses, aut aperta tartara, aut si
quid his terrificum magis. Aha omnia. La-
bitur e coelo schedula, in qua exaratæ hæ
voces erant: Miserere mei Deus! legit Scri-
pturam impius, & illico in alium mutatus
intimis se præcordiis ad agnoscendum De-
um placandumque moveri sensit: exoscula-
tur millies literas, ponit genua, funditur
in lacrymas, solvitur in gemitus, ingemi-
nans unum illud. Peccavi: Miserere Deus!
Sic noctem totam exigit: Inde vitam im-
piam expians, sanctam inchoavit; nullam
abire horam passus, quâ non infinitam Dei
in se bonitatem extolleret. *Pexen.* Verè ubi
abundavit delictum, superabundavit & gra-
tia. Misericordia infinita quem non ad
poenitentiam excitet? non desuere fulmina,
quibus impietatem tuam mulcicaret Deus,
misericordia prohibuit. Huic laudes cane:
huic gratias age: huic vitam, quam adhuc
vivis, totam debes. Poterisne infinitam hanc
Dei in te bonitatem posthac etiam offen-
dere?

Nostrâ etate in urbe quadam Germania ad
locum supplicii eductus fuit Adolescens octo-
decim circiter annos natus. Assueverat is jam
à Syntaxi peccato probrosissimo, quo ut secu-
rius frueretur, alium rei conscium trucidavit:
eò scilicet infelix paulatim delapsus fuerat.
Memorabiles erant voces, quibus suam deplora-
bat

rabat miseriam, dum templum Societatis
præteribat; paulo post carnificis manu occi-
dendus: O. S. Ignati! clamabat, O quàm fi-
delia mihi quàm frequentia per tuos dedisti
monita! O utinam iis obtemperassem! ah jam
saltem ne me deseras. Ann. S. I. Casus tra-
gicus totius urbis luctu & lachrymâs spectatus.
Sed eò res delabatur, dum contemnuntur mo-
nita; dum adhæretur pravo consortio. Studio-
se lector, obsequere tot illis, quæ jam dantur,
monitis: fuge consortia; ne sero nimis si non
in hac, certè in altera vita cecitatem desleas.

13. Berchmannus hoc fecit indiesque re-
novavit propositum: Etiam parva magni
faciam: etiam pro parvis defectibus magnas
mihi pœnitentias injungam. *Ex vita.* Idem
tu statue. Qui spernit modica, paulatim
decidet. Noli dicere: leve est otium: leve
quid somnus superfluous: leve quid irreveren-
tia in templo. Leve quid fuit è quo æter-
na salus S. Theresiæ pendeat. Leve illud
nisi cavisset, periisset.

14. Aloysius adhuc quinquennis inter mi-
lites versari coactus varios audit sermones
liberiores, & ignarus eos didicit. Semel i-
deo à Moderatore reprehensus, & sermo-
num illorum malitiam edoctus, horruit in-
nocens, & toto vitæ tempore ne vel ver-
bulum simile repetere auditus est, præter-
quam quod terribilem ideo pœnitentiam in-
Dz
sefu.

se suscepit, Idem erroris alicujus, quem tamen non admiserat, monitus flexis genibus deprecabatur, gratiasque pro monitione agebat. *Ex vita* O si pari animo superiorum monita exciperes, pari studio expleres! Noli ægrè ferre seu monita, seu minas, seu pœnas. Tuo bono sunt. Legi de Sodali, qui post mortem superiori antea suo apparens gratias eidem habuit, quod severiùs habitus fuisset, addens: se hac ratione à via damnationis abductum fuisse.

15. S. Stanislaus, postea Cracoviensis Episcopus, Timeo ajebat, concessa mihi talenta abscondere: statum illum eligam, in quo ea ad Dei gloriam multamque aliorum salutem impendere possim. *Ex vita*. Non absque causa hæc tibi talenta Deus concessit. Rationem exiget Deus: vide, ubi, aut quomodo impendere tutò eadem possis: indies Christum Eucharisticum alloquere verbis S. Pauli, quibus usus est Perusinus quidam deliberans: Domine, quid me vis facere? Audiit iste has in animo voces: Permite te dirigi. Et tibi dictæ hæ sunt: Permite te dirigi.

16. Anonymus Sodalis Dei Matrem sibi conciliaturus ante aram ejus Voto Castitatis se obligat: dein venam aperit, profluente cruore formulam voti sui exarat, eamque in Lipsanoteca, ceu sui in Mariam amoris

amoris monumentum conservat. *Lechn* Ad-
mirare amoris Mariani ingenium; non imi-
tare, nisi in hoc saltem, ut statuas rem B.
Virginis maximè gratam, castitatem scilicet
ejus amore illibatam conservare.

17. In Aragonia Sodalis dñum impiam
ingressus, ut peccaret, vidit in angulo effi-
giem B. Virginis: subito peccandi volupta-
tem perdit & ad fæminam conversus: Quo-
modo, ait, audes o propudiosa coram tam
pura Virgine tam impura flagitia perpetrare?
dixit, neque ullis blanditiis ad scelus moveri
se passus est. *Sod. Parth.* Tantùm valuit u-
nus unius imaginis intuitus. Intueri tu to-
ties potes B. Virginis effigiem, neque inde
ad fugienda peccata incitari? eâ etiam in-
spectante audes proposita violare? loqui
turpia? otari &c. quò aliquando eam o-
culò intueberis? Cogita quæso: B. Virgo hæc
videt; non audeo.

18. S. Hermannus dum alii ludo aut va-
nitatibus aliis se recreant, ad templum a-
bit, B. Virginis aræ advolutus preces per-
solvit. Placuit hoc adeò Virgini pretiosæ,
ut Hermannum sæpe ad lulum cum divino
suo filiolo invitare, ejus paupertatem oblata
semper pecuniâ levare voluerit. *Ex vita.*
Rati favores initium sumpsêre ex una mor-
tificatione, quâ recreationi se subduxit, tem-
pus illud precibus dedit. O quos tibi fauo-
res

res Virgo eadem exhiberet, si pari animo otium, & consortia suspecta fugeres; ad studia, ad pietatem te conferres. Imitare.

Juvenis quidam amore alea & ludi insaniens, vespere quodam ortâ inter socios lite, agebat pejerans, invadat me demon, nisi res ita se habeat. Mox cubiculum totum intremuit, & tetra umbra ante oculos sociorum oberans circumparietes, apparuit. Metu propè exanimis in terram cadit juvenis noster. Ad se rediens B. Virginem invocat, vota varia concipit. Nihilominus tetra effigies per cubiculum volitabat; cui crucifixi effigiem & sanctissima nomina apposuerunt omnes: fugam arripere non poterant. Ergo sic timore & pavore trepidi in lucem usque pugnant; tum enim auditâ Angelica salutationis signò fatalis umbra evanuit. Attonitos omnes & prope exangues relinquens. Bonif. Non semper vana sunt pejerantium voces: Cave eas; hinc & lusus vetitos cave, quibus annexa semper seclerum multorum, præcipuè blasphemiarum, perjuriarum, mendaciarum catena. Hoc etiam observa: si larva unius stygiæ umbra tanto audacissimos illos implevit terrore, o quis sustinere poterit innumeras in styge terribiles vimas formæ. Illa illa scilicet societas excipiet societatem pravam, cui juvenes plurimi sunt impliciti. Monstra stygia si habere in socios horres, horre suspecta consortia.

19. Ingolstadiensis mortificandi sui cupidus cum cilicium non suppeteret urticas & spinas ejus loco adhibet. Neapolitanus, uti & ante annos paucos Moguntinus, nonnisi cilicio indutus mori voluit. Antverpiensis Xaverianum factum æmulaturus, lumbos arctè funibus constrinxit. *Sod. Parth.* Ubique & semper in Sodalibus ardor sese mortificandi extitit. An & in te? an delicatula natura horret? Regnum cœlorum vim patitur: violenti rapiunt illud, non delicatuli. Cilicia, flagella, jejunia arma sunt, quibûs defenditur castitas, expugnatur cœlum. Quid ages deinceps?

20. S. Gregorius Nazianzenus ne jurandi consuetudinem contraheret, firmissimam sibi nunquam jurandi legem sanxit, votò etiam firmavit: observavit. *Ex vita.* Modus extirpandi consuetudinem est, votum devotionale facere ad breve saltem tempus. Utere hoc si serium tibi est te emendare; non tamen nisi de Confessarii consilio.

21. Moguntinus Sodalis erat, qui vesperi de more conscientiam examinans, & admissa per diem peccata detestans aiebat: o Deus, prævides fore tempus, quò te Deum meum vel semel adhuc offensurus sum; potius jam me permitte mori in gratia tua, quàm ut infelix illud tempus vivendo attin- gam. Ratum habere visus est Deus hoc pi-

iffimi juvenis desiderium: Pauculas post hebdomadas piissimè moritur innocens *Ann.* S. J. Vitam minoris ducere ac peccatum; mori malle quàm peccare signum veri amoris est. Quanti tu peccatum facis? an paratus es mori potiùs? verbò dicis forrtalis; sed non factò. Si serium tibi est cur non fugis consuetudines illas, otium illudetur.

22. S. Ioannes Damascenus jussu Tyranni dexteram manum in defendendis imaginibus occupatam amiserat: sed eandem amputatam dum B. Virgini, coram cujus statua orabat, exhibet, mirabiliter recipit sanam & incolumem: Quò motus prodigiò majore fervore Dei, & B. Virginis cultum promovit. *Ex vita.* Amat B. Virgo eos & prodigiosè etiam protegit, qui membra honori Mariano impendunt. Cui tu manum tuam impendis? an pietati an sceleri? taceo, quære conscientiam. Linguam cujus honori donas? pedes? oculos? examina te, & à Maria si vis protegi, noli membrâs tuâs adeo probrosè abuti. Statue hodie emendationem.

23. Oenipontanus Sodalis Cœtum Marianum more tuo accessurus à focus aliàs amicis ayocatur. Negat, ut par erat, hoc se facturum. Minantur illi, nisi obsequeretur, amici loco non habendum esse ulteriùs: tum verò hic dignam Sodali vocem hanc protulit:

tulit: Ergo tantò impensius Mariam colam;
ut, si vos me deseratis illa me defendat.
Sod. Parib. Quàm vellem intelligerent hoc
omnes & imitarentur! Imitare tu; desere,
contemne amicitiam hominum si hæc haberi
non potest aut conservari, nisi offendatur
Deus, deseratur B. Virgo, aut aliquid ex
utriusque cultu minuatur. Dei, B. Virginis
amicitiam quære, adeundo sollicitè cœtus
Marianos, fugiendo peccata, assistendo sa-
cris &c. Unius Virginis amicitia plus tibi,
ac universi mundi favor proderit.

24. Adolescens Machabæus alter è septē
illis, de quibus scriptura habet, ad legem
Dei violandam invitatus, propositis licet tor-
mentis terrificis renuit inquit Antiocho:
Rex mundi (Deus) defunctos nos pro suis le-
gibus in æternæ vitæ resurrectione suscitabit.
Ex lib. Machab. Constantiam hanc futuræ
mercedis memoria impetravit. Et tibi merce-
dem eandem concedet Deus. Constans itaque
esto in propositis.

*Adolescens sanctiorem vitam acturus cœno-
bium intraverat. Accidit, ut cuculum crebrius
extra cellam suam cantantem audiret. Vices
interrupte vocis memorat viginti duas; ex his
cotidem se annis victurum adhuc esse stultissi-
mè auguratus! eja inquit: cur tanto me
tempore mortificem? viginti annos deliciis da-
bo; duos postremos Deo & pœnitentiæ. Dixit, &
saeculum repetit, nullo non deliciarum vetita;*

rum genere fruiturus. Verum ô fallaces impi-
orum spes? Annos duos necdum expleverat, &
justo Dei judicio in ipsis, quibus fruebatur de-
liciis, morte repentina rapitur ad aternitatem
infelicem. Pexent. Vade & longevos tibi annos
pollicere; emendationem differ. Studiose forte
& tu spe simili lactaris; cur enim alias liberè
adeo viveres? mitte queso spem istam pessimam;
qua jam innumeros deturbavit ad stygem.
Spes ejus ait scriptura frustrabitur eum; &
videntibus cunctis precipitabitur. Multos tibi
annos spondes, & quis scit, an vel unus su-
perfit, fac autem superesse & multos: an di-
gnus non est Deus, cui mille etiam annis ser-
vias? Incerta est atas futura, elige quod cer-
tum est; Jam vive bene; jam emendationem
auspicare. Fortis licet & vegetus sis; nulla sa-
tis magna securitas, ubi periclitatur aternitas.

25. Petrus de Morono sæpe sic matrem
suam allocutus est: bonus Dei servus esse
cupio. Sæpe B. Virginis statux adhuc pue-
rulus advolvitur: sæpe Angelos habuit in-
structores: si quid puerili more cum sociis
peccaverat, ab iisdem Angelis suaviter cor-
reptus procul ab errore illo repetendo ab-
fuit. Ut pericula peccandi fugeret, eremū
petiit: tentationes castitati adversas ciliciis
& jejniis oppressit; ideòque ab Angelis
frequenter alloquiò & cibis recreatus. Spec.
Juv. Innocentia, amor castitatis, odium
peccati

peccati B. Virginem & Angelos tibi conciliant. His stude hodie præsertim.

26. Ingolstadii Sodalis æger Religionis votum concipit. Redditus mox sanitati implere tardat. Sub mensis initium in schedula Patroni Menstrui hæc ei obtingit sententia: Quid tardas ipsum, quem jam dudum conceperas spiritum parturire salutis? quomodo vivere audes, ubi mori non audes! tibi hoc dictum ratus votum implet. Religionem ingreditur. *Rosignol.* Imitare in hoc, quæ tibi obtingit sententia, divino obtingit consilio. Eam imple. Displicet Deo tardare in implendis propositis. Quære etiã ex te, an mori in statu hoc velis? si non? quomodo in eo vivere audes?

27. Dilinganus Sodalis ad comedendas die prohibito carnes invitatus, memor divinæ legis fortiter renuit. Dicenti verò alteri, rem parvam esse, respondit. nec sanè pomum grande fuit, ob cuius esum primi parentes paradiso expulsi sunt. *Zechn.* Nihil scilicet levi censuit contemnendum, cum è levi etiam sæpe gravissima oriantur. Cave, cave unquam inducas in animum leve quid esse, quod à Deo prohibitum est. Ad interitum rectà tendis si levia contemnas.

28. Iosaphat Regis Indorum filius gravissimè contra Castitatem tentatus, antequam consentiret, deliberabundus hæsit: ad ora-

De

tionem

tionem confugit: mox sopore opprimitur: obicitur ei in somno è parte una hortus amœnissimus omni deliciarum genere plenus; ex altera barathrum infernale: expectatus omnem turpitudinis voluptatem advertit extinctam. *Damasc.* Infernus in somno repræsentatus adolescentem hunc à peccandi proposito maximè absterruit; ferro duriores, si iste te non moverit. Ut ut vehemens sit tentatio ad peccatum quodvis, cogita tartara certò subeunda: & peccati voluptas evanescet. Time tartara!

29. In Hispania juvenis vitam omnibùs sceleribùs contaminatam vixerat: eò impietatis delapsus, ut id studiosè ageret, quod Deo maximè displiceret. Nullam ille cogitationem de vita in melius mutanda suscipere, nullam sustinere monitorem, nullam cœli aut inferorum mentionem ferre. Toto impetu ruentem ad Tartara, Mater misericordiæ sustentabat, pauculis impii obsequiis (quotidianâ salutationis angelicæ recitatione) devincta; uti ipse postea factus est, nihil à se aliud sanctum piunique factū esse. Maria igitur de nocte quiescenti impio apparet, coniectisque in eum oculis admirabili modestiâ, & miserationis affectu plenis interim evanescit. Ex uno hoc oculorum perstrictu totam vitæ præteritæ rationem clare adeò distinctèque perspexit, ut

ex

ex peccatis numero, & gravitate penè infinitis, ingentem & animo dolorem, & oculis fletum cieret! Confusionem & pudorē generosē vincens primo mane sacerdotem adit, peccata vitæ totius in ejus sinum, & aures deponit, mirabile exinde solatium hauriens, vitam totam in laudanda Matris Virginis, Deique optimi clementia, consumpsit. *Ann. S. J.* O illos suos misericordes oculos, & ad te convertat clemens, pia & dulcis Virgo Maria! roga, ut id faciat. Si jam fecit, gratias age; & matri clementissimæ totum te offer ut mancipium. Nullus abeat dies, quo eam invocare & honorare non satagas.

30. Adolphus adolescens in primo flore moriturus, horrendas patiebatur in suprema illa hora angustias: ergo ad B. Virginem quam in dies antea coluerat, conversus, ferventissimè ejus opem inclamat. Adfuit illa, & suavissimīs verbīs eum compellans ajebat. Adolphe quid times? mater tua sum. Cessit timor omnis, quietissimè exspirat. *Man. Sod.* O voces amabiles! Mater tua sum. Desideras eas aliquando audire mi studiosè? esto jam Mariæ filius, & erit illa tibi mater. Filius honorat matrem, abstinet ab iis quæ displicent matri. Hoc fac: abstine ab illa consuetudine &c. Erit mater tua; Morieris felix.

Majus.

1. **J**Oannes Berchmannus notæ innocentiae adolescens, sub cujusvis mensis initium diem sibi elegit, quem totum sacrae Recollectioni dabat; examinans vitam elapso mense actam; notans, quæ sequenti mense vitanda, quæ agenda forent; quæ devotiones persolvendæ; renovans fervorem erga B. Virginem & Sanctos. *Ex vita.* Si ullum est salutis medium, quod præter alia commendatum tibi cupio, hoc certè est. Utere illo, fructus existet ingens. An nimium est diem unicui mensis Deo dare & animæ?

2. Idem piissimus adolescens duo sibi studio spectanda esse asserbat: primum, ut proficeret in virtute; alterum ut in literis. In duo hæc toto animo incubuit. *Ex vita.* Imitare. Væ tibi, si relictis istis quæ nescio alia moliaris. Quam Deo rationem dabis, qui alia omnia spectas?

3. Anonymus Sodalis anno ætatis quinto in scelus aliquod lapsus fuerat. In eo ad decimumoctavum usque hæsit infelix: emendationis consilium omne abjecit. Suasit ei interea sacerdos quidam, ut B. Virgini se indies commendaret. Fecit quo potuit affectu. Secuta est emendatio admirabilis;
Falsus

Fassus postea fuit sacerdoti, totum hoc se B. Virgini debere. Ex quo enim, aiebat, venerari B. Virginem cœpi, & medicinam pro consuetudine mea rogare, adverti homines illos, quorum consuetudine gaudebam & scelere, mei planè pertælos. Confortiô hoc liberatus facilè consuetudinem emendavi, peccata ritè confessus constans permansi. *Ann. S. J.* Ecce emendari potest consuetudo, licet diuturna; modò adfit voluntas seria. Cole B. Virginem; eam roga, ut scelerum tuorum agnitionem impetret & horrorem: Orationi laborem iunge & conatum. Hæc si negligis, quam aliquando excusationem afferes ad tribunal iudicis?

4. S. Rupertus principum sanguine oriundus, intelligens, quanta è pravo consortio damna orirentur, statuit B. Alexii exemplo domum paternam deserere, in qua necessariam cum aliquibus conversationem timebat. Placuit Deo servandæ cura innocentiae. Contentus enim pio juvenis consilio maturâ & suavi morte tot periculis eum exemit, atque ad securitatem beatam evocavit. *Spec. Juv.* In hoc imitare. Fuge consortium suspectum. Actum est de innocentia tua, si in hoc negligens es. O quæ audivisti! quæ locutus es! quæ didicisti aut fecisti, quorum ne cogitatio quidem à te fuisset habita, si à malo

à malo illo socio abfuiffes. Sape damno tuo.

5. B. Fanciscus Regis S. I. nunquam vel leviter in lubrica licet ætate primâ mentitus fuit. Tanti autem mendacium leve æftimabat, ut cuidam Domino diceret; Domine, nec pro totius mundi bono oportet vel leviter mentiri. *Ex vita.* Impetret utinam tibi sanctus ifte tantum peccati hujus & ejusvis alterius horrorem! O quantillum est fæpe, cujus gratiâ non unum, fed plurima proferre audes mendacia. Et utinam non ut leve quid ea contemneres! Alius Sanctorum fensus hæc in re extitit. Imitare, & ex hodierno die novum concipe propositum mendacium etiam leviffimum ferò fugiendi.

6. Septimus è Machabæis illis parvulis heroibus à matre animatus, ut cœlum refpiceret, mercedem constantiæ cogitaret; fortiffimè renuit obfequi Tyranno impio ad violandam Dei legem inducere volenti. Voces ejus erant: Non obedio præcepto Regis, fed præcepto legis, quæ data eft nobis per Moysen: Tu verò (fic Antiochum allocutus eft) qui inventor omnis malitiæ factus es, non effugies manum Dei. Nondum omnipotentis & omnia infpicientis Dei judicium effugifti. Pari animi magnitudine mortem obifti. *Ex L. Mach.* Constantiam difce, quâ refiftere debeas fociis ad peccatum te invitantibus, aut dæmoni tentanti. Verba ultima

ma attende, quibus se parvulus Heros excitabat, memoriâ scilicet præsentis ubique, omnia videntis, omnia punientis Dei.

Studioſi duo magna interſe familiaritate conjuncti vivebant: quorum alter detracti-
bus mirum aſſuetus, varias variorum nomini-
bus matulas aſperſerat, quin eas delere denuo
laboraret. Morbo fatali proſtratus nullam
pœnitentia mentionem fieri voluit, ſed infelix
nullô ſacramentô munitus è vita migravit.
Paulo poſt, ſociis ſuo apparens æternum ſe da-
mnatum eſſe aſſeruit, eo quòd multa anima,
quarum fama detraxerat, coram tribunali
divino vindictam petierint & ultionem; qua-
rum vocibus commotus divinus judex æterna
tulerit damnationis ſententiam Flor. Exemp.
Breve, ſed revera tragicum exemplum. Time
tam noxium, quàm familiare vitium detra-
ctionis. Sed & intellige, quos aliquando accu-
ſatores habiturus ſis coram tribunali divino.
Anima illa, quas jam ſive verbò ſive exem-
plò ad peccatum inducere non exhorreſcis, ô
quam vindictam à juſto judice petent! ille,
ille erunt que adverſum te inſurgent, contra
te clamabunt, te ad ſtygem depoſcent. Time,
obſecro, dum vivis, time alium quovis modo
ſeducere. Vox Dei eſt: ſanguinem ejus de
manu tua requiram. Res tremenda eſt, alium
ſeducere.

7. S. Caſimirus rariffimum virtutis omnis,
quam

quam in juvene desiderat Deus, exemplar
duo habuit media, quibûs impetravit, ut
inter Regales delicias (sic Ecclesia loquitur)
& mundi illecebras illæsus persisteret; con-
stans nempe mortificationis studium; con-
stantem B. Virginis cultum. Hanc in dies
manè colebat hymnô illô à se compositô:
Omni die dic Mariæ &c. huic se commenda-
bat indies. Hunc imitati sunt innumeri.
Berchmannus in dies formulam Marianam
renovabat, ut & pium erga B. Virginem
animum testaretur, & ejus præsidium in
tentationibus exoraret. Oenipontanus qui-
dam manè excitatus frontem signabat cru-
ce, ne quid cogitaret nisi de Deo; labia,
ne quôd loquerentur, quo Deus offendere-
tur; pectus, ne amaret nisi Iesum & Mari-
am. *Ex vita & Ann. S. J.* Sic manè mu-
niti Sancti & Pii juvenes in Arenam pro-
grediuntur, feliciter cum dæmone pugna-
turi; quia tanto confisi patrociniô. Imitare.

8. Fuldæ Anno 1608. Adolescens memo-
riæ parum felicitis, suadente ita Magistro ad
B. Virginem confugit, vota in ejus honorem
varia concipit; & ecce breve intra tempus
non sine aliorum stupore miram memoriæ
felicitatem expertus est, & progressum in
scientiis. Veldkirchenfis quidam studiosus
dum studia nil quidquam sibi è voto suc-
cedere advertit, pudore actus & desperati-
one

one in campum egreditur, dæmonem Orco evocaturus, ut ferret auxilium, quod aliunde non suppetere videbatur. Iam in campo comparuerat, jam locum sceleri idoneum quærebat: cum ecce hæc repente adest cogitatio: Cur ad Mariam te non confers? hæret ad hoc nonnihil, & interno actus spiritu ad urbem redit, Confessario rem exponit, B. Virginem implorat, à qua quem optabat progressum brevi obtinuit. *Ann. S. J.* Præses studiosæ juventutis, sedes sapientiæ est Maria: hanc in studiis invoca. Laborem orationi junge. Exaudiet te, nisi salus tua aliud postulet.

9. B. Aloysius in minimis etiam rebus se vincere laborabat. Hinc florem vel aliud odoriferum quid nunquam manutenere notatus fuit, Cibos delicatesiores aut ne tetigit quidem, aut studiosè amariores reddebat: pharmaca tardè sorbillans sumebat, ut tantò diutius sua esset gustui molestia. *Ex vita.* Sic sancti in omnem occasionem Deo placendi, suamque augendi gloriam intenti sunt. An similes tibi occasiones desunt? quid illa florum, illa odorum vanitas? An bolum unum alterumve magis arridentem gustui prohibere res dura nimium? Hodie vide, qua in re te vincas.

10. S. Petrus Damiani consideratâ honorum, quos sibi parari viderat, vanitate sic secum

secum: Quid ago? an ego caducis his & perituris perpetuo inhæream? quin potius iis valedicens sola coelestia sector? B. Stanislaus S. l. ideo mundum à se deferi, Religiosum verò statum eligi aiebat, quia solatio esset recordari in morte, quod desertis mundi gaudiis Deo fideliter servierit; cum simile nihil ab obsequiis mundo præstitis possit expectari. *Ex vita.* Quousque vanitate mundanâ delectaberis? An non tempus est, ut ei valedicas, & divino te mancipis obsequio? Agnosceres hoc utinam & expenderes! quælo te, responde: Quale tibi erit solatium, si recorderis aliquando deliciarum, sortè etiam cum Dei offensa quæsiturum? Si cogites obsequia mundo & hominibus præstita quale solatium? Timeo, ne cum illo Caroli V. famulo ingemiscas: O me infelicem! cur tot annos mortali Domino servivi! O utinam Deo meo servissem fidelius! Studiose mi: Stanislaum imitare, ea jam age, quæ tibi in hora morris possint esse solatio.

11. Divionensis quidam Sodalis grave peccatum in Confessione diu tacuerat. Adesse ei in somnis visus est dæmon jamjam rapturus ad inferos: tum æstulare miser & opem anxius circumspicere. Offert se illi B. Virgo, & periculo liberat, eâ tamen lege, ut peccatum quantocyus confiteretur,
& ab

& ab eo deinceps abstinere. Sancta omnia promisit & fecit, totus jam factus ad nutus liberatricis suæ. *Lechn.* Tu ubi esses, Studiose mi, nisi Mariana clementia te servasset. Benedictæ cuidam Florentinæ dixit B. Virgo: Filia, multi sunt damnati, qui minus peccaverunt, ac tu; imò qui unicum tantum peccatum perpetrarunt. Et hodie, agebat, miles ob primum contra castitatem peccatum damnabitur: damnabitur & civis in filiorum correctione negligens: damnabitur Parochus in suorum instructione piger: duæ item ex scelerum sociabus hodie à dæmone trucidabuntur. Quin & Puer octo tantum annos natus hodie ob peccatum turpissimum submergetur, damnabitur. Sic B. Virgo locuta est. Expende hujus in te clementiam, & gratias age. Verum vult illa, ut peccato illo abstineas. Quid ages?

12. S. Tiburtius Martyr in Christianum hypocritam sic investus est: Hunc tu Christianum credis, qui caput ornat superbius; scapulis molliter gestit; qui fluxum gressum improbo risu distendit; qui scæminas intuetur curiosius? nunquam tales pestes Christus dignatus est habere servos suos: Christum imitari, Christianum esse est. Ego imitabor, ut Christianus sim. Sic ille. Imitatus etiam fuit tum vitâ sanctâ, tum morte generosè obitâ pro fide. *Spec. Juv.* An Christianus es,
Studiose

Studiōse mi? an Sodalis magnæ Virginis?
Hodie quære conscientiam tuam. Vide qua
in re Christum aut Virginem Matrem imi-
tari posthac velis.

In Aragonia iuvenis à vita impia abductus
domum impiam à Confessario prohibitam acce-
dere ausus est. Vix primo in limine pedem fi-
gere cœpit; quo nescio pacto testum corruit,
Iuvenem gravissime læsit. In valle Arnenſi
chorearum & lusuum petulantia per Missio-
narios fuerat coercita, & propè sublata Iu-
venis nonnemo eam denuo sui similibus die quo-
dam persuasit. Temeritatem secuta est eo ad-
huc die mors, inimici manu illata. In Urbe
Panamenſi fuit, qui è via salutis, quam te-
nere cœperat, ad scelera reversus, sapius à Con-
fessario, ut caveret, monitus est. Interroga-
tus ab hoc semel, quo loco res ejus essent?
respondit mendax: optimo. Necdum elapſo de-
in octiduo in ejus ipsius persona, quacum im-
piè vixerat, sinu, animam scelestam evomit.
Ann. S. I. Duo disce. 1. Non vana semper
sunt Sacerdotum monita, non irrita mina.
Contemptum vindicat Deus, cujus Vicarios
agunt. Et audebis posthac repetere domum il-
lam, occasionem à Confessario interdictam?
audes consuetudini illi turpi inherere? Time!
sudor ille Concionatorum, Confessariorum la-
bor, Magistrorum cura vindictam clamabit
contra te. Neque voces has contemnet Deus.

2. Abomi-

2. *Abominatio est coram oculis Dei homo à vita sancta ad impiam reversus. Qui transgreditur à iustitia ad peccatum, ait Scriptura. Deus paravit eum ad rompheam, hæc est, ad vindictam, ad tartara. Habes cur timeas, si ex eorum numero es, qui facta vix Confessione ad ejurata modo peccata revertuntur. Pepercit tibi hætenus Deus, & tot pepercit vicibus: dedit veniam. fortè, cum primum peccabis, in furore te puniet.*

13. Dolanus quidam sodalis morbô per septimanam domi tenebatur. Aderat dies, quo Sodalitas consueta celebrabatur. Tum ille: Egone, ajebat, cæteris ad colendam Virginem confluentibus hic decumbam & otia labor iners; hæc dicens vires colligit, furgit, ad cætum Marianum abit, morbô omni liberatur. *Sod. Parth.* Placuit B. Virgini fervor in adeundo cœtu Mariano; displiceat igitur necesse est tepiditas. Ne dubita, gressum omnem remuneratur Virgo. Ex dæmonis sensu loquitur, qui cætûs Mariani accessionem dissuadet. Lovanii certè cum Sacerdos quidam dæmonem in obfesso adjuraret, ei; Mariano nomine armatus liberè insultaret; sic ex obfesso dæmon loqui auditus est. Nimis tu quidem audax es; nimios tibi spiritus Domina tua (B. Virgo) facit, quod ei duodecim annos servieris. Scio tamen, quod anni septem fiat, cum tu voluisti

luisti excedere Sodalitio: & utinam fecisses!
Ecce quid optet, quid suadeat dæmon:
Non suaderet, nisi sibi proficuum, homini
noxium esse sciret.

14. S. Gregorius Nazianzenus studiis va-
cans teste S. Basilio, duas tantum notas ha-
buit vias, unam ad templum, ad scholam
verò alteram. *Ex vita.* Aliæ utinam viæ
tibi ignotæ essent; præcipuè illæ, quibûs
itur ad cauponas, ad domos suspectas, lo-
ca illicita, consortia mala; hoc est ad pec-
catum, ad perditionem, ad Tartara. Lata
est hæc via: multi ambulant per eam, hinc
multi pereunt. Tu fac declines à semita e-
jusmodi, cujus novissima ducunt ad in-
teritum.

15. S. Richardus postea Episcopus à va-
nis & ludicris spectaculis adeò abhorruit,
ut nullis sociorum precibus ad ea se deduci
passus sit. Tantò autem ferebatur discendi
desideriò, ut nullam ferme corporis curam
haberet, cætera neglexisse omnia videretur.
Ex vita. Duo habes, quæ imiteris. 1. Pro-
fana spectacula cave accedas. Rarò absque
læsa conscientia reditur. Experti luxerunt
multi. Alipius, teste S. Augustino, specta-
culo uno totus à se mutatus domum rever-
sus est. 2. Studiis animum seriò applica.
Exigit hoc vocatio tua: exigunt Parentum
sumptus. Time terribilem quam Deus exi-
get,

get, rationem. Vindictam clamabit Superiorum labor, Parentum cura & sumptus, vindictam petent innumeri alii, qui hac occasione melius usi fuissent, si eis concessa à Deo extitisset.

16. Recineti sodalis ab inimico pessimè mulctatus, licet hortarentur alii, ut vindictam sumeret, id tamen constanter recusabat. Præsidi aiebat: fuit vehemens animus ulciscendi, sed una Dei Matris charitas me retinuit. Huic ego injuriam dono: exuo apud te ferrum in conciliatæ gratiæ signum, & contemptæ ultionis indicium. Alius Valisoleti similem passus injuriam, sic secum loquebatur, sceleribus meis graviora debentur; interim hoc feram. Marsalensis saxum jam sustulerat, ut illatâ injuriam ulcisceretur: cum hæc occurrit cogitatio: Christiani officium est accipere potius, quàm facere injuriam. Mox pedibus inimici advolvitur, eosque exosculatur. *Sod. Parth.* Quæ tua est in rebus levissimis patientia? non is certè es, cujus sceleribus graviora non debeantur. Patere ergo quæ occurrunt levia. Primum juvenem divinæ Matris charitas retinuit à vindicta. Retineat & te à peccato illo.... à consuetudine illa & domo... si vehemens est tentatio, B. Virgini hanc dona victoriam. Tertium Christiani officii memoria movit. Quid non efficeret in te

cogitatio

cogitatio hæc: Officium Christiani. Studi-
osi, Sodalis, aliud requirit: aliud exigit offi-
cium hominis, qui vel unius peccati gravis
à se admissi meminit. Hæc cogita, dum
tentaris ad otium; ad consortia, ad peccatū.

17. S. Stanislaus & B. Aloysius Patrum
suorum cæcitatem sæpe doplorabant: Ille
quidem, quòd Patrem haberet pulus de
propagatione stemmatis, ac cælo & salute,
ut videbatur, sollicitum. Iste, quod peritu-
ra æternis anteponi, multum temporis lu-
dendo perdi à Parente suo, videret. Uterque
varias in se mortificationes suscepit, ut Di-
vinam averteret iram, & aliam à cælo
mentem obtineret. *Ex vita.* Deplora & tu
non tam aliorum, quàm tuam ipsius hac
in re cæcitatem, Statue salutem tuam cu-
rare ferventiùs: de præteritis autem Con-
tritionem frequenter elice.

18. S. Antonius postea Abbas audiens ex
Evangelio illud Christi: Si vis perfectus esse,
vade, vende omnia, quæ habes, & da pau-
peribus, & sequere me. Sibi hoc dictum
putans abiit, & ad literam Christi volunta-
tem implevit. *Spec: Juv.* Quod in Concio-
ne, in Evangelio, in monitionibus audies,
tibi dictum puta illud implere satage.

*Thomas Cantipratanus refert fuisse adole-
scentes duos Studiosos, qui non modo corre-
ctiones Magistri detestabant, sed & alios ad*

inobedientiam & consueta alia vitia instigabant. Cum ecce tibi! congregatis vice quadam omnibus in medio scholæ demon apparet; truci-que vultu in binos illos adolescentes insurgens, virgâ, quam manu tenebat horrificam, mortem eis intentans evanuit. Impii duo pavore in rabiem acti post dies pauculos obierunt, experturi supplicium longè tetrius, & quidem sempiternum. Dauro!t. Eademne apud te invenit historia hac? Audi quid author hanc narrans subjungat: Ex his, ait, Scholares nostri Divinum advertant iudicium, Magistris suis discant subesse; discant correctionem meritam non resugere; ne eis contingat sub virga ferrea postea vapulare. Ita ille. Contemnis tu proculdubio insolentias tales, aliaque in scholis perperam fieri solita: non contemnit Deus. Vindictam hic sumet de injuriis Magistro illatis, de execrationibus, quas in eum evomis, dum fortè necessariam correctionem adhibet; de insolentia aliisque similibus. Disce jam correctioni humana te subicere, ne subjici cogaris Divina. Quam Magister adhibet correctionem amor salutis tue, non verò ut dicis, odium aut aversatio extorquet. Erit dies, cum videbis, pter te plus dilexerit, an Magister errores tuos clementi severitiâ corrigens; an parens tuus a-ut tua, errores crudeli clementiâ condonans.

19. B. Stanislaus terrena omnia generosa mente fastidiens, solum fini ultimo obtinendo

btinendo intentus, sæpe exclamabat: Non ad terrenâ, sed æterna natus sum: his vivam. *Ex vita.* Imitare: Animum tuum sæpe ad cælum eleva: illuc labores tuos scholasticos dirige, illud spectet deliberatio tua.

20. Thomas Kempensis à teneris B. Virginem ut Matrem venerabatur indies. Paulo post fervor iste multum remittere cœpit & languere. Nocte quadam dormienti hæc offertur visio: Media in schola sibi cum cæteris versari videbatur. Delapsa cælo Virgo Sanctissima suavissimo vultu singulis arridens, tenerrimè unum ex alio amplexabatur. Patrem & sibi favorem pollicitus est Thomas. Sed ad hunc cum Virgo respiceret, severa hac voce eum compellabat: Frustra meum tibi complexum spondes, qui consuetudinis pristinæ immemor nihil fervoris pristini retines. Quo abierunt preces illæ tuæ? ubi fervor? ubi pietas, quâ me ut Matrem colebas? dixit hæc, & averso atque indignante vultu discedens, addit: Abi, & tali te solatiô indignum scito. Vidit hæc Thomas in somno, & ad se reversus toporem excussit, mundo valedixit, priore fervore B. Virginem coluit, vixit sanctè, sanctè mortuus. *Ex vita.* Si B. Virginis favorem frustra expectat ille, qui tepidus solùm in cultu ejus deprehenditur, quid ille speret, qui offendere etiam audet toties; toties membra

in ejus honorem oblata quo nescio modo inquinare? Renova fervorem tuum: peccata fuge, ne morienti tibi dicat: Abi, auxiliô meô indignus es.

21. B. Franciscus Regis contubernales suos ad frequentem libri spiritualis lectionem permovit, etiam tempore prandii; ne sermonibus aliis locus esset. Berchmannus indies mediam horam dedit Lectioni sacræ; qui conversionem suam adscripsit lectioni vitæ B. Aloysii. *Ex vita.* O si tua à te hoc impetraret utilitas ut diebûs Festis saltem & Dominicis quadrantem unum rei adeo sacræ impenderes. Quantum quæso temporis datur legendis fortè iis, quæ nec utilitas approbat, nec castitas! tempus deesse diceres? Francisco non defuit: mille aliis non deest hodieum? quin nec tibi pro lusu, pro ambulationibus deest. Scilicet vacat tibi, ut Philosophus sis, non ut Christianus; ajebat S. Paulinus. Vacat tibi, ut ludas, ut otieris, garrias etiam impia; ut animam cures, non vacat. Sed quid ad hoc conscientia tua? A Francisco etiam discce cautus esse tempore prandii in loquelis.

22. S. Rembertus postea Archiepiscopus Bremensis pueriles omnes lusus devitabat, & mirâ modestiâ omnibus præluens eo legitur jam primis annis incubuisse, ut ad mortem sanctam se disponderet. *Spec. Juv.*
An

An præmatura hæc tibi cura videtur? Er-
ras, Studiose mi: semel morimur: tota vi-
ta præparatio esse deberet ad negotium hoc
momenti maximi. Vivis fortè, quàm ne-
scio longævam tibi ætatem promittens, &
præparationem pro felici morte in futuros
annos differens; & quis novit, an non an-
nus postremus tibi fluat? quam tibi mor-
tem spondes? Fuit juvenis, qui vanitati to-
tus immeritus, dum die quodam vestes in-
duit amicos visitaturus, repente apoplexiâ
tactus expiravit hoc unum ejulans: Misella
anima quò ibis? Quo ibit tua, si nulla adsit
præparatio? Obsequere quæso: sollicitus esto
pro hora mortis: sæpius jam elice actus,
quos tunc optas elicere, ut iis assuescas.
Agitur tota æternitas tua.

23. Mexicanus adolescens inter Sodales
adlegi rogabat. Distulit diu Præses; demum
ait: Non decere inter Sodales spectari cin-
cinnatulum (Vanitatem in cincinnis nutri-
verat adolescens) mox ille: si hoc unum
obstat, facilè, impedimentum tollam. Tum
flectit genua cincinnos tantopere dilectos
refecat *Sod. Parth.* Hoc egit, ut totum se
Virgini consecraret. Nihil superesse voluit,
quod signum esse posset, se necdum perfe-
ctum esse B. Virginis famulum. Tu inter
Sodales es adlectus, multa fortè habes & a-
gis, quæ Sodalem dedecent. Reseca: ejice,

Quid illud? fortè liber illicitus; cantilena, familiaritas cum altero nimia. B. Virginis Sodalis non es, si hæc à te non projecis. Quid verò ad factum Mexicani sæculum nostrum? ridet, nunquid risus aliorum & dicteria non sibi curanda censuit Sodalis? & bene. Miser es & æternùm eris, si ex aliorum dicteriis & dictaminibus vitam instituas. Contemne. B. Franciscus Regis, dum ludentibus aliis ad templum abibat, ut scrupulosè anxius ridebatur: Turbari se non passus est. Quid Deus dicat & sentiat, vide; non quid mundus.

24. Anonymus quidam pertinacem adeo in scelere quodam consuetudinem contraxerat, ut monenti Patri spirituali diceret: Pater, si reſeratos ante me inferos viderem, abſtinere peccato hoc non possem; tantùm me vis acerba trahit. Ubi verò Patris consilio obsecutus frequentius sacra Myſteria obire cœpit, & B. Virgini se indies commendare, tantum sceleris ejusdem horrorem in animo suo sensit, ut diceret: Pater, si apertam ante me stygem cernerem, & eam peccati hujus admiſſione declinare possem; in stygem infilire malle, quàm horrendò adeò flagitiò Deum denuò offendere. *Ann. s. J.* Ecce paravit Deus media, quibus peccati horrorem concipere possis & conservare; tuum est ea amplecti.

Evoca-

Evocabatur à Patribus nostris nonnemo ad moribundum adolescentem; advolat confestim, sed jam funus exanime reperit. Ergò ad preces pro defuncto fundendas cum presentibus convertitur. Vix inceperant preces persolvere, moveri in lecto cadaver, levare in altum caput, tragicâ & horrifonâ prorsus voce hac verba intonare: Heu quàm gravi errore deceptus sum! atque hoc alterâ, & tertiâ vice factum est; quo presentium horrore quis exprimat? Quid verò illud fuerit, in quo deceptus sit, certò sciri non potest. Existimat Author hæc referens, deceptum esse adolescentem hunc in eo, quòd modica & familiaria adolescentibus vitia contempserit ut levia, exinde ad graviâ ora deductus, perierit. Seelham. Oô si tantùm unius hæc essent in inferno voces, Studioforum plurimorum esse eas credo: utinam utinam non sint aliquando tuæ! hac si horâ moriendum esset, an non ingemisceres, heu quàm gravi errore deceptus sum! credidi levia esse quæ admisi peccata; otium, segnitatem, jacturam temporis, &c. heu quàm gravi errore deceptus sum! credidi fore tempus quo Deo servirem sanctius, hinc hætenus adeò fui incensans: sed heu!

25. S. Emericus nullò se negotiò impediri passus est, quin officium B. Virginis in dies persolveret. Huic ut similior fieret. Virginitatem ardentissimè coluit, Coactus
Es. inire

finire nuptias, finito nuptiali epulō ad templum se confert, consuetum B. Virginis Officium recitaturus. Ubi ad verba illa pervenit: Tota pulchra es amica mea: Videt præsentem miræ pulchritudinis Virginem duobus stipatam Angelis, quæ sic eum allocuta est: Si adeo pulchram me fateris, cur alteri me postposuisti? cur amores divisisti? nunquid desideris tuis non sum dignior? Ad hæc Emericus: Fateor, ajebat, pulchrior es, erravi: pænam merui. Sed quid agam? Repoluit Virgo: Si animus tibi non deest, amore mei nuntium illi, cum qua tibi res est, remitte. Obedit Emericus, aulam & sponsam deserit, Italiam petit, vitam monasticam amplectitur. *Spec. Juv.* An non idem tibi Virgo justius exprobet? cur me alteri postponis? cur amorem dividis? præ Maria placet tibi socordia, tepor, amicitia prava. Quid ages? agnosce errorem: Deo & Mariæ famulare. Observa illud: Nuntium ei remitte, si animus tibi non deest. Nuntium remitte illi otio, illi consuetudini, illi.... si animus Marianus non deest..

26. B. Aloysius accepto mortis nuntio lætus exclamabat: Te Deum laudamus! Iamus lætantes! cupio dissolvi. *Ex vita.* Sic loquitur conscientia bona. Huic cœlum patet. Nemo, nisi tu tibi, cœlum claudere potes. Vive cum B. Aloysio, & ejus innocentis

nocentiam imitare, si mori cum eo desideres. Bene enim dixit Berchmannus cuidam dicenti: Moriatur anima mea morte iustorum. Vivat anima tua vitâ iustorum, & morietur morte eorum. Mori cum Aloyſio non poteris, si cum Epicureo vixeris.

27. Berchmannus acceperat Patronum menstruum cum sententia illa Christi: Videte, vigilate, orate, quia nescitis, quâ horâ Dominus vester venturus sit. Illicò hoc sibi tanquam è cœlo dictum accepit, & sanctè ad mortem se paravit. *Ex vita.* Quas legis in schedula Patroni tui sententias tibi ab Angelo tuo Tutelari dictas crede, & vitam illis congruam age. Non unum modò hac ratione monuit Deus.

28. S. Thomas Aquinas variè tentatus, ut propositum Religiosi statûs abjiceret, eò se induci nunquam est passus, licet vincula, famem, persecutiones diuturnas sustinere cogeretur. S. Stanislaus Patri carceres & vincula minanti, nisi vocationem desereret, reposuit: Et vincula & mortem patiar potius, quàm datam Deo fidem fallam. B. Aloysius inauditam prorsus adversus machinas quascunque constantiam in negotio vocationis ostendit. *Ex vita.* Agnovisti fortè vocationem tuam satis apertè; tuum est, nullis ab ea rationibûs avelli: ne dicat tibi Deus: Vocavi, & renuisti? in interitû tuo
Eg ridebo,

videbo. Constantiam etiam quotidie in eo exhibe, ne datam Deo fidem fallas. Fidem Deo dedisti, quoties in Confessione vel examine emendationem promissisti præcipue circa fugam consortii illius, vel domus. Ostende tandem serium tibi fuisse, & constans esto.

29. S. Bernardinus Senensis die quovis Sabbathino in honorem B. Virginis jejunabat; neque ab hac consuetudine, quoad vixit, recessit. Mariam non alio, quam Amicæ nomine nuncupabat; illam sæpissimè invisebat in sacello; illius statux advolutus ferventissimè preces persolvit. *Ex vita.* An etiam tua amica est Beata Virgo? an ejus amicitiam quæris? quod ejus das indicium? ubi Orationes tuæ quotidianæ? visitationes templorum? jejunia? vel maximè ubi peccatorum fuga? si hæc in te signa non notas, noli amicam vocare: si notas, esto constans.

30. Friburgensis Sodalitatis tentationes inhonestas victurus in crudi senticeti aciem abjectum corpus ad cruorem usque volutabat. Alius rigente hyeme in cumulum nivis se conjecit. Bruntrutanus lurconem ad illicita tentantem inflicto etiam vulnere abegit; ortas verò exinde tentationes superaturus, flumen frigidum ingreditur, collo tenus se aquis immergit; è quibus post duas horas aliorum manibus ereptus, domum semianimis relatus est.

est Oenipontanus impuram ardente titione
abegit exemplo D. Thomæ: Monacensis
verò alapâ & fuste castigavit. Landishutanus
periculum evasurus è fenestra alta in plateam
desiliit. Moguntinus semetipsum vulnerando
socios in fugam & horrorem conjecit. *Ann.*
s. J. Quid aliud olim in Iosepho, Bernar-
do, Benedicto, aliisque magni nominis
Sanctis venerata est Ecclesia? Habet scilicet
(Laudes immortalis Deo) habet ætas nostra
Iosephos, habet Bernardos suos, habet in-
victos pro castitate athletas; quibus una ca-
stitas in amore & cura est; quam vel peri-
culo & jacturâ vitæ tueri gloriosum judicant.
Cur toties de hac materia? Cuperem tibi,
Studiose mi Angelicæ virtutis amorem im-
primere & singularem, & perpetuum. Scio:
nulli virtuti æquè insidiatur dæmon, ac Ca-
stitati. Hanc si juveni eripuit, jam propè
triumphum canit. Tu nullam majore studio
conserva. Nullum mortificationis genus re-
fuge. Castitas res est, cujus pretium terra
ignorat. Hanc si servas, novum Angelis
gratulabor socium: salvaberis.

31. Dilinganus quidam sanguine & virtute
nobilis, lue lethali correptus, quâ potuit
curâ ad luctam supremam se disposuit. Facta
Confessione generali, totum se ad imploran-
dum B. Virginis patrocinium convertit, e-
amque, ut supremæ horæ Præses esse digna-
retur,

retur, rogavit. Adfuit hæc ei, nomenque
ejus & aliorum quorundam sodalium libro
vitæ aureis insertum characteribus exhibuit.
Quo visô aliisque non sine singulari animi
exultantis solatiô narrato, suavissimè expira-
vit. *Sod. Parth.* O quàm felix foret mors
nostra, si par nobis polliceri possemus Ma-
riæ patrociniû. Quid agimus? accedamus
cum fiducia ad thronum gratiæ, ut miseri-
cordiam inveniamus in tempore opportuno.
Imploremus quotidie clementissimæ Domi-
næ opem pro hora mortis nostræ.

*Adolescens genere nobilis, vitiis, præsertim
lasciviâ, familiari Juventutis malo; infamis,
hoc tamen indies Deum rogabat, ut nonnisi
de morte præmonitus moreretur; Tunc enim ad
mortem satis ut se prepararet, tempus fore cre-
didit. Vana non fuere preces. Apparet Ange-
lus oranti, promittit eum sine mortis nuntio
non moriturum, animum, tantum benè ad-
verteret. Sed mihi cum securitate audaciam
hausit, in omnia jam scelera præceptus, de certa
futura pœnitentia sibi blandiebatur. Contigit,
ut non diu post dolor caput occuparet, inde
febris corpus premeret. Suadent amici Confes-
sionem; quibus ille: Infirmetas hæc non est ad
mortem; crescente morbo rursus Confessionem
ingerunt: ager non abnuere quidem, sed dif-
ferre tamen voluit, dum convalesceret. Aucto
gravissimè morbo monent denuò, sed is vim do-
lorum*

lorum causatus tempus magis commodum expectandum esse asserit. Hæc agens, coram videt Tutelarem suum; hic diem horamque mortis denuntiat; jam migrandum esse clamat; esse horam ut Tribunali Divino se sistat juvenis. Attonitus ad fulmen hoc Juvenis, ejulare, vociferari, fidem sibi datam, violatam esse, conqueri. Angelus vero; morbus agebat, mortis erat prænuntius, nuntius erat & amitorum monitio. Nunc abeundum est, nihil tibi induciarum conceditur: vita finis est. Desiit Angelus dicere, & Juvenis infelix vivere; æternum inter inferos spem suam & præsumptionem & procrastinationem deploraturus. Pexenf. O spes vite longioris! ô mortis oblivio! pœnitentia dilatio quot adolescentum ruina exitistis! ducunt in bonis dies suos futurorum obliti, mortis immemores & in puncto morte repentinâ abrepti, descendunt ad Tartara. Noli spe vite longioris peccare aut differre pœnitentiam: spes fallax est. Monitum Spiritûs sancti est: Memento Creatoris tui in diebus juventutis tuae. Bene vixisse ab ætate prima, moriens deflevit nemo. Iam bene vive; serum est tunc velle incipere, cum desinendum est. Ne dicas, ait Scriptura, miseratio Domini magna est, multitudinis peccatorum meorum miserebitur. Misericordia enim & ira citò ab illo præstant, & in peccatores respicit ira illius. Dicis quod Augustinus in persona juvenis: Homo juvenis
sum;

diffimo continuat; & licet animô deficeret, corpore obrigesceret, nunquam tamen consuetas preces omisit. Orantis verò mira erat modestia. Orationis tempus deliciæ ejus unicæ. Assueverat orationibus adeò ut in angulis sæpè repertus, tantùm angulis diceretur colloqui. *Ex vita.* Multa habes, quæ hic imiteris præcipuè hæc: 1. Matutinas & Vespertinas preces nunquam negliges. 2. Nunquam tædii ullius vel molestiæ metu omittes preces consuetas. 3. Modestiæ sub precibus memento.

3. Miles Adolescens jurandi execrandique consuetudinem contraxerat: Monitus ut eam corrigeret, id sibi impossibile esse respondit. Ergo Sacerdos possibilitatem ostensurus ei ostendit nummum aureum hunc ei promittit, si horâ unâ abstineret ab execratione. Et revera spe nummi hujus abstinuit, licet per castra sociorum militum ductus non unam habuisset execrandi occasionem; agnovit ipse dein nullam suam fore coram Deo excusationem, nisi se emendaret: emendavit. *Segneri.* Agnosce & tu, nihil tibi coram judice tuo, superesse excusationis. Assuevisti peccato alicui! contrariâ consuetudine bonâ corrige.

4. Neapolitanus quidam Sodalis injuriam fratris occisi neque privatim vindicare, neque publico judicio persequi voluit; sed amore

more B. Virginis ita remisit, ut adlegi inter Sodales vellet illum, a quo offensus erat; ne scilicet facilè adeò ad peccandum alliceretur. *Lechn.* Hoc iste egit amore B. Virginis. Potens hoc fuit remedium etiam durissimos peccatorum animos emolliendi. Poteritne & tutum emollire? quid ages amore B. Virginis? an nimium peto, si peto ut amore hujus Patronæ tuæ condones levem fortè injuriam? ut superes molestiam aliquam in surgendo, orando, studendo occurrentem? non amas sanè B. Virginem si hoc ei deneges.

5. Coloniae juvenis infano puellæ cujusdam Lutheranæ in uxorem ducendæ desiderio tenebatur. Hac cum nonnisi desertâ fide frui posset, pactum nefarium inire non horruit, fidem se deserturum promisit: Ad tantum scelus per minora deductus fuit. Ex quo enim lascivo amore ardere cœpit, devotione omni relictâ, matutinas etiam & vespertinas preces negligere, Sacramenta rariùs frequentare cœpit. Pacto illò nefariò initò domum rediens in B. Virginis effigiem de muro pendulam oculos conjicit, & mirum dictu! tristiore solito advertit Virginis vultum, quin has percipit in animo voces: Ergone matrem tuam hucusque cultu præcipuo amatam deferes, jam deinceps miser? Pupugit miserum vox ista: Sed
aderant,

aderant, qui decretas urgerent nuptias. Bis statuta erat dies, quâ suam ad sponsam contenderet: bis disponente ita Deo aquis latè stagnantibus prohibitus fuit. Interea voces eadem à B. Virgine in animo repeti advertit; quare ut hac se monitrice liberaret, imaginem cubiculo excludit. Sed nec sic exclusa indignissimè Dei Mater, ab impio monendo terrendoque prohibita. Repetebat illa voces suas, remedium etiam addebat: Vade, confitere! & expugnavit denique obstinati animum, commovitque, ut peccata omnia expiaret, rescissô pactô nefariô salutis rationem haberet majorem; nunquàm sine lachrymis recordans matrem adeò clementem turpiter adeo à se despectam. *Ann. s. J.* Dubita si potes, an Maria salutem juvenum quærat: etiam contempta, etiam deserta, monet, urget, instat, emendationem postulat. An non eadem circa te & animam tuam egit! quas ei gratias referes? An & deinceps matrem tuam hanc deseres? illud etiam age, B. Virginis imaginem ob oculos pone, illam in dubiis consule, illi obtempera. Demum observa: à B. Virgine est vox: Confitere; à Dæmone est: Tarda, differ, morare? cui tu obsequeris? Exemplo alio docuit B. Virgo omnia non modo peccata, sed etiam tentationes & pericula aperire confessorio. Hanc tu doctrinam animò tene.

6. B. Aloysius librum spiritualem legebat indies, statim imitatione laborans exprimere, quod legerat. *Ex vita.* Imitare saltem in hoc: dies festus, dies dominicus nullus abeat, quo non quadrantem unum des lectioni spirituali. Idem age pridie S. Communionis. Tot horas rebus aliis inutilibus impendis, cur non tantillum animæ tuæ?

Ptolomeus adolescens divino actus spirituum petierat: exactis aliquot annis pravò consiliò abductus vitam sanctè cœptam deserit, indulget genio liberè, tempus omne conviviis, lûsibus, otio consumit, Monitiones aliorum contemnit, inspirationes internas, quas sensit crebras & vehementes, aspernatur. Tulit Deus impietatem per menses aliquot: inde protervior factus *Ptolomeus*, in omne jam scelus præceptis cœpit ruere, nihil non audere; sed quam distulerat pœnam Deus, tandem infligit valde terribilem: Dum scelus novum parat infelix, adest carnifex stygius, miserum, que frustra cœlos inferosque execrantem praefocatum, rapit ad Tartara. Spec. Ex Hunc sortita finem est inconstantia. O studiose, quem tua sortietur, an non & tu cum Deo lûsisti abunde! An semper ludere te posse credis? Time, time. Differt non aufert pœnam Deus.

7. B. Aloysius singulari oculorum modestitiâ enituit: per tres annos Imperatricem in dies invilere coactus, nunquam tamen faci-

em

em ejus intuitus est. Demissos semper tenebat oculos, adeò ut quis oculorum ejus color esset, à domesticis etiam nesciretur: quod ipsum etiam de Berchmanno legitur. *Ex Vita.* Oculorum custodia castitatis præsidium est, cave hos in aliorum, præcipuè fœminarum, vultu defigas. Mors per fenestras has, sæpissime intravit. Tentationes innumeras incautus unus oculorum jactus non raro excitavit.

8. Mexicanus Sodalis post diuturnas quas à muliere passus fuit, tentationes, dulciaria quædam ab ea accipit munusculi loco, Admittit imprudens, eorum pulchritudine captus jamjam ori admoveere parat, cum ecce occurrit cogitatio: diem Sabbathi esse, quo in honorem B. Virginis jejunare solebat. Vicit amor B. Virginis: dulciaria in diem alterum servanda cistæ includit, die altero ea sumpturus advertit venenò infecta, jam vitiata, hoc enim quæsierat mulier impudens, ut vitam extorqueret hac ratione ei, cui pudorem extorquere non poterat. *Sod. Parth.* Periiisset miser, nisi amore B. Virginis gulam frænâset. Vicit is se amore Virginis. An non & similes tibi sunt occasiones, in quibus gulam mortificare possis? jejunium enim suadere vix ausim, ut suscipias: quod tamen ab Aloysio, Stanislao, & omnibus fermè Mariæ clientibus susceptum scimus.

9. Aloy-

9. B Aloysius ut agnitam vocationem tantò
feliçius obtineret, duo hæc adhibuit reme-
dia. 1. Assiduam & quotidianam devotio-
nem erga B. Virginem. 2. Mortificationes
in jejuniis. flagellationibus etiam cruentis
His ille mediis Deum & Patrem in vota
sua flexit. *Ex vita.* Imitare. Non satis est
agnoscere vocationem: implenda est. Ut
impleas, recurre ad B. Virginem, adhibe
preces, mortificationes, &c. Cave, cave
communem illum studiosorum errorem quo
decepti licere sibi credunt omnia antequam
vocationem suam obtineant, Religionem in-
intrando. Non unus hâc ratione periit.

10. Murciensis sodalis acerrimè tentatus
in castitate, ut cogitationibus se liberaret, in
campos exiit. Adest Dæmon personatus:
causam mœroris quærit. quâ intellectâ ait,
nullum se legisse medium præstantius, quam
vitam sibi met rapere, offert laqueum, ut
tædiorum finem faciat, hortatur. Adolescens:
prius, ait, Confessarium oportet consulere:
tum fremere Dæmon, minari varia, deni-
que evanescere. Sodalis ad Confessarium
abit, tentationes, & rem omnem edocet,
liberatur. *Sod Parth.* Tentationes si quas
pateris sincerè aperi. Timet Dæmon mani-
festari. Pereat pudor, salvetur anima.

11. Adolescens invitis parentibus ad Re-
ligionem abierat, revocatur à Patre, eò quod
delicatè

delicatè nutritus Religionis asperitatem ferre non posset. Ille sapientissimè reposuit: vel eam ipsam ob causam Religionem intravi, quia delicatè nimium nutritus tormenta inferni ferre non possum, quæ tamen subire cogar, si inter tot sæculi pericula periero: hinc eligo ferre leviora in religione, ne cogar graviora in orco. *Platus* Salubris cogitatio. Studiosè mi; mortificationes horres, quia delicatus es! Ah amplectere eas ut evadas tormenta Tartari. Delicatus si es, quomodo feres terribilia illa, & nullo unquam fine concludenda?

12. Iuvenis quidam de vitio aliquo superando desperabat. Errorem correcturus Deus ostendit ei in somno gigantem immanem, quem jubebatur ab Angelo aggredi, & vincere: Cùm verò juvenis terrore percutsus victoriam sibi esse impossibilem diceret, respondit Angelus, invaderet generosè, se mox auxiliatrices manus esse juncturum; quod & fecit: junctis ergo viribus monstrum oppugnatum, victum est, ut disceret juvenis paratum semper esse Dei auxilium, cui si cooperari homo vellet consuetudinem omnè facile posse extirpari: *Vit. PP.* Studiosè mi, noli terreri à scelerum vel multitudine, vel enormitate vel diuturnitate, Magno animo aggredere: Extirpabitur consuetudo. Non potes tu solus? at gratia Dei tecum potest: huic

huic junge robur tuum, & laborem. In Deo meo transgrediar murum, ajebat David.

Tragicum orbi studioso exemplum factus est Ernestus, Ephebus Herbipolensis Principis. Speculum innocentia ab initio erat; seductus à consanguinea, detestanda didicit, fecitque. Ipsi etiam Damoni demùm se devovit, Magia & Veneficiis vacans. Accusatus & emendationis futura spe traditus Patribus Societatis, dein & Franciscanis, spem singulorum tesellit, semper abjectis jacris lipsanè ad dilectas adeò artes magicas conversus. Accusatur denuò, fertur sententia, ferro addicitur, quod & infelix excepit, nullo prorsus doloris editò signò. Fusè lamentabilem eventum refert Pexenfelder. Usque eò deducine potest studiosus & quidem innocens ab initio? usque eò ut nullà habità ratione temporalis aternæque pœna à peccato non desistat? abhorresce, & pietati tuæ, si quam habes, non confide; unus socius pravus deturbare te potest in abyssum scelerum & tormentorum.

13. B. Aloysius etiam adhuc puer indies ad aram facienti sacerdoti assistit, nec sine lachrymis, quas tanti consideratio mysterii expressit. *Ex vita.* Imitare. Statos habes dies, quibûs tale Deo Eucharistico obsequium exhibeas, sed reverentiâ eâ, quæ tantum decet mysterium.

14. Godefridus postea Bambergæ & Herbipoli

bipoli Episcopus jussus à moderatore certam domum adire, in qua antea tentatam per improbos castitatem suam noverat, potius moriturum se affirmabat, quàm locum illum repeteret; promptum se in cæteris omnibus fore, in hoc uno non posse. *Drexel.* Imitare constantiam in fugienda occasione peccandi: scis locum illum pietati, castitati inimicum; expertus es ibi tentationes; noli repetere. Amans periculum peribis in illo. Idem judica de socio, quem expertus es loquentem turpia, inhonesta suadentem, invitantem ad loca illicita. Aliud si agis, parum abes à lapsu, parum ab interitu.

15 S. Vitus adoleseens à Patre ipso ad Christū deferendū tum promissis tum minis invitatus. Ego ait, Dæmonibus non assentior; neque sculptilibus venerationem impendo; flocci facio regnum & divitias tuas. *Spec. Juv.* Vox immortalitate digna! tua sit eadem ad socios pravos, ad Dæmonem, aut si quis alius te à Christo, à pietate, à templo à studiis avocat. Nota etiam. S. Vitus ipsum adeò Patrem vocat dæmonem, quia ad peccatum invitando, Dæmonis officium fecerat. Dæmon est & Dæmone deterior ille tibi adeo dilectus Sodalis, quocum otiari, ludere, versari in cauponis, loqui inhonesta, peccare soles.

16. Juvenis peccator in campos exierat,

F

con;

consuetæ suæ vacaturus libidini: Occurrit ei in via Dæmon, cujus nescio speciem mentitus, & ad generosè ita pergendum animavit. Paulo post & Christus Salvator ei videndum se exhibuit, ostensisque sanctissimis vulneribus, ut à peccato abstineret, monuit; addens paratum jam esse dæmonem, qui collo infracto animam ad infernum raperet, si peccatum tale denuo perpetrare præsumeret. Motus Salvatoris bonitate impius, humi prostratus veniam rogat, vitam priorem deflet, cœnobium petit, constantius Deo serviturus: Sæpissimè Dei in se clementiam laudans & extollens. *Spec. Juv.* Lauda & extolle & tu non minorem Dei in te clementiam: Quod necdum hæreas inter inferos, quòd in peccato illo, in illa consuetudine mortuus non sis, Dei clementia est: non vult mortem tuam; habes, quod gratias agas in dies. An verò & agis? examina vitam tuam. Quid obsecro fecit Deus tuus, ut protervè eum adeò offenderes? Clementia ejus ad vitam bonam te non movet? Iustitiam time, monet, interiùs in corde tuo clementia Dei, ut absistas à loco illo, caupona illa, consortio, peccato illo: pergere si audes; aderit iustitia divina: hæc jam stygium paravit fortasse satellitem, qui te in scelere primo obtruncatum ad ignes perpetuos dejiciat. Time.

17. Apud urbem Tabaentem fratres duo pro fide torquebantur: primus dum alterum supplicio frangi videbat, & ad defectionem inclinare; sic eum allocutus est: Noli, noli frater hoc agere, non ita juravimus Christo: accusabo te, cum antethronum eius terribilem venerimus. Hīs vocibūs animatus alter, tormenta forti animo ad finem sustinuit. *Spec. Juv.* Imitare constantiam: iisdem ego te verbis compello: Noli, noli frater ita vivere, non ita promisisti Deo. te ego coram tribunali divino accusabo, si tot labores meos & monita nihil in te profecerint.

18. Sodales tres in campum se contulerant animos quō nescio modō recreaturi. Paulum temporis abierat, subito densari nubes aër obtenebrescere, mugire cœlum, frequentia inter alternos boatus fulmina discurrere; resonare vox tragica! Feri, feri! cadit fulmen: elisō è sociis unō reliquos omnes metu consternat. Nova inde exaudiri murmur, resonare vox nova: Feri! feri! cadit fulmen, alterum exanimat juvenem. Tertius similia sibi eventura ominans, erectis in cœlum oculis: voce supplici Virginem invocat, clamat: sub tuum præsidium, &c. Vix finierat, auditur tertia vox tragica: Feri! feri! Sed aliæ auditæ voces: Non possum quia ad Mariam confugit. Servatus igitur illæus, Matri Virgini totum se dedicavit, vitam

coepit sanctissimam. *Pexenf.* An minorem tibi causam esse credis vitam vivendi sanctiorem! O quoties divina intonabat Nemesis: Feri! feri! jam parabatur fulmen impio tuo capiti: Mater gratiæ prohibuit. Age gratias, vitam, quam ei debes, totam ejus nutui consecra.

Adolescens Anonymus animum ad ordinem religiosum adjecerat, sed mundi vanitate abstractus, de die in diem sanctiora consilia distulit. Huic in somnis apparuere Christus Judex, Sancti Apostoli, Petrus & Iacobus. Judex voce hâc terribili auditus alloqui sanctum Petrum: dele illum de libro vite. Et deletus esset, nisi sanctus Iacobus adolescentis patrocini-um suscipiens, ob cultum quo à juvene honorabatur singularem, iratum iudicem à sententia dimovisset. Vidit hoc in somno juvenis & inconstantiam deplorans conceptum vite sancte propositum implere festinavit. Spec. Exemp. Dele illum de libro vite Vox tremenda! time hanc, si in propositis implendis tardus es & inconstans. Abominabile est in oculis Domini promittere & promissis non stare: proponere & fidem non servare. Ne in te terribilis adeò feratur sententia, constans es.

19. Stephanus quidam studiosus multos in sceleribus annos vixerat, Dei hominùmque contemptor: id unum in eo pium remanserat, quòd speciali affectu S. Magdalenam profe-

prosequeretur, cujus festum devotè colebat
 pridie jejunando, &c. Et hoc salutis occa-
 sio ei fuit. Apparens quippè S. Magdalena
 seriò ad expianda scelera hortata est. Obse-
 cutus Adolescens vitam deinceps sanctam
 egit: moriens à S. hac Patrona sua invisì &
 confortari meritus. *Spec. luv.* Sanctorū cultum
 cordi habe, sed eum scito esse optimum,
 qui conjunctus est fugæ peccati. Amas Pa-
 tronos tuos? eorum opem desideras? amo-
 re eorum fuge hoc aut illud peccatum tibi
 magis familiare.

20. Josephus Spinellus Adolescens B. A-
 loysio devotissimus præter alia in honorem
 hujus pridie festi B. Aloysii jejunare solebat.
 Præmium tulit amplissimum. Totò morbo-
 rum examine obrutus, lingvæ, pedum, ali-
 orumque usu destitutus, ad B. Aloysium con-
 fugit. Hic sæpius eidem apparuit, sanavit
 eum, stupentibûs omnibûs. Notabile est,
 quod lingvæ usum ei restituens dixerit: Io-
 sephe, vult Deus ut honori suo tuam con-
 secres lingvam laudando eum & benedicen-
 do; Cave illâ abutaris in ejus offensam.
 Quotidie renova propositum tendendi ad
 Sanctitatem. Petit etiam ut post S. Com-
 munionem mediam horam impenderet ora-
 tioni. *Ex Actis.* Tantillum obsequium pla-
 cuit B. Aloysio. Quid tu ages? gratissimum
 ages, si data ab eo documenta observes.

21. B. Aloysius raram adeò castitatis gratiam consecutus fuit, ut ipse ejus conpectus in aliis tentationes contrarias extingueret. Hinc præcipuus castitatis Patronus, uti & deliberantium de statu vitæ, agnitus est hætenus. Talem experti sunt plurimè uti in actis Sanctorum videre est. Blandæ erant voces Patroni hujus, quibus allocutus est Wolffgangum ab Asch clamantem: OB. Aloysi! an nunc me desereres? voces inquam hæ: fili non deseram te: Neque deseruit, ipse factus spectabilis Dux in itinere dubio. *Ex Actis.* Invoca hodie beatum hunc, fiducia quâ par est à te coli Patronum studiorum. Commenda ei castitatem & vocationem tuam.

22. S. Hermenegildus hanc protulit dignam immortalitate vocem: salutem meam rebus cæteris potiozem habeo, pro qua, si res feret, paratus sum sanguinem, vitamque profunderè, Simile est quod B. Aloysius suis famulis valedicens dicebat: Statuo animam meam curare; Vos similiter agite. *Ex vita* Tu similiter age, senti, loquere. Negotium hoc tuum unicum & summum est: Salus tua, salus animæ tuæ, quid spectant studia tua? quid labor? tua vitæ ratio, quam tenes, an ea est, quæ animæ curam indicet? Si animam curas, cur non emendas ea; quæ animæ nocent? an non saltem hodie emendabis?

23. A.

23. Adolescens Italus, nobilis in rixa gra-
ve vulnus acceperat. Plaga pecuniæ multum
consumpsit, nec tamen obducta est. Ergo
ad Mariam confugit Adolescens, vovet Lau-
retanum iter & emendationem, si convale-
sceret. Convaluit, sed voti & emendationis
immemor, vixit. Tacita ei vox allabatur.
Lauretum vade: Votum exsolve. Obedit
ergo: Lauretum adit, offert munera, sed
confessionem horret, ne emendare se co-
retur. Ergò conscientiam stimulante nunc tem-
plum, nunc tabellas votivas contemplari;
nunc Confessionale inspicere, nunc templo
egredi, nunc ad illud redire. Triduò totò
sic exactò, dum Milsæ sacrificio interest,
vocem rursus è cælo percipit, cunctationem
increpantis: Confessionem jubentis. Paruit
tandem, confessus est, è luto scelerissimo e-
mersit, pœnitentiam amplexus rigidissimam.
Tur/sel. Quàm Sancta B. Virgini obtulisti de-
sideria? quàm sancta promissa? ubi execu-
tio? ubi impletio? an non eadem vox tibi
allabatur: Votum exsolve: Sta promissis: a-
ge pœnitentiam. Quousque ergo tardabis?
Cur temetipsum angis? Excute moram, ad
Deum convertere.

24. In Lusitania Adolescens Ægidius & san-
gvine & scelere nobilis extitit. Ut scelerib9 va-
caret liberius, artem medicam discere statuit
Hinc Parisios abit. In via obvium habet dæ-

monem personatum, à quo ad antrum prope Toletum deductus, edocetur artes magicas, ejuratis ante sacris omnibus. Exatō ibi Septenniō totō, Parisios abijt, de scelere in scelus ruit. Objicitur ei aliquando Eques Cataphractus, vibratā lanceā formidabilis (Angelus erat à B. Virgine submissus) qui terribili eum hac voce affatur: Desine tandem hanc vitam moresque tuos. Redi ad mentem. Concussus paululum, sed mox ad flagitia redit. Redit eques, voces repetit, & tandem emollitus, exclamat: Dedit me, faciam quidquid jusseris. Sic Saulus alter ad meliora compulsus vitam cœpit sanctam, utque constans esset, religionem adiit. Chartam, in qua perfidus dæmoni se obstrinxit, à dæmone recepit per B. Virginem Hort. Mar. Desine tandem hanc vitam moresque tuos, ô Studiose: Sic B. Virgo imperat: Desine, fac quod Maria, quod constantia jubet.

Breve, sed tragicum est, quod narro. Adolescens detractionibus, sermonibus impuris, & similibus lingua vitiis assuetus, dum ad extrema deductus est, & ut seriam ageret pœnitentiam monitus, frustranea ista omnia esse clamabat. linguam manu designans: ista, ajebat, lingua pessima me dampnavit, quō dictō mortuus est impœnitens. Flor Exemp. Ista lingua pessima me dampnavit. Ah! Ah!
si re-

*si referari contingeret inferos, quot Studiosorum
lamenta eadem audiremus? O lingua pessima!
ô sermones impuri! quot adolescentum ruina
exitistis? Tibi, tibi, ne ruina sint & exiti
causa, attende. Ita rogo te per animam tuam,
sciens & nimium sciens quàm communis hæc
sit, quàm perniciosa labes juventutis studiosæ.
Time linguam tuam: Time: sermo unus tur-
pis damnare te potest.*

25. B. Aloysius difficultatem in studiis sen-
tiens illicò ad orationem convertitur. Con-
cionem paraturus ad Venerabile confugit:
hac ille ratione præsentem in studiis opem
expertus est. *Ex vita.* Experireris & tu si
eodem modo studia tua fusciperes: quid
prohibet, quin occurrente aliqua in studiis
difficultate ad orationem, ad B. Virginem
confugas, eam verbis illis inclames, qui-
bus S. Ignatius solebat: Monstra te esse Ma-
trem. Verè dixit Berchmannus: Observa
tu Deum, & Deus observabit te. Invoca
Deum, opem Sanctorum, & tu laborem
aggredere; felix erit.

26. Anonymus Adolescens Ægyptius se-
riam & constantem acturus pænitentiam,
tumulo vivum se incluserat. Molestissimè id
tulit dæmon; ergo ad Patrias ædes revoca-
re laborabat: fraudes varias, denique &
vim, verbera, plagas, inferebat. Sed petita
infracta juvenis mens, hoc unum reposuit:

Malo mori, quàm vobis obsequi. Vicit hac ratione dæmones turmatim tentantes, qui non sine fremitu in fugam agebantur ululantes. Vicisti nos? vicisti nos. *Spec. Ex.* Solam timet constantiam dæmon. Bona proposita, Confessiones non timet. Ad priora consortia, loca, occasiones conatur revocare, facilem sibi deinde promittens victoriam. Quid tu? Imitare: Sit hæc tua ad dæmones, ad consuetudines, ad socios vox: Malo mori, quàm peccatum hoc repetere, hoc violare propositum. Et præstat certè constantiæ immori, quàm ab ea despectendo vindicem Dei manum provocare. Statue.

27. Ioannes Baptista innocentiam conservaturus, patriam deserit, eremum petit, vinò abstinet. *Ex vita.* Ecce remedia servandæ castitatis & innocentiae. Imitare in hoc. Fuge socios suspectos: abstine deliciis: fræna iugulam: fuge vinum immodicè sumptum: Hæc si agis, aderit Divina bonitas, castitatem proteget.

28. B. Aloysius licet ex natura ad iram & impatientiam pronissimus, nunquam tamen vel asperiore verbulo allocutus est alterum, nunquam cum ullo notatus est contendere. *Ex vita.* An leve hoc tibi videtur insitam à natura passionem hac ratione compescere? Ergo tantò facilius erit imitatio. Vide hodie, quæ in te dominetur passio? quæ inclinatio?

natio? & in ejus extirpationem totus incumbit. Una passio indomita cœlum tibi occludere potest.

29. Wolffgangus ab Asch speciali devotione B. Aloysium persecutus plurima & rarissima ab eo accepit beneficia. Iter faciens à latronibus sex invaditur; invocat B. Aloysium verbis supra relatîs, & audit: Fili non deferam te Apparet Aloysius, defendit contra latrones, & paucis verbis: an noverint Christianos se esse; in fugam agit. Vitam totam cum Wolffgango peragit, instruit, oculorum sanitatem, memoriæ firmitatem mirabilem eidem elargitus est. Quod & aliis ferè innumeris fecit. Uni pravam socium sequenti ait: Cave ab homine isto, qui te ad interitum ducit, me venerare. *Ex vita.* Omnia eo finè adduxi, Studiotè mi, ut speciali affectu Sanctum hunc sequaris: præcipuè pete ab eo quod P. Corbinellus: Beate Aloyfi ora pro me, ut bene moriar. Latrones te morientem circumdabunt: Viam ignotam ingredi cogeris: roga B. Aloysium, ut tibi adsit, te defendat.

30. Bisuntinus sodalis quidam ad extrema deductus, multis, gravibusque à dæmonetentationibus agitatus, suum non peccandi propositum identidem renovabat; inquit: Non te offendam Domine: non te offendam Domina. Dein ad B. Virginem con-

versus. Opitulare, ait, Domina; opitulare!
& opitulata est sanè B. Virgo, tentationes
discussit, eum consolata suavissimè; adeò ut
paulò post felix exclamaret: Victoria! Vi-
ctoria! hanc scilicet de styge retulit invictus
pugil ope Virginis. *Man. Sod.* Optas & tu
similem moriens referre? ad B. Virginem
convertere; hujus opem inclama. Ut au-
tem securè inclames, sit illud jam tuum pro-
positum: Non te offendam Domina: non
offendam: Statue non offendere magnam
hanc Dominam per peccata tua; & opere
ipso exequere: Domina clementissima non
deerit.

*Terribilem peccati unius malitiam propono
& tremendam consuetudinis prava vim: A-
dolescens Rome turpi assuetus flagitio vixit,
quod à sociorum uno didicerat. Sape confessus,
sape relapsus Vim sibi ad extirpandam consue-
tudinem inferre noluit. Adest vindex Deus
gravem corporis morbum immittit Juveni. Et
profuit sanè: nam juvenis serìò jam detestari
vitam præteritam cœpit, sancta omnia propo-
nere, confiteri dolore contrito peccata omnia.
Munitus Sacramentis omnibus circa Vesperum,
moritur de nocte. Confessarius die altero Sa-
crum lecturus pro eo, vi occultâ prohibetur, &
 tandem ab infelici adolescentis animâ monè-
tur; cessaret orare, actum de se æternum. Cau-
sa hæc erat: Expiatâ bene conscientiâ, occur-
rebat*

ante ejus effigiem orandi, castitatem sollicitè custodiendi.

2. Berchmannus. hīs verbīs, quō esset in Mariam animō, testatus est: Mille corda si haberem, millenis B Virginem amarem. Item: non sum securus, nisi verum & filialem erga Beatam Virginem habeam amorem. *Ex vita.* Idem dic & senti. Securus non es, nisi Mariam verè & filialiter diligas. Sed quid hoc est? filius Matrem diligens cavet ab omni, quod matri displicet. Cave & tu ab eo, quod Mariæ displicet. An verò displicere ei non credis otium tuum, tepiditatem in oratione, Confessione, &c. Con-suetudinem illam pravam &c. hæc amove, & Mariam filialiter diligis. Mille vitas & corda ei debes; unum cor, vitam unam ei impende, Statue hodie, id facere deinceps.

3. B Aloysius ad verbum turpe ab aliis prolatum mox rubore perfunditur, demittit oculos, aut tacens dum monere non audet; aut carpens liberè; uti senem septuagenarium acerrimè propterea insectatus est. *Ex vita.* Imitare: Castitatem amantibus singulis res hæc cordi esse debet. Parum abest ab opere, qui linguæ suæ & auribus omnia permittit. Et utinam non post multos etiam annos verbum turpe, diu antè casu auditum, effectum habuisset longè foedissimum, habuit certè sæpe, & eò induxit
adoles;

adolescentes, cæteroquin piissimos, quò nullus dæmon inducere poterat. Fuge tu, potissimum, qui toties dicis, nihil te dicturum esse contra honorem Virginis. Fuge sermones tales.

4. S. Alexius primâ nuptiarum nocte spon-
sam deserit amore castitatis: per septemde-
cim annos constans est in perferendis con-
vitiis & injuriis plurimis in ipsa adeò domo
paterna, quam ignotus incoluit. *Ex vita.*
Sanctè incipere parum est; perseverare &
quidem per tot annos hoc enim verò coelo
dignum est. In hoc imitare S. Alexium, con-
stanter observando proposita facta; quod ut
fiat, pete hodie à Sancto Alexio gratiam.

2. Viennæ in Gallia Sodalis innocentissi-
mus ab impio seducitur ad scelera maximè
horrenda, ipsam adeò Magiam. Duobus in
vita tali exactis annis petitur à dæmone ab-
juratio Dei per adolescentem facienda. Hic
diem deliberationi impetrat. Die illo territus
Lugdunum abit ad Magistrum quondam su-
um, In via variè à dæmone tentatur, ne
pergeret, mors etiam intentatur. Juvenis
invocata Beatâ Virgine pergit; quærens ex
dæmone, cur ergo tam diu mortem mihi
non intulisti? hoc accepit ab eo responsum:
Nec voluntas mihi defuit, nec conatus:
prohibuit Domina tua, cujus te clientelæ
commiseras, Stupet juvenis amorem B. Vir-
ginis,

ginis, abit Lugdunum, confitetur, semenda-
tur. *Ann. s. J.* O Studiose, ubi esset anima
tua, nisi B. Virgo obstitisset? animet te hoc,
ut incipias esse alius, & devotius famuleris
magnæ Matri. Disce etiam, quò detestan-
dum consortium deducat.

6. Adolefcens nobilis Romæ concioni in-
terfuit: dixerat Concionator noster, reme-
dium contra peccata omnia, præcipuè lasci-
viæ, optimum hoc esse: indies semel Salu-
tationem Angelicam recitare cum hac ora-
tione: O Sancta Virgo, dono tibi oculos
meos, aures, os, manus & cor meum: juva
me, ne unquam offendam Deum ac te: cum
fuero tentatus, statuo dicere: Sanctissima
Virgo sum tentatus, succurre Domina: ego
sum Iesu & Mariæ, quibus me donavi. Au-
diit hoc adolefcens, & quia turpissimam in-
lascivius consuetudinem contraxerat, reme-
dium hoc amplexus est. Emendatio secuta
est mirabilis & constans; adeò ut in tentati-
one fateretur, ne posse se quidem peccare,
post preces tales; adeò manifestum B. Vir-
ginis, auxilium se sentire. *Segneri.* Facile,
efficax remedium: Obtulisti te Deo & B.
Virgini; offer te eidem indies; offer linguam,
oculos, manus tuas: invoca in tentatione
Dominam tuam: opem senties.

*Antonius quidam in Italia minimum per an-
nos aliquot egerat, successu si corpus spectes*
(ipso

(ipso saltem Iudice) felici; si animam infelici. Focis enim etiam turpibus, vita libera assuetus, de pietate prima parum retinuit. Vixerat jam annis aliquot vitam hanc; Cum die quodam in Theatro cecum agit non sine intuentium plausu, cecitate à Deo Iudice punitur. Abductus à Theatro sortem suam infelicem considerat. Et ecce adest Matrona quaedam (talem enim vox manifestaverat) qua hīs eum verbis alloquitur: Satis datum est nugis. Satis servitum oculis profanis; nunc ut te inspiceres, oculis te Deus orbavit. Agnosce Dei iudicia; relictis ludicris saluti consule. In patriam & ad Deum reverti vis? veni, dux ero. Dixit, & ad Laurotanam domum, ubi confisteretur, deinde in patriam reduxit, saluberrimis monitis instruxit, qua & ipse ad mortem usque constans implevit. Pexenf. O quoties Ducem vite novae se tibi obtulit eadem Virgo! quoties tibi inclamavit. Satis datum est nugis: saluti tuae consule. Tu quid egisti? despexisti Ducem hanc. Antonius ille si despexisset, an non actum de salute eius fuisset? fuisset certe. Time ergo & saluti tuae, nisi obsequaris. Inclamat de novo: Satis datum est nugis: satis otio; satis consuetudini illi: consule saluti tuae. Tu obsequere.

7. B. Aloysius Patri à vocatione implenda abstertere volenti dixit: Etiam si mundum totum promitteres, non id impetrabis, ut Dei

ut Dei voluntatem non sequar. Ad objectas
verò difficultates reposuit: Si in Religione
servire tantum gulæ vellem & oriri, cœ-
lum non sperarem. *Ex vita.* Constans esto
in vocatione ea, quam vides amplectendam.
Nulla te res absterreat. Sed & in rebus aliis
nullo promisso ab implenda Dei voluntate
arceri te permittas. Quantillum verò est,
quò subinde arceris. Paululum quietis in
otio est: paululum voluptatis in consortio,
in cauponis, in lusu: & Deum deseris: De-
um offendis? Aliud statue.

8. Friburgi erat, qui omnium monita pro-
tervè respuebat, corporis cultum formamque
solicite nimis quærebat, de anima nihil solici-
tus. Sacellum Beatæ Virginis vice quadam in-
gressus, post preces pauculas ad B. Virginem
fusus totus in alium fuit mutatus. *Ann. S. J.*
Mutareris fortassis & tu, si ferventiores ad B.
Virginē preces funderes pro emendatione tua.
Roga B. V. enixè, impetrabit tibi à Deo gratiā.

9. S. Vincentius Ferrerius refert fuisse
juvenem, qui eò usque in sceleribus deve-
nerat, ut gloriæ sibi duceret esse impium.
Irritæ aliorum monitiones & minæ erant.
Cælesti opus fuit remedio. Nocte dormien-
ti, Christus apparet stipatus Angelis, & vul-
tu ad Angelos converso ait: Et quid facit
hic audax & facinorosus? tanto tempore
meā abutens patientiā in peccato vivit ob-
stinatus;

stinatus: aut vitam mutet, aut quamprimum ad meum hoc tribunal evocetur, ut debitas scelerum suorum poenas luat: Hīs dictīs somnium evanuit: Evigilavit juvenis, adeo territus, ut prae horrore incanuerit. Sed non capillos solum, verum & vitia mutavit: Confessionem seriam peregit: vitam emendavit. *Segneri.* Utinam hunc ipsam effectum in te haberent tot Concionatorum, Confessorum monita, tot inspirationes internæ, quibus ad vitam meliorem impelli te sentis! Recordare verborum illorum: Aut mutet vitam, aut ad tribunal evocetur. Memoria iudicii extremi te à peccato absterreat; ad bonum impellat. Time offendere Iudicem tuum.

10. S. Udalricus adhuc puer mirè delectatur lectione vitarum Sanctorum, & studet ea, quæ per ætatem poterat imitari. *Ex vita.* Cultus Sanctorum optimus est, eos imitari. Si ad manum non sunt vitæ Sanctorum, saltem quotidiana hæc exempla imitare constanter. Tot tibi in cœlo Patronos concilias, quot virtutum exempla imitaris.

11. Taurini Sodalis ab equo calce petitus grave vulnus accepit. Pudor & verecundia, quod nollet permittere partes læsas à chirurgo tangi, rem celaverunt. Inde terribiles exorti dolores, quibus coactus, rem Confessario aperit. Iubet is confestim aperiri Medico;

dico; sed eò jam deducta res erat, ut remedio locus non esset. *Ann. S. J.* Admirare pudoris tenacissimum adolescentem: in eo etiam imitare; In verbis & operibus verecundiam fac semper præferas singularem: Hæc enim Castitatis comes & custos est.

12. In Austria Infimista quidam Officium B. Virginis etiam æger ex libello recitare non omisit: recitans illud obiit, pertinaciter adeò hærente intra digitos libello, ut vi nulla avelli posset; hinc cum eo ceu sui in Mariam amoris Tesserâ sepultus est *Lechn.* Studiose, an non malles cum hoc apparere coram tribunali Iudicis, quàm cum illis, qui tenentes manu folia picta oppressi à domo corruente, ad æternitatem abrepti sunt, suæ in regulas inobedientiæ signum secum deferentes? Vivens ergo imitare Sodalem illum; constanter Virginem piissimam venerare.

Adolescens in Gallia lusu & potationibus tempus omne transigere solitus, dum vice quâdam de more in caupona versatur, sermone de animarum immortalitate exorto, sic impiissimus auditus est garrire: Me quod attinet si quis animam meam emere vellet, facile le pretio cum pro convenirem; pretium omne pro potu exponerem & communi latitiâ. Ingressus paulò post demon mercatorem mentitus, pretium petitum solvit impio. Estur interea, potatur, luditur; Vespere facto demon impium illum

lum cum corpore & anima (frenum veluti cum equo, uti in similitudine proposuerat) stupentibus omnibus rapit ad Tartara. Spec. Ex. O iniquum anime astimulatorem! Animam Christus tanti fecerat, ut ineffabiles pro ea dolores sufferre non horruerit; & impius uno alterove floreno vendit! Dignum styge flagitium. studiose, an tu simile non perpetrasti! Augustinus dicit: Peccator animam suam vendit diabolo, accepta tanquam pretio, dulcedine temporalis voluptatis. Quoties peccasti graviter, toties animam vendidisti: pretium erat voluptas fœda & brevis. O turpe facinus! an repetes posthac? Adverte etiam, quò deducat incon-sultia illa ludendi potandique consuetudo. A cauponarum visitatione & potu, ad quates eben sermones. ad quas blasphemias quales lusus, quas furias, quas lascivias, ad quæ Tartara ruunt precipites iuvenes cæci? Ne patiaris te seduci ad cauponas etc. actum est de innocentia, de castitate, de beatitudine tua.

13. Neapolitanus Sodalis, in via scelera-tum aliquem offendit, blandè eum alloquitur, ad templum deducit, habere se in-quiens quod loquatur; rogat emendationem. Sceleratus facilem se ostendit fore, modò lucrum ex peccato habitum compensaretur. Tum Sodalis: Pone metum, ait; quinque denarios meo labore indies parare possum; tu duos accipe. Movetur alter charitate hac,
& emen-

& emendat se. Duacensis erat, qui omne tempus à studiis reliquum, dabat erudiendis parvulis. *Ann. 8. J.* Quid tu pro salute animarum aliarum? quid ad impedienda peccata hodie ages? an non datur occasio peccatum aliquod impediendi? vel alterum ad opus aliquod bonum excitandi?

14. S. Laurentius Iustinianus tempore calidissimo ad levandam sitim incitatus, ait: Quomodo feremus purgatorii calores, si parvam sitim ferre non possumus? Hinc aqua abstinuit, sitim toleravit, ut calores æternos evaderet. *Ex vita.* Frequens forte occasio est imitationis hujus: Dum siti premeris, cogita, quæ illa damnatorum futura sit sitis. Et hanc ne pati cogaris, elige mortificare gulam tuam; non tantum superfluas potationes in cauponis &c. sed etiam subinde necessarias subtrahendo, aut differendo.

15. S. Hermannus Ioseph tristabatur aliquando; quod ob labores plures orationi vacare diutius non posset: sed erigebatur à B. Virgine, jubente, ut labores generosè peragat, hos enim, aiebat, sibi gratiores fore. *Ex vita.* Studia tua si intentione debitâ suscipiantur à te, res Deo & B. Virgini gratissima sunt. Hæc, si negligantur, ne ipsæ quidem preces Deo placere possunt.

16. Anonymus Sodalis B. Virginis effigiem præteriens eam semper colere solitus fuerat;

fuerat; hoc dum die quodam ex more agit, audit vocem: Confitere. Eandem die sequenti repeti advertit. Ergo integram de tota vita confessionem paravit. Vix peracta erat, & in platea obambulans globô trajicitur, moriturus morte improvisâ, nisi hac ratione B. Virginem colendo, speciale hoc beneficium obtinuisset. *Ann. S. J.* Imitare; transiens B. Virginis effigiem cole eam verbis pauculis: Ave Maria. Placet hoc B. Virgini; hinc S. Bernardum id agentem resalutare dignata est Virgo inquit. Salve Bernarde.

17. Oeniponti Sodalis incredibili cerasorum recentium desiderio tenebatur: jam hortum petierat, ad arborem cerasis onustam accesserat, satisfacturus libidini intemperanti. Adest cogitatio de victoria sui, etiam in rebus minimis Deo grata. Ergo ut tantò major illa esset, in arborem enititur, per horas duas ibidem versatus preces B. Virginis honori persolvit. Consideratione cerasorum & occasione his fruendi, irritata summo opere fuit orexis, & libido intemperantior; sed altiore vincendi sui studio accensus adolescens, oculis omnia, gulæ nihil concessit; ex arbore velut trophæo sui erga Deum & B. Virginem amoris invicti descendens, domum lætior rediit, ac si animum explevisset, cibo desideratò fruens: Rarissimos

mos cœli favores hæc ei victoria attulit. *Sod. Parth.* Leve hoc tibi videtur? ergo facilius imitari poteris. O si scires, quantò Deus præmiò rem hanc judiciò tuò levem remuneretur in cœlis! Vince te! vince in occasionibus similibus plurimis, quæ tibi in dies occurrunt. Tot tibi coronas nectis in cœlo, quot refers de te hac ratione victorias.

18. B. Stanislaus intimè rerum humanarum naturam penetrans ajebat. Nihil in mundo amore nostro usque adeò dignum est. Ipse totum se ad amandum Deum convertit fervore tanto, ut sæpe frigidâ exteriori levare debuerit calor internus. *Ex vita* O quàm tepet tuus in Deum amor! quod signum amoris divini in te? Creaturam illam, voluptatem illam in otio, lusu, &c. tantopere amas: Deum tuum quando amabis? elice hodie ferventes aliquot actus amoris.

In Belgio quidam è Patribus nostris ad carcerem evocatus, ut adolescenti necdum vigesimum primum ætatis annum egresso, ad mortem condemnato adesset; ubi carcerem intrat, vehementer commoveri reus, harere, gemere, ejulare, demum in Patre hoc Magistrum quondam suum fateri. Stupuit Pater mutationem mirabilem; sciverat enim eum piissima vite exemplar totò quinquenniò extitisse. Sed adolescens vitam omnem referens, totam perditionis

enī causam pravorum consortio adscripsit? Conscientiā ritē expiatā, dum carnifex carcerem subit reum educturus; novo adolescens horrore concuti, altū inclamare in carnifice suū quondam condiscipulū, & illum Magistro gratū, agnoscere. Quo omnium stupore quis dicat? Finit vitam mortalem adolescens manu carnificis condiscipulī, assistente suo olim & carnificis Magistro. Pexenf. Spectaculum verē lugubre. Et quō non deducit societas prava? O quā chari suo Magistro discipulī paulō post in profligatissime vitæ mores ruunt hodie, utinam non ex his ad tartara. Obstrue fontem: Time societatem omnem suspectā.

19. Saffaritanus Sodalitatis provocatus ad duellum excusabat se dicens, gladium suū esse obtusum. Stringe, ajebat alter, quid enim geras? ego, reponit iste, ego ut stringā nequeo; nā sodalitii Præses jam diu gladium meū vaginæ affixit, ut convellere non possim. Egerat Præses de materia hac in concione quadam; hinc ille utilitatem hauserat *Lechn*. Quam tu ē tot concionibus utilitatem hauris? an opere ipso implere laboras, quod in eis inculcatur? Recordare divini oraculi: Scienti, & non facienti, peccatum est. Satage hac septimana implere, quod in exhortatione postrema propositum est.

20. S. Procopius eodem prorsus modo, quō olim S. Paulus, conversus, totum se Christo,

Christo, & ejus obsequiis immolabat, miram inter horrendos cruciatus fortitudinem præferens aiebat; Quid jucundius quàm pro Christi nomine pati? *Pexenf.* Qundo tutandem converteris? quando te totum Deo immolabis? quando inter tentationes fortitudinem Christianam exhibebis? si pati pro Christo jucundum est, an non & vivere? Christo vive; hoc est, ex ejus nutu, voluntate & imperio vive; Sathanam desere; ejus tentationes vince; præcipuè in re hac...

21. Juvenis erat sub instructione Hugonis Abbatis Bonæ Vallis, qui à primo fervore multum remittens vitam impiam repetere cogitabat. Hugo hīs eum verbīs allocutus est: Fili mi miserere animæ tuæ. Si hic manseris, promitto futurum, ut societatem in cœlo cum Sanctis omnibus habeas. Pauculis dictis animatus juvenis constans in pietate perrexit, à Sanctis ipsis ante obitum visitari meritus. Paulò ante mortem gratias egit Hugoni pro consilio & monitis, periturum se aliàs in inconstantia sua affirmans. *Spec Exempl.* Imitare iisdem verbis, temetipsum ad perseverantiam hortare. Erit, cum agnosces & gratias ages iis, qui jam non sine tua molestia, te monent. Hodie spe mercedis æternæ non repete peccatum hoc....

22. Sodalis die aliquo summo mane ad Collegium Germanicum Romæ accurrit. seque

seque ad conscientiam expiandam Dei Matris & S. Iosephi ope tandem esse permotum affirmabat, addens: Nocte illâ oblatum sibi sive somnium esse sive visionem; in qua à stygiis spiritibus sibi videbatur detrudendus ad oreum, eò quod à confessione jam diu abstinuisset; ne tamen eò detruderetur, opem à B. Virgine & S. Iosepho allatam esse: certū sibi jam esse edixit, vitam eam agere, quæ tali periculo deinceps liberetur, & constantes Liberatrici Virgini & S. Iosepho gratias persolvere. *Nadasi* Habes & tu Studiose, cur easdem persolvas gratias. Hæreres, ne dubita, jam inter inferos, nisi Virginis clementia te servâset. Posthac vitam age aliam: Cave, Mysteria sacra diu negligas: negligendo enim hæc, innumera salutis media tibi subtrahis. Sed quâ ratione tantum beneficium obtinuit Sodalis ille? id quidem historia non refert, refert de viro per sex annos sacrilegè confesso, dein decem annis continuīs Sacra omnia refugiente, qui unâ concione ad vitam suam miseram deserendam motus, gratiam servatæ hætenus salutis adscripsit jejunio sabbathino, quod in B. Virginis honorem observaverat. Scilicet minima etiam remuneratur Virgo clemens. Noli in hujus cultu tepescere: jejunium sabbathinum, preces quotidianæ, & similia signa sunt alicujus saltem erga Virginem tantam affectūs.

23. Adolescens quidam Religionem deserere cogitabat, ut matri succurreret: jamjā abiens Christo Crucifixo valedicit, & audit voces has: Magis te alui ac mater tua, ne me ejus causa deseras. Hīs commotus mansit constans. *Spec. Ex.* Idem tibi dici cogit, dum à socio aut dæmone ad scelus aliquod, hoc est ad deserendum Deum invitari: Magis te alui, majorem tibi charitatem exhibui, ac socius ille, ac dæmon: Noli ergo me offendere, me deserere, noli hoc peccatum facere, ut illi obsequaris, ut illius amorem conserves. Statue hodie fortiter rejicere petitiones aliorum iniquas; non deserere Deum ob gratiam hominis.

24. Adolescens à prima ætate tenerrimè B. Virginem colere solitus, quotidie devotionem suam formulæ repetitione instaurabat. A condiscipulo amicitiae specie invitatus, primò tantum ad colloquia, dein ad ambulatiunculas, ad lusus, demum ad magica in sylvis spectacula: Obsecutus est cæcus; nomen etiam suum dæmoni tradit, variis à dæmone spectaculīs recreatus: domum redux scelus agnovit, Religionem petit. Socii irati dæmonem in eum immittunt, à quo per dies quatuor obsessus est juvenis. Spem unam in B. Virgine posuit: formulam sodalitatis in charta exarat ringente dæmone: & dum scribit: Suscipe me &c. Adest Virgo respondet

respondet: Fiet: Liberatur deinde dæmones;
recipit schedam dæmoni datam; B. Virgini
vivit noviter obstrictus. *Pexenf.* O confor-
tia quò deducitis! formulam Sodalitatis fæ-
pè renova.

*Posonii Sodalis Sanctissima Sacramenta tan-
tùm obiter frequentare, nihil à consuetudine,
in qua vivebat pessima, remittere solitus, in-
somnem aliquando noctem cogebatur exigere;
post conscientie querelas & morsus ante Dei
tribunal sibi stare visus est, & coram tormen-
ta inferni intueri. Rationem reddere jussus de
tepiditate sua, cum non haberet, quod respon-
deret, obmutuit. Denique ad B. Virginem &
Sanctos, quos videre sibi videbatur, conversus,
eorum intercessionem flagitat, emendationem
sponder; dilationem sententia à Christo Judice
aliàs pro tota aternitate ferenda impetrat, no-
ctu adhuc ad nostros veniens animam expiavit.
Nada si. Sodalis si tuis in auribus resonaret ho-
die vox illa: Redde rationem de vita tua, &
præcipuè de sanctissimis Misleriis tanto tepore
susceptis, quis tibi animus esset? quid proferre
posses, quò damnationem averteres? Nota,
quod dixi: Adolescenti illi imminebat damna-
tio, cò quod sapè quidem Sacramenta suscipi-
ens, nihil tamen de consuetudine pristina re-
miserit. An non & idem in te reperies? qua
emendatio tua post tot confessiones? quàm timen-
dum hoc, ne confessiones plures, verò destituta*

sint propositò, adeoque sacrilege, damnationem tibi, non salutem allatura. Terribile est, quod legitur de Patre, qui 30. post obitum suum animi: apparens filio suo, preces ab eo postulans. ei indicabat, confessiones omnes hoc tanto tempore ab ipso factas sacrilegas fuisse; eò quod non ex animo serio, sed tepiditate suscepta, propositò firmò consuetudinem malam eradicandi fuerint deßituta. Timeo, timeo ne plurimum studiosorum confessiones sint similes, eorum scilicet; qui tantum pœna metu, tantum ex consuetudine, obiter, negligenter, eas peragunt; parum de emendatione solliciti Tu curam impende summam negotio huic, de proposito & emendatione esto sollicitus.

25. Panormi Sodalis per speciem colloqui evocatus à fœmina, non obscure positas Castitati insidias advenit. Licet ergò negotia urgerent, nunquam tamen vel transire per plateam illam voluit. *Lechn.* Imitare: Occasionem peccati fuge fuge cauponas, domos suspectas, consortia illicita, in quibus non semel tantum offensam à te Dei maiestatem nôsti. Ipsa occasionum repetitio displicet Deo: hinc P. Segneri refert de viro, qui accesserat domum antea sceleris adjutricem, factò quidem firmò propositò peccati non admittendi; vi tamen quadam occultâ abreptum se inde advertit.

26. In Aragonia juvenis vitæ liberæ amans

mans, Concionem aliquam intraverat: audit
has inter alias Concionatoris voces: Trien-
nium jam est, quô Divina bonitas passa est
moras tuas: Cave ne sine mora, illius iram
experiaris. In se hæc divinitus dicta credit;
nam tanto tempore vitam impiam egerat:
igitur pœnitentiam incepit, ad vitæ finem
continuavit. *Lechn.* Incipe tandem & tu.
Iam diu te tolerat Divina bonitas. Time, ne
in furore iusto te perdat. Incipe hodie eju-
rare vitam præteritam: hodie esto alius.

27. Adolescens fuit, qui cum per Matrem
à Religione adeunda avocaretur, ad objecti-
ones omnes, unum hoc reposuit: Volo sal-
vare animam meam. Ingressus religionem
vixit in ea tepidè. Videre sibi nocte quadã
visus est Matrem coram Tribunali Divino,
se verò inter damnandos: audit has à Ma-
tre voces: Fili, ubi sunt voces illæ: volo
salvare animam? quomodo eò infelicitatis
delapsus es? Experrectus, totus à se mutato
est: causam interrogatus, ajebat: Si vultum
Matris increpantis ferre non potui, quomodo
vultum iusti ludicis feram? *Specul.* Ecce ti-
mor ludicis à peccato cohibet. Memor esto
& tu ludicis illius; & time eum offendere:
hoc.... peccato.

18. Fulco adolescens vanitati addictissimò
nocte quadam jacebat insomnis: diem o-
ptabat, ut vanitati vacare posset. Sed orta

in animo cogitatio hæc est: quid si bienniò integrò inter tenebras jacere, in lecto hoc licet suavi cogereris, quò aurò non redimeres supplicium hoc? & quomodo agetur inter inferos cum damnato? Commotus hac cogitatione ordinem religiosum ingressus est, vitam vivens sanctissimam. *Drex.* Commovereris & tu, studiose mi, si vel semel seriò hoc cogitares, quid sit, æternum jacere inter inferos! coelites! quàm terribilis, quàm potens est æternitatis memoria! poterisne tu æternum in incendio illo terribili perseverare? poterisne? ecce lecto molli ne vel unâ nocte quietus, potes incumbere, & rogo gehennali possis! O studiose, studiose! memento veritatis terribilis: æterna sunt inferorum supplicia. Fuge fuge, quidquid eò te potest dejicere.

29 B. Aloysius die S. Communionis, quã angelicâ prorsò modestiâ suscepit, die inquã toto omne hominũ consortiũ vitat; nonnisi orationi vacans, & Lectioni sacræ. *Ex Vita.* Imitare: discet tempus adeo sanctum benè impendere. Inexcusabilis est malitia tua, si eodem die peccata tua repetas, linguam Christi cruore purpuratã contamines, quibũs nescio loquelis & narrationibũs; si pedes manẽ Christo inflexos, quò nescio dirigas. Stude hac in re B. Aloysium imitari: lege librum spiritualem, plus temporis orationi consecra. Ostende id
die

die proximo, quò sine dubio in Magni S. I. gnatii honorem, devotionem tuam perages!

30. Adolescens Anonymus tentatus à muliere, renuit obsecundare primùm: dicente verò muliere: Sacerdos te statim absolvet; inquebat: solvi quidem à Sacerdote possum, sed ego me scelere obstringere non possum, nec debeo. *Ann. S. J.* Cave unquam pecces ideo, quia facilis est remissio; facilis confessio. Peccatum terribile est: præsumptio de misericordia Dei. Horres ad rem hanc? ah utinam rara adeò inter studiosos esset, quàm terribilis est!

31. Coloniensis quidam B. Virgini à puero devotus, ejus imagini advolvi indies consueverat, & preces pro felici morte perolvere. Morbò gravè prostratus totus ad B. Virginem confugit, hanc unam in corde, hanc in ore habebat assiduè, pridè mortis matri affirmat, visam à se esse Deiparam, à qua ad cælum invitaretur: ergo expiatâ rursus conscientiâ, in amplexu B. V. expirat pacatissimè. *Ann. S. J.* Non est auditum quenquam à Maria derelictum, qui eam constanter & seriò invocaverit. Tum maximè adest, quando omne humanum deest auxilium. Vis ut adsit tibi in morte, cole eam in vita. Infelicem crede diem illum, quò eam non honoraveris per preces consuetas,

Adolescens lascivus Lusitanus, puellam castissimam ad scelus immane sollicitare ausus est: vi armatâ irruens in cubiculum ejus; cum nihil precibus, & donis profecisset, gladium stringit, aut consensum, aut vitam extorturus. Non cessit virgo, paratam se mori potius quam Deum offendere ingeminabat; opem fixis in coelum oculis à Virgine Virginum flagitabat: Masculos repente spiritus concepit, collectis quæ viribus aggressorem invadit, domo protrudit. Letalem plagam, suomet divinitus ferrô inflatam, sensit impius; pudore & dolore plenus domum revertitur. Sanato utcunque vulnere (ô insaniam! ô impudentiam!) ad Virginem revertitur, repetit preces & minas: Virgo obem Mariæ denuo invocat & ecce prodigiosum supplicium! juvenis manu invisibili feriente gravissimè vulneratus oculis caligine pressis, cubiculo pedem effert, moxque necessariis Sacramentorum subsidiis destitutus repentinâ morte temeritatem luit. Nada si. Mors infelix, Stipendium peccati! Resipiscere debuerat impius poenâ primum inflatâ; sed quò non rapit passio excacata? studiose, ne dixeris peccavi, & quid accidit mihi triste? Altissimus enim est patiens redditor. Nondum punitus es majorum forte scelerum reus? agnosce & lauda Dei clementiam. Peccare etiamnum vis? exhorresce justitiam. Eò te momentò mors potest obruere, quò peccatum audes perpetrare.

Anni

chiepiscopus Magdeburgenſis ſceleſtiſſimus; hebeti & obtuſo erat ingeniô. Erubuit ad continuas aliorum irriſiones. Ergo vice quadam templum S. Mauritiî ingreditur, intenſiſſimòque affectu feliciorem in ſtudiis ſucceſſum à B. Virgine flagitat. Apparet hæc ei, blandè conſolatur, ſpondet & proſectum felicem, & Episcopalem dein Inſulam: hoc tamen monitum addit: Vide ut bene utaris ſcientiâ tuâ; aliàs graviffima tibi pœna imminet. Eventus reſpondit promiſſioni: Mox enim eminere in ſchola Udo, cæteris omnibus præcellere, omnibus eſſe in honore cœpit: poſt aliquot annos in Episcopum electus. *Bärzias*. Uſque huc tutò imitare: ad B. Virginem confuge in ſtudiis tuis: bene utere talentis & ſcientiâ tuâ; aliàs pœnagravis imminet, ſicut Udoni. Hic enim factus Episcopus vitiis ſe dedit: monitus de nocte his verbis: Udo ſatis luſiſti: ceſſa à ludo! non ceſſavit: hinc terribilî ſuppliciô de nocte è ſcelere dicam? an lecto abſtractus, miſerè periit. Time exitum ſimilem. Sed & has voces altum animo imprime: ſatis luſiſti: ceſſa à ludo.

4. Berchmannus videns canem aliquem jubente Domino in aquas licet profundiffimas ſalientem, & pro panis fruſto mirè ſe fatigantem, ait; An Domino Deo obedire par non ſit pro tanto præmio, quantum cœ-
lum

lum est! *Ex vita.* Sic est: Res quæ ruborem incutiat: bellua pro frustulo panis nihil non agit; nulli non periculo se committit: spondet Deus cœlum, & laborare renuis? statue spe tanti præmii nullum laborem refugere. Spes eadem consoletur molestias in studiis occurrentes.

5. Franciscus Mastrillus postea in Iaponia Martyr, tempore incommodo à sene & moroso aliquo sacerdote rogatus, ut ad aram facienti assisteret; vehementem in animo reluctantiam expertus est; tandem eam Dei amore vincens abit, ministrat: & ex eo tempore mirificis à Deo gratiis se locupletari advertit; quas gloriosa demum mors pro fide obita, coronavit. *Ex vita.* Quantillum est, ex quo ingens Dei in nos favor, imò salus nostra pendet! una sæpe victoria est in re levi v. g. in surgendo in superando, respectu vano, in adeundo templo, &c. Huic ergò victoriarum generi frequenter flude. Forte è tali salutem tuam dependere voluit Deus. Imprime tibi duo illa axiomata P. Lancicii S. I. Nihil leve, quod summa æstimat Majestas: nihil exiguum, quod summa reprobatur sanctitas.

6. B. Aloysius convivio interesse coactus fuerat: eò solutò ad choreas à puella nobili invitatus. Exhorruit castus animus Aloysii, & pudore suffusus clam se fugâ proripuit,
jurejuran;

iurejurando affirmans ad talem se occasionem nunquam rediturum, *Ex vita*. Disce choreas & vanitates similes (atque utinam tantum vanitates) horrere, velut castitati minus amicas. Disce fugere occasiones, ubi vel à longe periculum animæ tuæ imminere advertis.

Juvenis. quidam foedissimo contra Castitatem vitio assuetus venerat ad Thomam Cantipratanum. Monuit isle, vim ut sibi inferret; peccatum adeò periculosum caveret. Rediit ille identidem eodem inquinatus scelere. Festo Paschatis iterum serio à Thoma monetur: intentatur ira divina, qua tandem vindictura esset injurias adeò frequentes divina illatas Majestati. Abiit ille, sed eodem adhuc die peccatum idem. infelix repetit. Adest ultor Deus, & apoplexiâ tactum ad tribunal divinum evocat. Una morietis vox erat: vindicta Dei super me! vindicta Dei super me! Th. Cantip. Relapsus in eadem peccata gravia metue: Vindictam Dei formida, qua frequenter in ipso peccato oppressos deturbat ad supplicia eterna. Disce in propositis constans esse, ne ultor Deus inopinantem te obruat. Vereor certe, ne si hac ratione pergas vivere, sub finem exclames lugubre illud. Vindicta Dei super me.

7. Landishuti in Germania juvenis cum heterodoxis familiarior, hæsitare in fide coeperat. Adest ei noctu Virgo Mater duobus stipata

stipata Angelis: uterque stricto gladio interitum minitari videbatur: alter has voces addidit: Hoc ego te ense è vita ad inferos deturbabo, si à fide desciveris. Experrectus juvenis hæsitare desiit, majore Virginem Deumque fervore venerari incœpit. *Ann. s. J.* Maria Virgo quàm sollicita est pro salute nostra! terret, monet, hortatur. Mater est: filiorum amat animas. In Germania ad sacerdotem sacrilegum, Virgo Mater mulierem sanctam ablegavit. quæ hïs eum verbis moneret: Finem tandem libertati pone: periclitatur anima: instat interitus sempiternus: damnandus jam fuisses, nisi dilationem supplicii pro aliquo adhuc tempore impetrasset. Hæc Mariæ monitio fuit. An minùs in te benignam expertus es Mariam? An similes ad cor tuum voces illa non protulit? Ubi esses si mater illa clemens non fuisset? sed adverte: Impetravit ut supplicium differretur, non ut auferretur. Libertati finem pone: redi ad matrem: age gratias: novo nomine obstrictam ei vitam, consecra.

8. Fuldæ Adolescens nobilis cubitum jam concesserat, somnum jam auspicatus fuerat: cum boni Angeli instinctu excitatus, neglecti eo die Rosarii recordatur. Vincit se, è strato surgit, preces persolvit. Interea superior lecti tabula magno impetu ac pondere in lectum decidit, certò juvenem exitio

tiō oppressura, nisi pius in Mariam affectus eum lecto evocasset, & discrimini hac ratione subduxisset. *Ann. s. J.* Imitare: Constantans esto in colenda Virgine. Constantiam amat & remuneratur. Non temporalem solum, verum etiam æternam perniciem à clientibus suis, pia mater sæpe avertit.

9. Viennæ in Austria Adolescens lautè educatus, ab ipso Præceptore edoctus est artem furripiendi parentibus pecuniam illam, quā in ganeis ac lustris prodigere posset. Hanc ille pecuniam in suburbano abscondebat; inde quantum necesse erat, vicibûs singulis deprompsit. Accesserat aliquando locum illum, & ferme vacuum videns, de novo subsidio deliberat. Dumque huc illuc animum versat; umbram loquentem audit & videt, quæ pecuniam ex voto amplam spondebat, si juvenis se ei devoveret. Quærenti verò juveni, unde esset? reposuit; post datam prius fidem rem à se apertum iri. Nolo hoc, subjungit juvenis; jam scire cupio, qualis aut unde sis. Hæc dicens velut cæstrō infernalis genii percitus, inconditè clamare cæpit: Rapi se, auferri à dæmone, jugulari. Accurrunt vicini, domum referunt, vinculis alligant: Patres Societatis advocant, à quibus amuletis sacris instructus nonnihil quiescere cæpit. Postridie domo exiens sensit se vi arcanâ repente in vallem abditam
ab atro

ab atro cane deductum; sensit offerri sibi
hîc cultrum, ibi gladium, quô necem sibi
conscisceret. Anxius recurrit ad PP. S. I.
rem omnem ordine exponit, confessione ge-
nerali conscientiam expiat, priorem quie-
tem recipit, Deo servire incipit ferventiùs.

Ann. S. J. Postremum imitare, non priora.
Quietem conscientiaë amas? Confessione
generali conscientiam emunda. Magno hæc
erit in morte solatio. Fuge consilia prava,
cujuscunque sint ea. Noli ganeas & caupo-
nas diligere; plurimorum enim criminum
occasiones in illis reperiēs. Unde furta, ra-
pinæ, lites, discordiæ, blasphemix, otium,
tepor in studiis, neglectus pietatis, tristitia
parentum, ira demum & vindicta Dei ter-
rifica, nisi ex domuum ejuscemodi accessi-
one deliberata & frequenti? Principiis hic
obsta; nec aliorum exempla impia sequere.
Anxium te, aut scrupulosum appellent; ride.

10. B. Stanislaus S. Laurentium acceperat in Patronum menstruum cum sententia
hac: vigilate & orate, &c. Accepit has tan-
quam è cœlo voces; ad mortem sanctè o-
beundam se disposuit, Patroni sui pro ulti-
ma horula præsidium enixè imploravit.
Ex vita. Non casu semper sententiæ in Pa-
tronorum schedulis obtingunt. Sæpe vox Dei
est. Obsequi nunquam nocet. Memento e-
tiam cultûs Patrono tuo debiti: eum pro
hora

hora mortis tuæ invocare, sedulò labora;

11. Berchmannus eâ exteriore modestiâ preces suas in templo persolvit, ut tanquam ad Aloysium alterum (sic enim vocabatur) multi concurrerent; qui mirabili illâ orantis compositione intimè se commoveri fatebantur. *Ex vita* O utinam non scandalo aliis sit tua in templis conversatio! Res execrabilis; in conspectu Angelorum, atque adeò ipsius Iudicis Dei ea agere, quæ nec præsentis Patre aut Magistro tuo auderes! faceffat quæso à te omnis garrulitas, irreverentia, libera oculorum evagatio, & quidquid domum Dei dedecet. Templum accessurus actum fidei elice: Vivit Dominus, in cuius conspectu sto, dicebat Propheta. Cogita coram quanto Domino vilis vermiculus compareas, & non poteris vel minimum tantâ præsentia indignum admittere.

12. Ildephonsus deinde Toletanus Episcopus à puero duabus præcipuè rebus studuit, castitati nimirum, & tenero erga B. V. affectui. Singulari cultu semper venerabatur Virginem in cœlos assumptam, ad quod festum diu ante se præparare consueverat. Præmium speciale tulit factus jam sacerdos. Nam cum festo illò preces suas manè in templo persolvisset, apparens ei B. Virgo Casulam manu cælicâ elaboratam attulit, atque ad continuandos pro honore suo labores animavit

animavit. *Ex vita.* Imitare. Festum proximè
secuturum præcipuâ quadam devotione
perage. Dies enim ille est, quò teste S.
Bernardo Advocatam præmisit peregrinatio
nostra in cœlos, efficacius pro nobis inter-
cessuram.

*Pultoviensis quidam Sodalis festo Assumptæ
Virginis neglecto sacrò & communione, cuius
nescio negotii causâ, iter eques suscepit. In via
subito velut fulmine tactus, equo excutitur,
humis prostratur, per sex horas jacet quasi
exanimis: Domum ad se rediens, culpam pœ-
namque neglecti Mariani cultûs agnoscit. &
palam ceteris profitetur. Iaroslaviensis quidam
graviter ab alio, die quodam vulneratus: En
ait, primâ vire hodie omisi preces meas ad B.
Virginem & omnia infelicitè cedunt Ann. S. I.
Amat B. Virgo exhibita sibi obsequia, odio
habet & castigat negligentiam. Tu cave, die
ullo consuetas preces omittas: cave festum B.
Virginis abire patiaris, quò non devotione de-
bitâ divinum epulum suscipias. Castigare novit
negligentiam Virgo potens.*

13. Berchmannus moriturus apprehendit
imaginem Crucifixi, Rosarium quod è collo
semper tulerat, & libellum regularum. Hæc
tenerrimè amplexus, exclamat: Hæc tria mi-
hi charissima sunt; cum his libenter moriar.
Ex vita. Et quis non cum his libenter mo-
riatur? tam pretiosi cultûs tenens testimonia
quis

quis non libenter ad iusti licet iudicis tribunal abeat? Nunquid & tu in horum amplexu mori exoptas? Vive cum illis, & morieris cum illis. Sint tria charissima tua, Iesus Crucifixus Iesus Eucharisticus, Maria Virgo, & individua hujus comes, castitas. Hæc jam amplectere; & in horum suavi complexu ad beatam æternitatem emigrabis.

14. B. Aloysius pridie S. Communionis jejunit; de sanctissimo altaris sacramento vel loquitur cum aliis, vel cogitationes eò omnes dirigit, potissimum ultimas vespere, & primas manè. *Ex vita.* Imitare. Suscipes eras, non dubito, eundem quem suscipit Aloysius: O utinam eadem cum præparatione! majores profectò gratias à Christo Eucharistico experireris. Res horribilis, simul mirabilis: una communio sanctum efficere hominem potest, teste S. Theresiâ. Et nos post tot SS. Communiones in eadem peccata relabimur; iidem sumus, qui antè. Unde hoc? præparatio deest. Hujus memento. In primitiva Ecclesia acclamabatur communicaturis: Accedite cum fide, tremore, & dilectione.

15. B. Stanislaus ubique in B. Virginis præconia vigilans fuit: semper titulos, nova nomina excogitabat, quibus eam laudaret. Filiali planè fiduciâ incitatus literas ad eandem scribit, quibus incensa animi sui desideria exponebat. Præter miras gratias à B. Virgine obtentas

obtentās, bis ab ea invisī meritis est, semel etiam divini Filioli amplexu beari. *Ex vita.* Renova hodie devotionem tuam erga B. Virginem. Fiduciā magnā eam implora pro hora mortis tuæ; ut inter amplexum Iesu, & Mariæ, valeas expirare. Commenda ei hodie & vocationem tuam. B. Aloysius hoc die enixè rogans B. Virginem pro felici vocatione, voce perceptibili ab ea ad Societatem Iesu vocatus est: ingredi, aiebat, Societatem Filii mei.

16. S. Iustus septennis sponte ad Martyrium properabat, ut pro Dei gloria pati aliquid posset. S. Pastor ejus socius aiebat: Corpus hoc licet tenerum, in holocaustum offeram Deo. *Spec. Juv.* Obtulisti te sæpe in holocaustum Domino Deo, & B. Virgini: sed si holocaustum est, totum Dei, totum B. Virginis est: nihil ex eo tuum. Cur ergo corpore tuo abuteris, ac si tuum esset? cur linguā, cur manū abuteris? obtulisti te Deo, non ampliùs tuus es. Si verò rapis ista ex holocausto, time vindictam Dei dicentis: Ego Dominus, odio habens rapinam in holocausto. Propone membra tua, præcipuè linguam, manus, pedes non adhibere ad offensam Dei.

17. Basilus puer Constantinopolitanus moriens ad præsentēs sibi Angelos dixit: Expectate, dum decem obulos solvam; ne habeat

beat princeps tenebrarum, in quo me accuset.
Parad. Puer. Timuit innocens ille rem tantillam: an tu majora non times? Vereor, ne multa sint, quæ morituro tibi dæmon sit exprobraturus. Quid ages? sic res conscientia jam compone, ut dæmonis objectiones metuere non debeas. Aut nihil admitte, cujus te pœniteat, aut admissum ritè expiare festina.

18. In Bohemia Sodalis æquo propensionem se sensit ad potationes immodicas. Serium emendationis desiderium ostensurus primum vinò abstinere per B. Virginis octavam: dein examine particulari ipsam vitii radicem aggressus est. Quoties errorem à se admissum vesperi in examine reperit, toties acri flagellatione in semetipsum læviendò vindictam de eo sumebat. Atque sic emendatio velox & solida secuta fuit. *Ann. S. J.* Consuetudo quævis ut firmas egerit radices, expugnari hac ratione potest. Utere ergo hīs mediis. Quis aliàs seria esset dicet proposita toties in Confessionibus facta? Examen particulare tibi commendo, si quæ potentior in te passio viget.

Landelinus adolescens piissimè à S. Autberto educatus fuerat. Annos jam aliquot sanctè exegerat: cum parentes ipsi & amici à virtute abducere eum cœperunt, & ad agendam è seculi legibus vitam impellere. Obsecutus impia parentum

rentum voluntati Landelinus, vitam coepit pri-
ori prorsus dissimilem; demum malorum
confortio, & exemplò ad ipsa furti, & latro-
cinia exercenda delapsus est. Destinata nox
quedam fuit, quâ cum sociis divitis cujusdam
domum in villa aliqua expoliaret iam manus
impio operi ab omnibus gnarviter admovebantur.
Subito quo nescio casu, sociorum quidam apo-
plexiâ tactus humi exanimis prostermitur. Terri-
ti reliqui desistunt à consilio impio. Landelinum
tristis mortis adeò repentina species assidue agi-
tabat: augebatur terror, dum in somno vi-
dere sibi videbatur socium paulo antè mortuum
ad aeternas inferorum flammâs à demonibus
raptari. Terrore sic undique perculsus adflare
sibi Angelum custodem videt, atque hîs ab eo
se vocibûs compellari audit: Impie, an & nunc
quoque istorum socius esse desideras? vides sce-
lerum pramia? emenda mores: instat vindicta
Iudicis. Nec mora Landelinus in se rediit, pe-
riculum agnovit, vitam sceleratam deseruit,
pœnitentiam ad vitæ finem usque egit rigidissi-
mam. Pexent. 1. Societas detestanda quò non
deducit? juvenem sanctè à viro sancto educa-
tum ad tam tetra flagitia? & tu non times?
2. Sociorum unus perit. servantur alii. Vene-
rare & time judicia Dei. 3. Moritur infelix in
scelere suo. Qua nunc misero utilitas ex furtis,
ex latrocinis? An tu mortem in peccato non
times? Eò momentò (imprime queso tibi veri-
tatem

tatem hanc) Eò momentò, quò peccas, mori potes: damnari potes. 4. An & nunc socius istorum eris? quarit Angelus. Credis plures habere inter inferos ob eadem peccata, quæ tu perpetras: & non times ne socius sis pœnarum, qui socius es scelerum? 5. Agit Landelinus pœnitentiam viso alterius interitu. Age & tu. Aut enim pœnitendum, aut ardendum!

19. Berchmannus nocte ultimâ graviter tentatus hâs vocibûs horrorem peccati, quem semper habuerat, testatus est: Egone te offendam Domine? O Maria! ego non offendam filium tuum? absit à me: non faciam. Malo centies mori. *Ex vita.* Voces auro & cedro dignæ! O si tuæ hæ essent! O si frequentes essent! in hoc ostende an ames Deum, & B. Virginem; ut tentatus ad peccatum, fortiter & constanter resistas. Repete in tentationibus voces has: O Maria, ego non offendam filium tuum: malo centies mori. Sic placebunt Virgini cætera obsequia.

20. S. Bernardus mulierem incautè intuitus tentationes exinde concepit: has ut domaret, in lacum frigidum collotenus se demergit. Dilinganus Sodalis tentationes similes extincturus nudo corpore se volutat in nivibus; ad cruorem usque se flagellat. *Ex vita.* & *Ann. S. I.* Tantum à te non peto: leviores tamen mortificationes ut pro Castitate suscipias, & suadeo & hortor. Lilium Castitatis inter

inter spinas pulcherrimè efflorescit:

21. Sodalis quidam Neapolitanus certorum Religiosorum consortium omni studio cavebat, ne pro sua, ut aiebat, arte dicendi, Religionem illam facile persuaderent. Aliquando has sibi audiit allabi voces: Non est, quod de me conqueraris in extremo die iudicii. Religioni huic nomen dandum esse prædixi, salutis viam ostendi. Territus adolescens, ingressus est Religionem illam ipsam, quam tantopere horruerat. *Lechn.* Fortè eadem sunt Angeli tui voces: Sit eadem tua obedientia: Imple vocationem tuam.

22. Monachii Sodalis admonens alium officii sui, pugnò ab eo percutitur: sed memor concionis de frenanda ira habitæ, alteram etiam maxillam exhibet: Audacior alter, & huic colaphum infligit. Defertur res per alios ad Præsidentem, citatur uterque: Jubetur alter alterius pedes osculari. Tergiversatur lædens: Læsus paratissimus ruit humi, parat osculum, sed prohibetur à Præsidente, volente tantum hoc actu virtutem coronare. *Lechn.* Quot hic vides victorias? imitare in hoc: Recordare tot exhortationum, quæ in scholis habentur: Imple monita, quæ paternò prorsus animò suggeruntur.

23. Iapon quidam Adolescens ad deserendam fidem incitatus, intentatâ etiam morte, nisi Imperatoris ita iubentis imperio obediret,

respondit: *Æquum est, ut corpus fructibus Iaponiæ sustentatum Imperatori dem; faciat is de hoc, quod videbitur: Animam meam Deo transcribo, quem offendere nolo: & minimè æquum est id à me fieri, ut homini Regi placeam. Observa voces ultimas & animo tuo imprime: Minimè æquum est hominis gratiâ Deum offendere. Veritas Christiana est, cui tu toties contrariaris, quoties petente socio, homine quocunque, aut dæmone, Deum offendis; pietatis exercitia negligis. Propone aliud deinceps agere.*

24. S. Thomas Aquinas adhuc parvulus sæpè quærit: Quid sit Deus? datâ verò explicatione aliquâ, mirè in ejus amorem exardescit. *Spec. Jur.* Utilior hæc cupiditas sciendi est, ac nonnullorum nescio quæ scire cupientium. Quàm multa petiisti fortè scire ex condiscipulo, ex socio illo, quæ ne cogitare quidem tutò potes! stude deinceps cognitioni rerum divinarum. Si Deum nosces, Deum non offenderes. Si infernum nosces peccatum exhorresceres. Dic cum Augustino: Domine noverim me! noverim te.

Parisiis Juvenis vixerat moribus integerrimis, subitaneo eoque gravi morbo correptus terribilem agonem sustinuit, Interea horrenda, & terribili voce exclamat, O miserum me! utinam natus nunquam fuisset! paulò post ait Iustâ lance age! post aliquam moram addit

Appone

Appone aliquid de meritis Christi. Demum subjungit: Jam bene habet. Redditus sibi ajebat: Vidi, ah vidi in tremendo Dei judicio strictam adeo rationem exigi de verbis, de rebus etiam minimis; tam accuratè librari omnia, ut salutem meam impossibilem crederem. Revixi tandem per Christi merita; jam letus morior. Pædag. Tragicum expectâsti exemplum, & latum tibi proponi inquires, Studiose: Falleris: hoc ipsum, si expendis, admodum tragicum est. Adolescens omnium judiciò innocens terribilem adeo agnitionem sustinet; tremendam adeò justo Iudici rationem dare cogitur: Quid tu tibi polliceris? Ah non credis, non credis, quàm stricta de minutis omnibus reddenda sit ratio. Time, time rationem terribilem, quam reddere cogeris de tot annis male impensis; de tot Parentum sumptibus, &c. Sic vive, ut justo Iudici respondere queas.

25. Berchmannus ajebat: Quo ad Mariam diligo, de salute mea certus sum. Hujus amore indies Rosarium & Officium persolvit. Ad successum verò felicem rei alicujus impetrandum, Statuæ ejus schedulam aliquam affigit, in qua sic scripserat: Si obtinuero hoc beneficium, orabo tot Rosaria; peragam tot SS. Communiones &c. *Ex vita.* Cliens Mariæ nullus æternum perit. Sperare de salute tua optimè cogor, quamdiu Mariam à te verè diligi video. Imitare, quotidie pensum

H2

Mari;

Marianum solve. Pro successu felici rei aliqujus ad Mariam abi.

26. S. Agapitus Martyr annô ætatis decimo quintô, cum fidem ejurare nolle, igni addieitur comburendus: Carbones ignitos ipse capiti imponit dicens: Non est magnum, si caput hoc coronandum in cælis, ardeat in terris. *Ex vita.* Spe præmii animabat se ad toleranda tormenta. Tu cur longè leviora nauseas, cum idem tibi à Deo præmium sit promissum? Renova propositum laborandi pro cœlo.

27. In Polonia Adolescens quidam diutiùs ex repiditate & rerum sacrarum tædio abstinuit à Misteriis sacris; hinc mores contraxit eos, quos in ejuscemodi adolescentibus pro dolor! indies intuemur. Adest ei de nocte Custos Angelus, & manu designans locum in Tartaro, spectrîs & ignibûs horribilem, ait: Si moram adhuc facis, mox detruderis. Expergefecit hoc ljuvenem in sua socordia stertentem, atque ad frequentius suscipienda sanctissima Mysteria incitavit, unde vitam sanctiorem vivere exorsus est. *Ann. S. J.* O quoties idem tibi per inspirationes internas loquitur Angelus! exhibet damnationis periculum; designat orcum, si tardes converti ad Dominum. Tu quid agis? an eô modô obsequeris quô adolescens ille? incipe saltem hodie, & seriò convertere ad Dominum:

num: Relinque occasiones illas peccandi: Cave ullum unquam te tædium capiat sanctissimorum Myſteriorum; cave ſtatuto tempore negligas. Vox Dei eſt: Qui ſe elongant à te, peribunt.

28. Apud Panamenses Iuvenis poſt annos non paucos in ſcleribus exactos, unam de æternitate concionem amicitie cauſâ acceſſit; eâ ſic commotus eſt, ut eò adhuc momentò vitam priorem correxerit. *Lechn.* Imitare: Conciones accede non quidem amicitie, ſed ſalutis cauſâ. Una læpè ſententia fuit, quæ obſtinatiſſimos peccatorum animos emollire potuit. Cave ergo imiteris eos, qui concionibus ſe ſubducere clanculum ſolent. Vox Chriſti eſt: Qui ex Deo eſt, verba Dei audit.

29. Iuvenis quidam Perilluſtris, Viennæ, Patri Carolo Muſſart narrabat, quos jam gradus honorum eſſet aſſecutus, & quos adhuc ſperaret. P. Carolus poſt narratos ſingulos aiebat: Et poſtea quid? deinde quid? in fine demum ſubjunxit: Denique mors, mors demum ſequetur. Hac voce, & mortis meditatione in alium à ſe converſus Iuvenis terrena omnia valere juſſit; eò ſe contulit, ubi certiùs honores perpetuos daretur obtinere. *Ann. S. J.* Mori memento. Cogita: Poſt hæc quid? poſt gaudia tua; poſt otia; poſt dies & annos genio datos quid? quid ſequetur?

sequetur? Mors. Hæc te saniora docebit
consilia: hæc ad vitam sanctam impellet: hæc
in ea te conservabit. Conservavit præter
innumeros Liffardum quendam. Is vitam
sanctiorem pertæsus, reditum meditabatur ad
sæculum. Noctu visus ei est Angelus; sur-
gere eum iussit, & se præeuntem sequi: du-
cebatur ab Angelo ad cœmiterium, & ca-
daver unum ex alio intueri jubebatur. O-
stensio unò recenter sepultò agebat Angelus:
Vides hunc hominem? citò talis eris. Cum-
que ad alia rursus cadavera ducere Liffar-
dum vellet, reposuit iste: Parce mihi Domi-
ne, parce; non enim possum illa videre.
Cui Angelus: Si non potes hoc, quod ci-
tò eris, videre, cur vis de portu salutis re-
cedere; si vis, ut parcam tibi, promitte mi-
hi, quod non recedes ab hoc loco. Promisit
illicò, & fervore novo vitam sanctam in-
choavit, neque ab ea unquam destitit. Me-
mento mori. Fortè in propinquo est mors?
cur vitam sanctè coeptam deseris?

30. Berchmannus quæsitus in morte, an
rationes suas sic composuerit, ut mortem
non timeat: Respondit: Si tempus in mea
potestate esset, per aliquot dies facerem e-
xercitia; si autem hoc non daretur, tamen
libenter morerer. Quæsitus, an nullâ re
angatur, nullius peccati sit memor? reposuit:
Paratus sum mori. Ex vita. Felicem te,
fatales

si tales esse possint tuæ in mortis articulo
voces, ut esse possint. Compose tuas cum
Deo rationes per confessionem generalem,
dein per quotidianum examen, & confes-
siones ordinarias serias. Uti solum peccatum
in morte angit, ita solum solatio est consci-
entia emundata. Huic ergo stude.

31. Guilielmus Adolefcens in Aquitania
gravem morbum contraxerat, quem patien-
tissimè toleravit. Die quodam duo Angeli,
Tutelarîs alter, alter Sodalitatis eum invise-
bant sic dicentes: Guilielme, bono animo
esto. A Deo & Dei Matre missi sumus, ut
tibi morienti solatio simus. Placuit Deo in-
tegritas tua & exacta legum observantia,
præcipuè circa accuratam SS. Mysteriorum
inceptionem. Animam tuam Sabbatho pro-
ximò cælis inferemus. Narravit hæc Iu-
venis, & statuto die lætus obiit. *Man. Sod.* Ec-
ce remuneratur B. Virgo exactam legum
observantiam, & integritatem; hanc cole,
& B. Virginis favorem certò tibi conciliabis.
O quæ felicitas tua in morte, si à B. Vir-
gine tale tibi concederetur solatium. Vivit
adhuc eadem clemens Mater; invoca eam.

*Orentius Iuvenis festo S. Thecla è templo re-
dux, dum Ecclesia ceremonias aliaque similia
predicari ab aliis audit; ipse; Mihi verò, aje-
bat, una mihi res perplacuit; una oculos meos
rapuit ut ceteris in templo omnibus omis-
sis huc*

Solum cogitationes meas dirigerem; rogabam etiam S. Theclam, ut huius unius venustate frui mihi liceret. Nefandas & audiendas in orco preces! abiit dies inter jocos turpes & potationes, somnò & vinò graves cubitum discunt impii. Orentio dormienti objicitur species S. Thecla aureo Throno confidentis, & munera cultoribus largientis: quæ demum & Orentii precibus se condescensuram agebat, & donum flagitatum impertituram. Nec mora: Obiicitur spurca puella in templo visa forma; Orentius sui vix compos ruit in amplexus, osculatur furiam. Sed ecce Venus ista in horrificam subitò Harpyiam versa, in Orentium metu attonitum involat, cutem à capite ad calcem diripit, tanto cubiculum foetore implet, ut alii ibidem dormientes tantum non exanimarentur. Orta luce excoriatum suoinnatans sanguini cadaver reppererunt. Quo aspectu, & similis sibi impendentis supplicii metu perculsi, vitam impiam detestantes, crepère sanctiorem. Pexens Varia habet, quæ discas. 1. Accedere ades sacras non ad colendam Dei majestatem, sed pascendos protervè in spurca forma oculos, & quàm abominandum, quot tartaris dignum! qui templum Dei violaverit, disperdet illum Dominus: Templum accede precum studio, non alio ex fine; alias va anima tua! in templo oculos non forma diabolica, sed Deus solus habeat in se defixos; aut certe modeste compositos tene. 2. Momentaneam

Quid quæris, aut quid vis discere à nobis? Parati sumus magis mori, quàm patrias Dei Leges prævaricari. Verbis fidem fecit mors maximò animò tolerata. *Ex L. Mach.* Non desunt tentationes ad violationem legum. Audiatur ex te vox illa: Paratus sum potiùs mori, quàm hanc Dei, hanc Sodalitatis legem prævaricari. Sed verbis facta respondeant.

2. Sodalis Halensis ubi tentari se à dæmone advertit, reposuit: Cor à me petis dæmon? non illud ultra habeo: jam Deo meo consecravi. Alius Landishuti sic aiebat tentatus: Iuravi, ô Domina, me nunquam te derelicturum, aut contra te aliquid facturum quomodo ergo hoc facinus audeam? Aliis nihil frequentius fuit, quàm repetitâ sæpe Marianâ formulâ, aut renovatò Castitatis votò, aut Sodalis Mariani nomine velut scutò, tela nequissima à se arcere. *Flor. Mar.* Ecce varios tentationes excutiendi modos. Hos amplectere; gratiam addet Divina bonitas. Elige, quò præcipuè modò posthac uti velis.

3. B. Stanislaus mirâ prorsus devotione & fervore preces persolvit. Facies orantis ignita plerumque & æstuans apparebat. Eousque verò orationem produxit sæpiùs, donec vires animum deficerent. Attentio pariter arctissima erat; quippe ne vel momentulum temporis

poris distractiones sibi rapiebant. Idem profus de Beato Aloysio legitur, quī gravius sibi esse ajebat mentem à Deo avocare, quàm hanc eitenere affixam. *Ex vita* Rara profectò privilegia cælitus concessa. Tu tempus Orationis lætò & alacrī animò amplectere: tædium & distractiones excute: Re-verentiæ exterioris memento.

4. Adolescens quidam vitæ liberioris ob neglectas Sodalitii leges frustra monitus, Sodalitate ejectus, magnīs ad Tartara passibūs properabat. Nocte quadā ut conscientiae stimulos placaret, cujus nescio turpis libelli lectione animum divertere quærebat. Sed ecce tibi! fragore subito concuti ostium conclavis & recludi, intrare gigantea mulier vultu horrido, hispido habitu, manibūs pedibūsque in ungues desinentibus. Furiam diceres avernalem. Hīante interim, tremente, ac cœlitum Reginam inclamante juvene, sic Furia illa: Frustra est: frustra eam appellas, à qua, ubi Sodalitium deseruisti, vicissim desertus es, meæque potestati traditus. Meministi neglecta Sacramenta? contemptas Leges Marianas? Spreta monita? impiorum confortia? pudorem profligatum? ob hæc & alia scelera potestati meæ es traditus, rapiendus jam ad inferos. Dixit, & ungues exeruit fatale monstrum, in miserum irruit. Repetit ille, & qua voce potest, exclamat:

Hô

Sancta

Sancta Maria Mater Dei & Virgo, ego te in Dominam in Patronam eligo. Et vide Virginis clementiam! Adest illa, vultu quidem velata; jubet bono animo esse, Confessionem seriam parare, Sodalitati se reddere, vitam emendare. Obsecutus in omnibus adolescens vitam deinceps egit longè sanctissimam. *Hort. Mar.* Mariam si deseris, à Maria vicissim desertus es. Sed quid est à Maria deferi? quò ibis à Maria desertus? An non eadem tibi in morte scelera 'dæmon objiciet? quo tuo metu? jam fuge, ne objicere possit. Specialem experitur favorem juvenis hic: tu sperare disce, sed non præsumere. Favorem Marianum cupis? Age quod Maria juvenem hunc monuit.

5. S. Iacobus, quem Intercisum vocant, cùm Christi fidem deferere recusaret, jussu Isdegerdis Tyranni membratim concisus est. Terribile hoc supplicium, futuræ gloriæ spes certissima consolabatur. Sic enim membra sua Heros inclytus alloquebatur: Ite, ite membra; tolerate dolores pro Dei gloria: erit, cum recipiam vos mirabili splendore decorata. *Ex vita.* Res est, quæ animare te in quovis tædio & labore possit, futuræ gloriæ memoria. Manus tuæ, pedes, oculi, si Divino cultui consecrentur, fulgebunt luce mirabili in perpetuas æternitates. Ne pigeat igitur ea, in oratione, in studiis, in templo
ad Dei

ad Dei gloriam impendere.

6. S. Trudo liberio rem sociorum vitam liberrimâ voce arguebat. Idem egit S. Fredericus, præsertim si quem in æde sacra ridentem conspexit aut indecorè fabulantem. Uterque Dei offensam impedire laboravit, neque aliorum dicteria aut risus curabat. *Spec. Juv.* Scilicet, Deum amanti res intolerabilis est videre offensas Dei optimi, & tacere. Quantum subinde una amici mortis prodesse posset! quot peccata impedire! si carpere & monere refugis, defer ad eum, qui ad id ex officio tenetur. Nosti hoc aut illud inter condiscipulos tuos flagitium: audis sermones pudori inimicos: scis conventicula pericula? Taces? serpet flagitium; lues pestifera totum fortè Gymnasium corripit, antèquàm Præsidi innotescat. Quid respondebis Deo, tu tot scelerum per reticentiam maledictam reus? An dices, cur aliorum odia mihi concitem? quid ad me? studiose: Qui Deum amat, is nullius hominis odium, quin nec ipsam mortem in Dei causa, formidat. Vel ipsam mortem lætus obibo (dicebat Sodalis quidam à suis ægrè plagis acceptus, quòd condiscipulorum quorundam flagitia ei, cui debebat, aperuisset) si peccatum vel unicum impedire, sic mihi liceat.

Spira in Germania seculo priore Iuvenis nati
miò

miò auri studiò & amore accensus nuptias cum Heterodoxa parabat. Iter ad consilium impium erat, tepor in susceptione SS. Sacramentorum & cultu B. Virginis. Monetur miser: intentantur mine. Non movetur. Aurum excacaverat miserum & vita, quam jucundissimam speraverat. Verùm delusit spes concepta juvenem infelicem. Vix etenim voti impii compos factus, repentinò morbò prostrernitur, atque intra tri-duum contabescens, nullò datò poenitentia signò miserrimè expirat. Ann. S. I. Non impunè contemnitur Deus. Aurum pro fide & pietate erat juveni caco: ergo pietatem & fidem perdidit: aurò acquisitò frui non potuit. Sors misera hominis Deum quocunque demum proposito bono deserentis! An non deseris & tu? si peccas graviter, Deum deseris. Et quantilli spe boni deseris? Tacet jam Deus, quia patiens est; erit, cum puniet, quia iudex justissimus est.

7. Chilensis Sodalis non antè S. Communionem accedere solitus fuit, quam post di-uturnum jejunium, noctemque orando traductam. B. Aloysius post susceptam S. Eu-charistiam à fratre è templo per famulum evocabatur: at ille nonnisi elapsis duabùs horis oblectus est, dicens: Deum propter homines deferendum non esse. *Ex vita & Ann. S. J.* Habes quæ ante & post S. Communionem imiteris. Quò major præparatio, eò uberior gratia. Noli mirari, si post tot
SS. Commu-

SS. Communiones exiguam advertis morū emendationem. Præparatio tua qualis sit, vide. Conare deinceps esse ferventissimam. Opus grande est, neque enim homini præparatur habitatio, sed Deo. Post S. Eucharistiam susceptam, fac congruum semper tempus impendatur. O quàm acerbis digna lacrymīs eorum hominum cæcitas est, qui nobile adeo tempus in suum commodum adhibere non sciunt! Statue hīc, quod animæ tuæ utile est, & in crastina S. Communionē opere ipso exhibere incipe. Fructus respondebit æternus.

8. Berchmannus in tentatione ad B. Virginem recurrens aiebat: Ne me deseras, ô Maria, ne me fallas. Filius tuus sum: Tu scis quia juravi. Item: Testor me velle vincere & mori ut verum Mariæ filium. *Ex vita.* Nata est hodie Maria Virgo. Nascatur in te novus in ejus honore & amore fervor. Eam tu velut Matrem venerari statue. In quo verò te filium ostendes? In eo certè, si quæ filius Matri debet, eidem exhibeas. Filius Matri debet reverentiā, amorem, obedientiā. Reverere, ama Mariam: obedi voci ejus: eam non offende. Divinum oraculum est: Maledictus, qui exasperat Matrem suam. Illud etiam nota: In tentatione memore esto, quid B. Virgini toties promiseris; scilicet: nihil te dicturum aut facturum contra B.
Virginem.

Virginem. Hujus memor, tentationi fortiter resiste.

9. S. Edmundus Castitatem votô promissam conservaturus, præter constantem B. Virginis cultum hæc adhibuisse legitur media: 1. Mulierum consortia, multò magis munera ab illis fortè submissa velut pestiferas quasdam incantationes averfabatur. 2. Abstinentiæ prorsus mirabili, & quidem à puero studuit; quâ non modò delicata quævis respuebat, sed pane, sæpe solo & aquâ vivebat. 3. Mortificationis diu noctuque memor fuit, ubi ubi demum sese offerebat occasio. *Ex vita.* Castitatem Angelicam servare velle, & similia velut dura nimium aut incongrua rejicere, insanire est. *Examina* hodie quid tu pro defensione virtutis hujus præclarissimæ agas? quid deinceps agere velis?

10. Patroclus, Adolescens quidam à proposito vitæ sanctioris consilio per oblatas mundi vanitates avocari sensim se permiserat. Cum ecce ab Angelo Custode ei in somnis exhibentur innumera salutis pericula, gravissima beatitudinis impedimenta, quæ in sæculo occurrerent. Vix ista conspexerat, & alium planè se sensit. Evanuit omnis mundi amor: revixit propositum primum: mundo valedixit; salutem in sanctiore statu quæsit & reperit. *Lechn.* Tuum est in electione

lectione statûs salutem & ejus pericula æquẽ
ac media attendere. Non eligendus est status
qui magis arridet vel tuo, vel parentum ge-
nio; sed ubi salutem tuam securiùs operari
te posse existimas: Si divina bonitas è Sodo-
ma sæculi hujus exire te jubet, tu verò mi-
seris ejusdem illecebrâ inescatus, vocanti Deo
morem non geris: Væ animæ tuæ! miseræ
sunt illecebræ, ubi tot pereundi pericula.
Finem specta, salutem tuam; hæc quod ju-
bet, exequere,

II. B. Aloysius consuetâ dum volebat,
mortificatione non contentus, morti proxi-
mus flagellum adhuc petiit, quo in se ani-
madverteret. Quæsitus verò, an non ange-
retur, quòd vitam suam nimis mortificati-
onibus abbreviasset, reposuit: Nullatenus an-
gor. *Ex vita.* Non angeris & tu in morte,
sed ingens hauries solatium, si recordari po-
teris mortificationum licet levium in cibo,
potu, somno aliisque rebus susceptarum. An
verò solatiolum hausturus sis recogitanste-
cum gaudiola & commoditates, quibus non
sine Dei offensa jam frueris, tumetipse ju-
dica. Non memini legere fuisse aliquem,
qui in morte solatium ex otio? ex illicitis
confortiis, ex divinorum incuria senserit.
Hoc legi, fuisse, qui morti proximus sic
condiscipulos suos allocutus est, & Deum:
O mi Deus, quare neglexi? quare tot con-
cessos

cessos mihi dies vanis locutionibus impendi?
cur meipsum neglexi? O vos omnes, qui a-
destis, qui florem juventutis adhuc & tem-
pus habetis, me respicite, meoque periculo
& damnò sapite. Ita iste è lecto velut cathedra
ad suos loquebatur teste Cæsario. Altum hæc
tibi imprime, & ne eadem deplorare cogar-
is, Aloysium jam sequere: pro hora mortis
solicitus, nulla horre aspera; nulla difficilia
in Dei obsequio occursura.

12 S. Antonius postea Patriarcha de re-
bus Divinis libentissimè loquebatur cum su-
is. Hauserat ex lectione spiritali axiomata
quædam sacra quæ sociis frequenter ingere-
bat: qualia erant hæc: Nihil magnum nisi
quod ad immortalem gloriam ducit. Ber-
chmannus sic cum suis convenerat, ut de
rebus sacris loquerentur, narrando exempla,
quæ è lectione sacra hauserant. *Ex vita.*
Hæc scilicet loquela Sanctorum est: hanc
disce. Turpiloquium & omnis immunditia
ne nominetur in vobis, ait Paulus.

*Sæculo priore Iuvenis quidam puellam quan-
dam insanè deperibat, quam cum ratione nul-
lâ ad Dei offensam posset impellere; Necroman-
ticum hominem accedit, pecuniam ei offert, si
cupiditatis nefanda explenda occasionem procu-
raret. Ille juvenem circulo per pavementum
ducto includit, severè imperans, ne suo injus-
su aut manum inde emoveret. Mox ad stygias
adjurati;*

adjurationes conversus varia oculis spectra exhibet. Tandem ipsa persona imago representatur. Juvenis scelerato æstu victus, præcepti immemor, manus in amplexum expandit. Nec mora; à dæmone arreptus parieti alliditur, fluentæque cerebro exanimis raptatur ad Tártara; æternas imaginaria voluptatis pœnas daturus. Nonelli. O momentum quod recreat! ô æternum, quod cruciat! ô verè paululum mellis, quod gustare voluit improvidus, & æternum perit. Disce quid sit cogitatione etiam unicâ Deum offendere. Una cogitatio, desiderium unum turpe, te deturbare ad stygem potest. Ah expavesce, & occurrentes animo cogitationes periculosas illicò expelle. Vivit adhuc iustus ille & terribilis Deus, qui eâ ipsâ quâ peccatum paras horâ, æternis te potest adjudicare suppliciis. Time! cave!

13. Nobilis in Belgio Adolescens parente mortuo opes omnes decoxerat. Ergo patriâ egreditur: Villicum comitem assumit, hominem impium. Quærebat hic ex juvene, an opes recuperare vellet? & annuentem ad nemus de nocte adducit, sistit dæmoni ut famulum recens auctorandum. Dæmon vim auri ingentem promittit, si Deum ejuraret juvenis. Obsequitur miser. Instat dæmon, ut & Mariam ejuret. Tum enimverò exhorruit, idque se facturum negavit dicens: Potius ostiatim stipem mendicabo, quàm Mariam

Mariam ejurem. Hæc ubi protulit, IESU & Mariæ nomina inclamans, dæmonis infidias evasit. Postridie ad B. Virginem confugiens, errorem acerbè deplorans, per eam mirabiliter divino Iudici denuò conciliatus est. *Fusè. Hort. Mar.* Ejuras Mariam, quoties peccas graviter: & tamen facilis adeò es in re horrida? Agnosce & detestare scelus, & novum concipe pro futuris feriis propositum: Potiùs stipem mendicabo, potiùs omnia agam & patiar, quàm Mariam ejurè; quàm hanc, vel filium ejus offendam. Confians etiam esto in persolvendis iis, quæ magnæ Matris honori offerre soles indies. Infelicem cense diem illum, quò Mariam non colis.

14. Emmanuel Goensis Sodalit, à Saracenis captus, ad fidem deferendam sollicitabatur: Hic verò: Potiùs, ajebat, omne supplicii genus subiturus sum, quàm IESUM & Mariam negem vel deferam. Neque generosiùs dixit, quàm fecit. Mortem acerbissimam æquissimò animò toleravit. *Pexenf.* Et quando similem ex te vocem audiet Custos Angelus tuus? quando simile spectabit constantiæ exemplum? Non tibi admoventur gladii, non intentantur supplicia, ut Deum, ut B. Virginem deferas & offendas. Levis tentatio est, leve tædium; horror difficultatis; amor commoditatis, &c. & Deum, & B. Virginem

Virginem deseris, proposita toties facta violas, peccata repetis. Hicne tuus in B. Virginem amor? surgat tandem in animo tuo fervor imitandi gloriosos adeò prædecessores tuos Sodales. Statue hodie constantiam in pietate, in studiis, &c.

15. B. Aloysius hoc fecit servavitque propositum: Nunquam eò inducar, ut amore Patris, Deum offendam: potius cum Patris inimicitia in exilio per orbem vagabor, quàm in re minima à Dei voluntate discedam. *Ex vita.* Quam tu de Dei amicitia æstimationem habes? ostende hoc, dum invitaris à fociis ad loca illicita; ad peccatum. Non dubita eos offendere, illis displicere, ne Deo displiceas. Nihil age in gratiam hominis, quo Deum offendas. Quid enim proderit tibi totius mundi favor, si favorem Dei perdideris. Hoc solum à te rogo, agebat Sodalitis quidam moriens, ne tuus hostis fiam, ô Deus! & ne projicias me à facie tua.

16. Crispus Constantini Magni Filius, raræ venustatis & fortitudinis, rarioris innocentiae adolescens erat. Novercam habuit Faustam. Hæc scelesto amore accensa nil tale suspicantem Crispum ad diabolicum flagitium pellicere ausa est. Exhorruit castitas Crispi ad petittum impudens, animqûe generosô & preces Faustæ, & minas conculcans, fugâ sibi consuluit. Faustâ amore in
odium

odium verso, innocentem Crispum sceleris gravissimi apud Constantinum accusat; à quo non auditus, oblatô in cibis venenô trucidari jussus est. Mortuus est innocens, mori malens, quàm turpi adeò scelere se obstringere. Innocentia ejus ab ipsa Fausta orbi manifestata, æternùm honoratur in cœlis, *Pexenf.* Non absquē causa toties generosa scelerum fuga inculcatur. Peccatum fuge, & salus tua in tuto est. Heroô opus est animô, dum tentatio occurrit. Nec preces hic, nec minæ curandæ. Cœlum respice; illic æterna generoso animo merces paratur. Quid prodesset Crispo, si peccato olim consentiens, jam hæreret inter inferos? idem tibi proderit.

17. Theodorus postea Siceorum Archimandrita, adhuc puer, viri cujusdam sanctitatis famâ illustris Stephani, virtutes, præcipuè mirabilem inter cibos delicatissimos abstinentiam imitari studuit; attentô semper oculô eum observans. Multis ideò favoribus à S. Georgio ad constantiam animatus legitur. *Spec. luv.* Placet Sanctis eorum imitatio: Huic stude, & majores Sanctorum favores in necessitatibus tuis experieris. Attende etiam pia Studiosorum tecum viventium exempla, & ea æmulare; aut certè proposita indies documenta amplectere.

18. Anonymus inscio Patre cœnobium ingressus

ingressus monebatur per literas, ad patrias
ædes ut rediret. Gaudia & libertatem pro-
mittenti Patri sic filius sapiens respondit:
Legem moriendi è patria nostra tolle, ô
Pater, & revertar illicò: hanc si non tollis,
ignosce, si ad mortem me paraturus in cœ-
nobio remaneam. *Drexel.* Memoria mortis
sanctiorem vitam persuasit: Hæc nauseam
terrenorum iniecit. Moriendum est & tibi.
Quæ tua est præparatio? an felicem tibi
hac ratione mortem promittis? Examina
hodie, quid in morte egisse optares, & hoc
age. Suasit S. Ignatius deliberaturo, ut eum
statum eligat, quem moriens electum à se
optaret. Sequere monitum S. Patris.

*Tragicum revera Societatis maledicta fructum
vidit Gracium in Styria. Adolescens castissima
primùm vite, unius improbi consortiò eò pau-
latim deductus est, ut demoni se certis legibus
devoveret. Devovit se; plurimûs in sceleratis-
sima vita annis perseveravit. Nihil frequentia
in scholis monita, confessiones & communiones
in templis, nihil Dei mina obstinatissimum ju-
venis animum fledebant. Comprehensus deni-
que à Magistratu seculari, morti adjudicatus est.
Felix in eo, quod ad hanc, quantum quidem
judicari poterat, sollicitè se disposuerit. Mortuus
ergo est inter manus carnificis, qui etate pri-
mâ exemplar omnium erat & gaudium. Ann.
S. I. Ah infelix aq; & frequens mutatio!
Scelerata*

Scelerata societas ô quoties ex Angelo Sathanam efficit! Actum est de pietate tua, de salute, si hac in re tibi non caves. Studiose, huc curas omnes converte, salvari si cupis. Detestare, consortia quaecunque suspecta: alias te paulò post intruens lugebis subito mutatum ab eo què eras; id est ex innocente factum nacentem, ex Angelo Dæmonem. Neque enim scelus adeò dictu cogitatuve horrificum est, quod admittere horreat seductus juvenis.

19. Friburgensis Sodalis admissio scelere quodam terrificis conscientiae stimulis agitata, quò se verteret ignorabat. Urbem deferere statuit; viam aggreditur, ad silvam pervenit. Adest Dæmon virum senem mentitus, comitem se jungit: Causam viæ inquirat; multa, si sequi vellet, promittit; contemptim de usu Rosarii & cultu B. Virginis loquitur; verbò, quis esset, apertè nimium manifestat. Majore percussus horrore fugam parat juvenis, nec nisi Sanctis nominibus inelamatis invisum comitem à se abegit. Tum in se regressus inspirationi internæ obtemperans pudorem vincit, peccatum in confessione exponit, optatam illicò quietem consecutus. *Flor. Mar.* Frustra est, si conscientiae turbulentæ aliud quàm à confessione remedium quæras. Peccasti? ejice quamprimum ex anima hostem tartareum. Præstat modicam subire molestiam, quàm continuis

tinuís conscientiæ stimulis agitari in vita;
æternum torqueri post vitam.

20. S. Elzearius sic semetipsum allocutus
legitur: Mariæ cliens sum, ergo malè pe-
rire, aut cœlo excidere non possum. *Ex vita.*
Idem tibi promitte, si verè cliens Mariæ es.
Verus cliens Mariæ, Mariam non offendit:
omnia ei displicentia removet. Quid tu?
An perges Mariam offendere peccato hoc?
hac consuetudine pravâ? Cliens Mariæ non
es, malè, itaque salutis tuæ metuo: Nisi hodie
incipias te clientem tantæ Virginis exhibere.

21. Aletinus quidam Sodalis post exactam
cum singulari laude pueritiam, mores planè
aliòs Sociorum scelere seductus, induit. Ibat
jam per scelera præceps; cum nocte quadã
semisopito terribile apparet monstrum, æ-
thiopem referens: Hoc unguis jamjam e-
xerere, involare in miserum, faucesque ei
elidere videbatur. Non habens unde opem
peteret, infelix juvenis Virginem à se deser-
tam invocat. Apparet hæc ei, timoremque
simul & spem his vocibus ingerit: Mox cru-
entis æthiopis manus senties, nisi ad pristi-
num vitæ genus revertaris. Revertere! Con-
fite! reversus est postea, & præsentis per-
cussus timore periculi, vitam vivere cœpit
eam, quæ B. Virginis opem certius pro-
mitteret. *Sod. Parth.* Vides amorem B. Vir-
ginis? vides & minas, An non his ipsis te
I vocibus

vocibus compellat: Pœna imminet: Imminent Tartara! convertere serio. Age pœnitentiam! esto constans! Deus non irridetur! mutanda est vita: Sic ad cœlum non itur. Sensisti tales in animo voces: cujus erant? Matris clementissimæ. Non vult illa interitum tuum: non vult mortem tuam. Convertere ergo exemplô Sodalis hujus, & posthac Deo vive & animæ tuæ.

22. S. Bernardus adhuc adolescens ab impiis quibusdam ad scelestâ tentatus, voce maximâ exclamat: Latrones! latrones! & sic clamans, eos in fugam conjecit. *Ex vita*, Latrones sunt, qui insidiantur Castitati tuæ: latrones, qui ad illicita invitant: latrones sunt, licet intimos se amicos nuncupent, vitam tibi rapiunt, & innocentiam. Fuge illos. B. Stanislaus eos, quos prôprios ad impia advertit, non secus ac pestem devitabat. Edmundus idem fecit, recessit à sociis suis, & tum temporis à Christo Domino visitari meritus est, & instrui. B. Aloysius piis solum associari voluit. S. Hermenegildus mori maluit non susceptâ etiam SS. Eucharistiâ, quàm cum Ariano impio habere commercium. *Ex Vita*, Declina ab illis, qui animæ nocere possunt: eorum aucupare Societatem, qui bono exemplo sunt cæteris.

23. Neoburgensis Sodalis audiens peccari posse turpia audiendo, de consilio Confessorii sui

rii sui votum fecit fugiendi auditionem sermonum turpium. Cum verò postea in socios inhonesti effutientes incideret, spreto aliorum risu aures digitis occludit, fugit è cubiculo. Eustadianus similes sermones & à Patre quidem audire coactus in convivio, cum monita nihil prodesse, relicto prandio discessit: Patrem etiam objurgare ausus erat, quòd effronter adeò loqui non erubesceret. Excanduit Pater, & manum ad infligendum colaphum extendit, filius mox & alteram maxillam præbet, addens, se Dei Castitatisque tuendæ gratiâ non verbera solû, sed & vulnera ferre paratum. Quò dicto Pater manum retraxit, veniam erroris à Deo & filio petiit. *Flor. Mar.* Rideant, qui volunt: tu ubi sermones tales audieris, aut severe increpa, aut fugam arripe. Periclitatur Castitas, si liber pateat sermonibus per aures accessus. Una sæpe vox inconsideratè audita, innumerarum tentationum, ipsiusque postea interitus causa fuit. Fuge.

24. B. Aloysius licet ab omni graviore labe purissimus semper vixerit, in innocens tamen & tenellum corpus suum flagellis cilicis ad cruorem usque adeò defæviit; ter saltem septimanis singulis; ut fidem legentium audientiumque superet. Monitus à matre, modum ut poneret crudelitati immaturæ, respondit Angelus: Permitte Mater,
12
ter,

ter, ut tantillô impendiô noxas meas redimam. Oratio flagellantis hæc erat: Domine Iesu pro me ad columnâ plagis concise, offero tibi hoc suppliciolum meum, rogo. que per sanguinem tuum, ut des mihi gratiam ad vitandas offensas tuas, &c. *Ex visa.* Quis animus tuus? Non stipes tantum in puero animum? non erubescis ad has Angeli voces? innocens erat: labeculas minimas tanto rigore expiabat. Tu majorum scele- rum reus quid agis? nihil, & tamen idem cœlum desideras, quod Aloysius? si tibi flagelli usum suaderem, quid diceres? sanè aut Iuventus nostra insanit, aut insanivit Aloy- sius cum sanctis aliis Adolescentibus, qui mortificationes ejuscemodi sibi omni tem- pore familiares habuere.

Adolescens peccatis turpissimis assueverat, sæpe eadem confessus; sæpe in eadem relapsus fuit. Confessarius post frequentes monitiones vi- se quadam verbis, quibus poterat, efficacissimis, persuadere conabatur misero, ut tandem conatu serio in peccati extirpationem incumberet. Au- diit adolescens, & dubitò intimè suspiriò; Pater, aiebat, quid diutiùs dissimulem? dicam paucis: Non possum me emendare: non possum hoc pec- cato abstinere. Consuetudo altas nimium egit radices. Actum est. Territus hac voce Confes- sarius nihil non egit, ut vel terrore vel spe, mi- serum à mente hac abduceret. Sed frustra egit.
semper

semper enim reposuit: Pater, si vel apertos hic inferos viderem, meo tamen peccato abstinere non possem. Quo dicto sine Absolutione dimissus, in peccatis perrexit liberè, mortuus miserimè. Segneri. O consuetudo quid es? quanta vis tua? Studiose mi, exhorresce, & dum parva est consuetudo mala, fac ut eam extirpes: quò eam fovebis diutius, tantò eradicabis difficilius; & demum (quod avertat Deus) orco inferes. Extirpari potest iam, si seriò velis. Fac quod Sodalis ille, qui indies manè propositum non admittendi certum peccatum renovavit, vespere severam sibi ipsi poenitentiam injunxit, si errorem admissum per diem advertit: hoc fac, & vincetur consuetudo.

25. B. Aloysius diem Nativitatis suæ singulis annis festum habebat: eum singulari fervore expendebat, gratias Deo & Patronis tutelaribus persolvendo pro beneficiis à primo vitæ momento concessis. *Ex vita.* Imitare. Diem Nativitatis, diem Nominis tui speciali devotione celebra, si potes, sacram Communionem perage: gratias Deo age pro beneficio Baptismi, & aliis pertot annos concessis gratiis. Item gratias age Angelo tuo Tutelari, & Patrono nominis tui: renova fervorem in servitio Divino: renova devotiones tuas: totum Deo te consecra.

26. Juvenis Polonus cæco in peccata maxima impetu ferebatur: sæpe agnitio salutis

periculō, meliora proposuit; sæpe proposita deseruit. Nocte quadam sensit in somno corpus suum verberibūs acerrimè castigari, his minīs additis: Infelix quando tandem te corriges? Resipisce, aut pœna imminet. Relictæ in carne vibices & dolor, non inania fuisse somnia docuerunt. Resipuit ad hæc juvenis, & constans permansit. *Sod. Parth.* Displicet Deo inconstantia. Quoties promittis meliora? quoties peccata repetis? an non easdem sæpe in animo voces percepisti? Infelix quando tandem te corriges? Imitare resipiscentem Juvenem: peccata detestare: constans persiste.

27. Berchmannus moriens tria hæc commendabat: 1. Amorem erga B. Virginem. 2. Orationem devotam & assiduam. 3. Levis etiam peccati fugam. Cordubæ Sodalis moriturus adstantes suos amplectens, eos obtestabatur, ne ullō peccatō se obstringerent, sanctissima mysteria sæpe & devotè obirent. *Ex vita. & Ann S. 1.* Hæc eadem ego à te sub anni finem peto & obtestor: hæc tu aliis commenda, hæc fac, & vives.

28. Memoratu dignissima est Iuvenis cujusdam, quem Nicetam vocant, pro castitate pugna & victoria: lubente Decio Tyranno in hortum amœnissimum ductus fuerat, nec non lectulo suavissimo plumas inter & rosas impositus. Ne verò vim diabolicam
excutere

excutere posset, manibûs juxta ac pedibûs ligabatur. Sed Heroum animum quis ligare poterat? Accessit propudiosa mulier, quibûs poterat blanditiis ad flagitium invitavit. Nicetas non habens, quô pugnare posset, inauditô ad eum diem exemplô linguam sibi præmordet, præmorsam in impudentis faciem evomit, ruboremque ei incutit, & consiliû sceleratum excutit. *Drexel.* Dignum cœlo spectaculum, Iuvenis pro Castitate decertans. Nunquam arma desunt castitati. Hanc si impugnari hîs feriis aut alio quovis tempore senties, vires omnes & robur collige: pugna fortiter: certa viriliter. Est in cœlo Deus, qui coronâ Victori parat immarcescibilē.

29. S. Antoninus, Archiepiscopus deinde factus, adhuc puer singulari affectu S. Michælem prosecutus est: ad ejus templum indies accedens multas ejus honori preces persolvit. Similem devotionem S. Bonaventura, S. Franciscus, alique Sancti habuerunt. *Ex vita.* Imitare. Patronus morientium est Sanctus hic Archangelus: eum invoca: sæpe repete illas Ecclesiæ preces. Sancte Archangele Michæel, defende nos in prælio, ut non pereamus in tremendo judicio.

30. Carolus S. Brigittæ filius à matre Sanctè educatus, præcipuè in cultu B. Virginis sollicitè instructus, immaturô fatô obiit. Mater de filii statu sollicita B. Virgini suppli-

cat, ut indicaretur filii in orbe altero conditio. Adest S. Brigittæ Maria Virgo, & de filii felicitate securam fecit, affirmans se morienti adstitisse, & contra dæmonem defendisse. Objecit etiam speciem aliquam iudicii divini, cujus clausula, hæc iudicis vox erat: hic Meus Matrisque meæ Servus æternum vivat. *Pexens.* Defendit Maria Carolum morientem; sed cur? rationem ipsa hanc dedit: quia Carolus adeo B. Virginem amabat, ut diceret, malle se æternis ignibus torqueri, quam committere, ut aliquid de honore Virginis demeretur. Imitare devotionem hanc, ut B. Virginem habeas in morte propitiam.

*In urbe Lubricensi Adolescens impuro puella
eiusdam amore tenebatur; ab hoc nec iactura
rei domestica, nec monita parentum, nec Dei
timor, eum poterat avocare. Consumptâ hereditate,
mater patre defuncto miseriam ejus videns,
pecuniam novam suppeditabat pro vita
sustentanda; serio monens abstinere tandem
opes suas in fœdas adeo res effundere; nihil se
deinceps suppeditaturam; licet moriendum ei etiâ
foret. Nihil hoc moratus impius, profusus de-
nuo opibus, novas à matre vi extorquere labo-
rabat, stricto eam ense petere non veritus:
Quod facinus ubi Magistratui publico innotuit,
infamiam intentabat & supplicium. Neque sic
motus, ut viveret liberius, lupanar publicum
petiit,*

petiit, ibi vitam cum dilecta sibi furia acturus.
Et egit sanè, sed miseram, pauperemque adeò,
ut ipse vitam exosus, mortem sibi inferre de-
creverit. Cultrum ergo è culina rapit, abit in
hortum, vestes dissuit, nudat pectus & tento
ad ligneam horti maceriam sine manubrii, ne
scilicet vi ruina cederet, tanto impetu se in
cultelli aciem agit, ut firmissimo pectoris osse
transfosso, ferrum ipsam dorsi spinam violaret.
Hoc saucius vulnere corruit in terram, profluum
verò cruorem cernens immani furore agebatur,
quòd nec sic invisum spiritum posset emovere.
Hinc cultrum in pectore defixum, huc illuc agi-
tare, lacerare viscera, & sic impium tandem
exturbare spiritum. Ann. S. I. Possibile est,
ut eò usque juvenis benè educati audacia deve-
niat, mortem adeò terribilem sibimet ipsi con-
sciscere? O studiose, eò res delabatur, si vel io-
ni passioni indomita non eatur obviam; si non
extirpetur, dum potest. Caca est passio quævis,
nec cælum videt, nec inferos. An talis in te
nulla? illa ludendi potandique libido; ille a-
mor non adeò ingenuus, ille viam tibi ad fla-
gitia omnia, & ex his ad stygem parare potest.
Time & mortificationem adhibe, compesce
inclinationes ejusmodi fœdas. Non somnias
tu jam, terribile adeò exitium; nec adole-
scensille sub initium somniaverat. Cave.

animò rejice omnes ad scelus quodcunque invitationes.

3. Berchmannus singulâs horâs contritionem, vesperi præcipuè, elicere intensissimam solitus est. Antverpiæ adolescens tempore frigidissimo de nocte reperitur devotissimè orans: S. Petrus de Alcantara etiamnum adolescens preces suas, manè accuratissimè persolvit. *Ex vitis.* Imitare: si unquam aliâs tum jam sollicitè tuas preces persolve, manè, & vesperi. Contritionem omitte nunquam. Recordare narrati alibi exempli, de infelici studioso nocte in peccatis mortuo, & quidem feriâs autumnalibûs. Econtra de adolescente alio scimus, qui in ultimo vitæ momento contritionem eliciens, orcum effugit. Tu assuesce indies, rei tam necessariæ.

4. Iosephus notus ille in scriptura sacra adolescens, ab impia muliere ad scelus sollicitatus, relictò in impuræ manibus palliò fugit, dicens antea: Quomodo possum hoc malum facere, & peccare in Dominum meum? *Ex Scrip.* Imitare: generosam capesse fugam, ubi periclitatur castitas: sæpe te ipsum quære, Quomodo possum hoc facere? quomodo peccare in Deum meum, mei adeò amantem? revera enim, quod S. Polycarpus dicebat, nihil mali mihi Deus fecit, cur eum offendam?

5. B. Aloysius inter plurimas Aulæ occasiones

Nones scelus nullum grave admisit: Indies corpus & animam ter Angelo custodi commendabat; à quo mirabiliter è periculo incendii, & submersionis, ereptus est. *Ex vita.* Versaris jam inter peccandi occasiones plures, attende ne labaris & pereas, Cole Tutelarem tuum: hunc sæpe invoca, ut te, velut Tobiam Raphaël, ducat in via periculosa.

6. Mediolanensis quidam Sodalis ipsum Xenodochii nomen horrebat. Victoriæ sui cupidus adit Præsidem, rem exponit, certū inquiens mihi est, vim mihi faciam. Dicitur dies: adest primo manè: adit Xenodochium: expallescit, horret, titubat, sudat. Christi amore confirmatus cubicula ingreditur, terrā osculatur, sternit lectos, omnibus ipse factus exemplum. Tantum profuit semel se vicisse. B. Aloysius pariter se victurus, peste infectis serviebat, morbo inde contractō factus victima charitatis. *Lechn.* Hæc olim egere Sodales. Simile quid à te non ausim petere; at hoc certè, ut vim tibi interas. Vince te! vince te! Regnum cœlorum vim patitur. Vince te, fugiendo pravas illas occasiones, illa consortia, &c.

Ingolstadii Sodalis quidam, à prima sua, quâ excelluit, morum integritate paulatim seductus, lusui, & potationi (consueto scilicet adolescentum talium vitio) totum se dabat, studiis relictis.

lictis. Noctem etiam consuetudini huic dedicabat saepe mediam: quod dum vice quadam egit, discedenti us sociis hic in suo cubili seminudus, in mensam dormitabundus se acclinat, cubito innixus. Candela ibi posita, quo, nescio, casu admota, vestes miseri corripuit. Evigilat miser, et inter flammās se conspicit; ejulatu domesticos excitat, nonnisi diuturno labore vestes reliqua à corpore avelluntur; corpus miserrimè ustulatum apparuit, dolore adolescentis summo per octo dies protracto: unam suam in cultu Mariano segnitiam incusabat, deflebatque. In hoc quidem felicior alio, qui simili casu è flammis his terrenis ad perpetuas, inter desperabundas, et blasphemās vocas, abiit. Ann. S. I. Vade et etiamnum effutire aude, quid demum est invisere cauponas, lusui se et potui dare? Aves scire quid sit? dicam: est Sodalitatis regulas conculcare: datam B Virgini fidem fallere: tempus studii et pietati consecrandum otiosè perdere: sumptus parentum dilapidare: innu-meris peccandi occasionibus se exponere: Dei Majestatem offendere. divinam in se Nemelin concitare: Verbo; properare ad Tartara.

7. S. Quidō Confessor nullā die lætus notatus est & hilaris, quā in quā orationibus vacaverat diutius & pauperes adjuverat liberalius. Ex vita. An lætam tibi promittis conscientiam si teras has exigas inter illicita gaudia? ne speres. Dulcia videntur, dum
sunt

sunt præsentia; sed ubi elapsa sunt, sed ubi Dei offensi memoriam, ingerunt, o quam acerba! Ergo sic statue vivere, ut elapsis feris, gaudere possit conscientia tua.

8. B. Iacobus Alemannus sociorum suorum scelera advertens monere eos, & increpare liberrimè consuevit; neque irrisionibus eorum, & jocis moveri se passus est, ut id omitteret. *Ex vita.* Homini Deum amanti non satis est cavere peccata sua, sed etiam aliorum flagitia conatur impedire. Tu quid agis? an non frequentes sunt rei hujus occasiones? Ede specimen aliquod tui in Deum amoris; liberiores aliorum sermones carpe; aut quod melius, luge.

9. Adolescens quidam sanctioris vitæ desiderio incensus Religionem petierat. Fervore magno cæpit, sed asperitate ordinis terribitus parabat exitum. Apparuit ei in somnis mater, & ostenss inferorum suppliciis hæc in fine verba addidit: si vis evadere inferni tormenta, & adspici gaudia paradisi, persevera in incepto. Perseveravit etiam, fatuus ducens, modicum pati in mundo, quam horrenda in orco. *Spec. Juv.* Inferorum supplicia si cogitares sæpius, credo constantiorem te fore in servandis propositis tuis. Nulla te certè difficultas à Dei servitio absterret. Hinc si sapis, memorare novissima tua, præcipuè infernum; non peccabis; constans

stans eris. Nemo enim uti S. quidam Pater asseruit. qui Gehennam habet ante oculos, incidet in eam. Nemo interni memor, peccare potest.

10. Sandomiriæ in Polonia juvenis nimium Dei misericordiæ confidens, per pessima quævis præcepta ibat: apparet ei vice quadam Custos Angelus & ait: Finis tui memento! confessorium accede. Confitere! Alius Cracoviæ de salute desperans, flumen petierat, ibi se submersurus. Adest ei Angelus, renitentem etiã periculo liberat, jubet confiteri. Alius Marcoduri, nocte, hanc Angeli vocem audiit, quã emendationis procrastinatio carpebatur. Necdumne times impie, tribunal supremi judicis? qua fronte coram eo comparebis? In singulis, profuere Angeli monita. *Ann. S. J.* In te utinam profint eadem! Verè verè eadem resonant in conscientia tua voces: Memento finis tui: confitere! time judicem! noli tardare, &c. ab Angelo tuo sunt istæ: has audi: sic enim jubet Deus: observa eum, ait, & audi vocem ejus.

11. S. Hilarion vitam Magni Antonii considerans, imitari eum sedulo cupiebat; hinc adhuc quindecim annorum adolescens eremum petit, vitam ibi mirabilem, & rigidissimam vivit: illud notandum, quod tentationes impuras victurus, jejunium rigidum admodum & pertinax suscepit, sic alloquens

alloquens corpus: Ego aselle faciam, ut non calcitres, ut ne de scelere quidem cogites. *Ex vita.* Securitatem hīs feriīs nullam expecta; imò time dæmonis tū vī tum fraudē. Resiste tentationibus viriliter: mortifica corpus tuum, ne nimis ei indulgeas in cibo & potu; sic enim oleum igni affunderes. Memento etiam imitationis Sanctorum, & fervidorum adolescentum.

12. Anonymus quidam, nobilis parentis filius dum paucis post obitum diebus cadaver patris vermibus plenum conspiceret; quid demum est, aiebat, esse magnum? hisne pascendis laboramus? Inde relictō mundō ad sanctiores pro anima curas conversus cœnobium intravit. *Spec. Juv.* Salutaris memoria mortis! ah cui laboras studiose? corpori, quod paulō post erit esca vermium? stultus labor. Cur non pro anima æternū victura sollicitus es? & hoc quidem tempore? quis enim scit, an non propior tibi mors jamjam immineat? Juveni cuidam florido dicebat P. Colnagus S. I. Dum maximē felicem, & securum te credes, morieris: & ita contigit, mortuus, dum patris morte lætus, ei pararet exequias. *Ann. S. J.* Studiose, nunquam te magis securum credis ac jam; Noli fidere; fortē, fortē jam januas mors pulsatur. Cura animam.

Adolescens quidam P. Drexellii condiscipulus,

lus, integerrimi primùm exempli adolescens, quo nescio ex tadio sanctius vite institutum deserit; ad patrem revertitur, lufibus, potationibusque dies noctesque vacat verâ deficiente pecuniâ, adulterinam ipse conficit: in quo scelere deprehensus, carnificis manu obtruncatur: palam fassus, has esse pœnas perfidiæ & inconstantia sua. Alius, ejusdem inconstantia, graviores pœnas dedit; primo enim mense, quem deliciis totum dare statuerat, repentinâ morte ad judicis tribunal, absque ullo pœnitentia signo evocatur. Terribilius est, quod addo: Andreas, Paulus, Nicomachus, quod Christiani essent, torquebantur. Nicomachus dolorum acerbitate victus, fidem deserit, idolo sacrificat. Sed ecce ipsò illo momento à demone arripitur alliditur terra, suffocatur Quod videns puella duodecim annorum, Dionisia dicta, exclamabat. O te infelicissimum hominem, qui propter unius horæ spatium, perpetuam, & inenarrabilem pœnam tibi acquisivisti Spec. juv. & Ann S 1 Sic est: O infelices qui constantia & data Deo fidei obliviscuntur, peccata repetunt, æterna se damnationis exponunt periculo. Odit, odit Deus inconstantiam; punit desertores suos. Te ne etiam puniat, cave. Noli Deum & facta toties ei proposita, deserere; ne æternum deseraris à Deo tuo.

13. B. Stanislaus indies duobus aut tribus missæ sacrificiis adstitit. S. Edmundus nulla die, idem neglexit. Ex vita. Quàm turpe est, leve

leve adeò obsequium Deo negare, templo se subducere! Cave, hoc audeas. Infelicem diem illum habeas, quò, tremendo illi Mysterio debitâ pietate non adstitisti. Tot horas otio & somno immolas, cur non Deo & animæ mediam donas?

14. Falco Adolescens notissimæ in Angelum Custodem pietatis, vovit in ejusdem honorem nullum mendacium deliberatum admittere. In iurgio quodam, sodalem suum occidit. Interrogatus à Magistratu, mendaciò unò vitam sibi servare poterat, cum testes homicidii essent nulli: sed voti memor statuit; potius vitam perdere, quàm votum violare. Veritatem fatetur, condemnatur, educitur, sed mirabiliter ab Angelo liberatur. *Pexenf.* Placet Angelo tuo fuga peccati, hoc eum modo venerare. Disce etiam, quàm constans debeas esse in propositis tuis, Mori potius, quàm peccare.

15. S. Franciscus Seraphicus mendicum sine stipe abire permiserat: Facti poenitens eum revocat; sanctè promittens, nihil se posthac negaturum, si amore Dei peteretur. Et hoc Sanctitatis initium fuit. *Ex vita.* Quid tu amore Dei ages? petit Angelus tuus Custos, ut Dei tui amore abstineas ab hoc aut illo consortio, peccato &c. An nimium tibi est? cave dicas amari à te Deum, si non agis, Amasne Virginem Matrem? in hoc etiam

etiam ostende: Ejus amore fuge peccatum aliquod, præcipuè tibi familiare. Hoc peto à te ego amore B. Virginis. An negabis? Non sic Alexander Hallensis, qui votum fecit negandi nihil, quod amore Virginis peteretur; miras exinde gratias consecutus. Imitare in hoc: Cogita subinde; amore Dei mei; amore B. Virginis cavebo peccatum hoc, Quid facilius? Quid salubrius?

16. Joannes annos duodecim natus, è patria Hispania, à Malabaribus in servitutem abreptus, Mahometano cuidam Regulo, dono datus est. Regulus blanditiis variis & promissis, nuptiarum etiam cum filia sua oblatione, pueri animum expugnare laborabat, & Christi fidem ei rapere. Nihil hīs proficiens, tormenta exposuit, mortem intentavit. Minas inter & blanditias medius puer, breve sibi tempus postulat, non ut deliberaret, sed Deum pro constantia exoraret. Fusis precibus surgit, hīs vocibus ad tormenta se offert: Christianus sum: Christo vivo: pro Christo moriar: nunquam Christum desero. Has easdem voces inter tormenta terrifica repetiit, pugil invictus. *Pexenf.* Disce quā constantiā dæmonis hominumque tentationes hoc præcipuè tempore debes excutere. Dic: Sodalit sum; Christianus sum: Nunquam hoc facio.

17. Duacensis quidam Sodalit à puella tentatus

tatus horruit, exclusit vi impiam, nec sub specie necessarij etiam obsequij, eam ad cubiculum ultrà admisit. *Lechn.* Fuge eos, quorum scelere tentaris ad impia. Fuge sexum alterum. S. Thomas Aquinas semel à muliere propudiosà tentatus, mirum, quantum à sexu illo abhorravit. B. Aloysius necum matre quidem solà, loqui voluit. S. Borgias mulieres necessariò accessurus, ciliciò se muniebat. Sic Sancti agunt. Salutis verò incurri, neque aspectus, nèque conversationes liberiores timent. Atque utinam non graviora audeant? Quæ verò consequuntur? tristis docet experientia.

18. S. Vitalis, filius S. Felicitatis, ad colenda idola incitatus, hīs Præsidem verbis allocutus est: Quis tibi melius videtur vivere, an qui Deum colit, an qui diabolum quærit habere propitium? Ego Deum meum colā. *Ex vita.* Studiosè, si idem ex te sciscitarer, succenteseres fortasse mihi; quia res certa est, solos Dei cultores beatè vivere. Sed an opere ostendis hoc à te credi? Cur ergò relictò Deò, conculcatò Deò, ad dæmonem confugis? cur Deum offendis? an benignius te tractat dæmon? quid spondet? Iam breve gaudium, sed terrificis conscientiae angoribus mixtum: in æternitate, ignes perpetuos. Quid Deus? Præmium in cœlo perpetuum, consolationes etiam in vita hac, mercedem mi-

nimi

nimi cuiusque operis boni: nam & vestigia
& gressus numerat Angelus; remuneratur
Deus; ut habetur in exemplo notissimo. E-
lige quem colas, cui servias,

In *Perryana* Provincia Sodalis (si nomen sci-
licet spectes) erat, qui fœdissimo scelere cum
puella quadam admittendo, assueverat. Die
quodam dum infaustis deliciis fruitur; subito
cœlum tonitru concuti, terra tremere, densas
inter tenebras micare ignes, & per fenestrarum
rimas effusi, impii oculos ferire; imber etiam
cum grandine sub tectum delabi. Puella territa,
ô Virgo Maria ser opem! exclamat: at impius:
Tace stulta, ait, nunquid opem tibi Maria feret?
Vocem extremam fulmen excepit, & loquentem
ab amplexu puella avulsum, extra lectum eiecit,
flammâque involvit. Puella surgere, parare o-
pem, ejus nomen inclamare: frustra. Ergo di-
gitos pedum trahit, & hi divelluntur toti,
horrendum ergò vociferans vicinos convocat:
hi cadaver protrahunt, sinè dentibus, sinè lin-
gua, sinè anima reperiunt; terribile iusti Ju-
dicis punientis, exemplum. Bonif. Ita in puncto
ad infernum descenditur. Eò deducit, imò de-
turbat scelus illud execrandum impuritatis:
Ex hoc enim in blasphemias, in horrenda qua-
vis flagitia, facillima via est. Vade nunc, &
illicitis indulge gaudiis: eâ ipsâ hora gladium
vibrabit Divina Nemesis, justoque te judicio
detrudet ad tartara. Senties, senties ibi, quid
sic

fit gustasse paululum mellis, & aeternum mori. Illud maxime terrificum: ex amplexu ipso, ex medio gaudio, rapi ad tormenta. Expaveſce! cave peccatum quod vis? an enim hoc, an illo damneris; quid intereſt?

19. S. Ioannes Epheso excedens juvenem habuit obvium, cuius innocentia delectatus, eum Episcopo loci, custodiendum tradit. Ab hoc sollicitè instructus, baptizatus, sanctè educatus est. Elapsis annis aliquot deterioribus quibusdam associatus, ab his paulatim seductus, ad furta etiam & latrocinia inductus est. Audiit hoc redux S. Ioannes, & gemens sylvas adit, in quibus commorari dicebatur miser Iuvenis. Obvium ei factus, precibus & lachrymis invitat ad reditum; reducit Ephesum; ubi peccata vitæ liberioris deslere, & seriam agere docuit poenitentiam. *Pexent.* Ah quo recidunt sanctorum etiam Adolescentum mores; si sceleratis sociis obsecundent! Peristi, si hic non caves. Imitare poenitentem Iuvenem hunc, si errantem secutus es.

20. Alexander Berbius notissimæ integritatis adolescens cum dæmonem in mortis articulo præsentem sibi videret, sic eum imperterritus alloquitur: Quid quæris, aut quid vis tibi bestia? facesse: Testimonium meum, Deo favente, bonum est. Berchmanus nuntium mortis amplexatur præ gaudio;

Christi

Christi effigiem complectens ait: Christe tu unicum bonum es; quod in vita habui & habeo, sed ne deferas me jam. *Ex vita.* Charissime, si moriendum jam tibi esset, an eodem possent esse voces tuæ? an testimonium conscientiae bonum est? Fac ut sit, alias mortem time infelicem. Vis ut à Christo non deferaris in morte? noli eum peccando deferere in vitam.

21. Ubaldinus adolescens piissimus, videns socium in templo irreverentem, à turba eum seducit, sic alloquitur: Christianum quidem neminem decet talia in templo agere; minimè autem decet eum, qui cliens Virginis sit, cujus tunc videat filium pro se immolari. *P. Nieff.* Reverentiam in templo totâ vitâ tibi habeas commendatam. Absit à loco sacro omnis garrulitas, risus, irreverentia.

22. Juvenis impiissimus, uti in vita S. Lydwinae habetur, ad scelerû confessionem impelli non potens, metu poenitentiae, motus tandem est, ut peccata sua sanctae huic Virgini exponeret: illa jussit nocte unâ immotum jacere in lecto. Non potuit hoc ferre Juvenis, licet ab initio facillimum crediderit: hinc orta fuit cogitatio: Quid ergo in inferno erit, æternum tormenta horribilissima tolerare? Hac cogitatione fractus confessio: nem poenitentiamque libens est amplexus.

Ex

Ex vita. O Studiose, si subinde cogitares, quid sit æternum inter inferos pati, impossibile foret, ut ullius peccati voluptate tenereris, aut pœnitentiam ullam refugeres. Ah memento æternitatis! Ardere semper: nunquam liberari: æternum! & quidem pro momento unico.

23. Sidrach, Misach & Abdenago juvenes fortissimi statuam Nabuchodonosoris adorare jussi aut caminum ignis ardentis tolerare, heroâ voce responderunt: Deos tuos non colimus, & statuam auream, quam erexisti, non adoramus. Vocibus, factum respondit: Ignes elegerunt, præ peccato. *Ex L. Dan.* Imitare in hoc: nullô propositô damnô, nullâ spe præmii, Deum audeas offendere. Responde dæmoni: nolo hoc consortium: detestor hanc occasionem: non accedâ, &c.

24. Metensis Sodalis in Sicilia fuit, in cultu B. Virginis admodum tepidus: huic nocte apparet Præses, sic inquires: an impune tibi negligentem esse licere putas? falleris miser: jam nomen tuum ad magnam Matrem delatum est; ab Ea, pœna tibi imminet, nisi sodalium officia pothac facere, non tantum nomen inane habere velis. Ter repetitæ voces juvenem ad sanctiora compulerunt. *Nadasi* Compellant utinam & te eadem conscientie voces, Crede, crede, nomen tuum ad tribunal Virginis delatum est:

est: poena imminet, nisi emendes te. In quo incipies?

Juvenis flagitiosus cum morbo in lectum prostratus mentem ad prioris vite rationes revocasset, immensâ criminum mole obrutus, de salute sua desperare coepit. Monentibus meliora amicis, respondet: Quid mihi cum Pœnitentia? scio me Tartarorum fore incolam. Actum est de salute mea: spes omnis abscissa est. Instabant amici lacrymâ minisque, sed frustra. Christus ipse videndum se ei tandem exhibet, ostendit vulnera, & veniam promittens ad scelerum emendationem, confessionemque animat. Sed neque sic cor saxeum emolliri potuit. Ergo Christus ex lateris sui vulnere, manum multo implet sanguine, in obstinati faciem projicit, additâ tremendâ hac sententiâ. Hec amoris mei, contumacia & obstinationis tua nota, hoc signum sanguinẽ meo pictum, olim contra te ad tribunal meum, reum te arguet contempta clementia mea, & merita damnationis tua. Quâ acceptâ voce, actus in rabiẽ miser, obiit. Spec. Ex. Bonitatem divinam contemnentibus, terribile impendet supplicium. Ipsa illa Christi erga peccatores charitas, & patientia, à peccatore contempta augebunt inferos. Tu quid exspectas? monet te Deus, ut serio tandem respicias, ut vitam aliã inchoes ne bonitatem ejus irritare pergas: Time, time, si non obsequeris. Accusatores tot habe-

K

bis

his in iudicio, quot vulnera Christus sustinuit.

25. Avenionensis Sodalis impia rogatus, respondet: Ego jam me pridem Christo IESU, ejusque Sanctissimæ Matri dedi; non facio ista. *Lechn.* Hæ sint tuæ ad dæmonem & ejus socios voces. Recordare, quoties te obtuleris Deo & B. Virgini? Cur ergo oblata ei membra adhibere non trepidas, detestanda adeo ad scelera? non pœnam perfidiæ times?

26. B. Stanislaus in literis ad patrem sic scripserat: Quis plus amandus? an homo, an Deus? cui obsequendum? *Ex vita.* Versetur hoc ob oculos tuos, hoc potissimum tempore, & cave ne Deum offendas in gratiam socii tui. Deus te damnare æternum potest, non socius. Deo obedi, non dæmoni, aut homini, contrarium Dei præceptis postulanti.

27. Sodalis quidam vitæ liberioris in Patrum mensuram acceperat S. Hieronymum: hic nocte apparens luveni, tornacem accensam ostendit inquires: In eam conjiceris, nisi mox emendes, Territus, peccata expiat, emendat. *Lechn.* Studiose, etiam Feriis hisce, patent inferi: hæc tibi ostendit Custos Angelus; hæc minatur, nisi te emendes. Resipisce: actum aliàs de anima.

28. S. Silanus, filius S. Felicitatis, sic Tyrannum allocutus est: Si tua tormenta timentes, Deum

Deum offenderimus, in æternum interitum
& horrenda supplicia incidemus; sed quia
scimus, quanta justos maneant præmia, se-
curi, iussa tua contempnimus, ne Dei gratiâ
excidamus. *Ex vita.* Imitare: Cælum respi-
ce: respice Tartara; ibi mercedem, hîc pœ-
nas. Erit hic fortissimus ad fugienda peccata
stimulus.

29. Ingolstadiensis Sodalis, turpi cuidam
vitio deditus, agnitô salutis periculô reme-
dia sanitatis inquisivit: Iussus est frequenti-
us S. Eucharistiam accedere: accessit devo-
tione maximâ, faslus deinde, quod ingens
sceleris odium ex S. Communionem percepe-
rit; unde facillima ei fuga accidit ejus, cujus
tanto amore tenebatur? addidit nihil se eo
tempore à Christo petiisse, cujus compos
factus non sit. *Lechn.* Imitare: Efficacissi-
mum remedium frequens & devota S. Cõ-
munio. Hanc ne negligas, si consuetudinem
extirpare velis. Aderit Christus Eucharisticus,
opem feret, si voles.

30 S. Martialis, filius S. Felicitatis, ad eju-
randam Christi fidem incitatus, monita &
minas contemnens, ajebat ad Præsidentem: O
si nosset, quæ pœnæ Idololatriæ sunt inter
inferos constitutæ! aliud saperes. Timor ge-
hennæ à peccato avocabat S. Martialem.
Ex vita. Studiosè, sæpius hujus tibi ingero
memoriam; si enī infernaliam nosset supplicia,

non ageres ea, quæ jam imprudens agis.
Accede subinde ignem aliquem, & exemplò
B. Aloysii, perpetuas in eo flammæ medita-
re: quære exte, quomodo tolerare eas pos-
sis? O si nosses! aliud saperes.

31. Leodatus Iuvenis innocentissimus,
B. Virgini addictissimus, Religionem S. Do-
minici petierat, ut tantò securiùs Deo &
B. Virgini deserviret: Ducentis sæpe vicibus
indies Virginem clementissimam invocabat.
Æger à pia hac Matre invisibatur: quære-
bat illa, an abire ad se & Filium suum vellet?
reposuit is & quænam tu es? Tum Virgo:
Ego sum Mater misericordiæ, quàm toties
invocatam, modò præsentem vides: eja ad
cælum pergamus. Dixit, & animam famuli
corpore liberatam ad astra deduxit. *Specul.*
O Studiose, quàm bonum est Virgini huic
serviisse, eam invocasse! invoca indies: pro-
teget te, & defendet. O quale tuum erit in
hora mortis solatium, si clementissima Ma-
ter hīs te in animo vocibus compellabit: Eja,
ad cælum pergamus. Nunquid lætus tunc
voci Marianæ obedire cogitas? Et jam o-
bedi dicenti: Eja, ad emendationem perga-
mus: ad Confessionem, ad templum perga-
mus.

*Leontius Comes, adolescens, è Machiavelli
principiis vitam instituerat. Animam hominis
mortalem credens, tempus omne edendo, potan-*
do

do, lasciviendo perdidit. Transiit cœmiterium,
ad calvariam mortualem offendit, convivam
sibi vesperi adesse jubet, & edicere, quidnam er-
go animabus hominum in orbe altero eveniret?
Cœpto vesperi, convivis adest offensus hospes, fru-
stra reluctantibus famulis intrat, mensæ assidet:
subducunt se alii ex aliis, terrore immuni per-
culsi; soli Leontio negatur effugiendi facultas.
Feralis hospes invitatum se esse asserens, multa
de animarum immortalitate, & suppliciorum
æternitate dixerat, tum subjungit: Atque ne
dubia tibi hæc sint, experiere eadem mecum,
qui Avus tuus sum. Mox medium complexus
Leontium, jam ante horrore prope exanimem,
frustra vociferantem, & sociorum opem incla-
mantem, valide adeò vicino allidit parieti, ut
dispersum adhaereret cerebrum, triste rei totius
argumentum. Animam cum corpore infelici, ad
æternos inferorum rogos secum abduxit larva
Tartarea. Pexens Justus es Domine, & re-
ctum judicium tuum! Ede, bibe lude, post
mortem nulla voluptas, dicebat infelix iste Le-
ontius, Verum, ah verum nimis est, post mor-
tem nulla voluptas impio homini, quarenti hic
in deliciis miseris requiem, & consolationem
suam. Omisera gaudia! Videsne Studiose, quò
deducat libertatis nimie amor; edendi, biben-
di, ludendi cupido immoderata? Quare jam
infelicem Leontium, quid de deliciis sentiat?
Blasphemia, perjuria, & si qua horridiora sunt,

Anni Sancti Mensis undecimus

November.

I. B. Stanislaus reprehensus à fratre suo propter mores nimium dissimiles, nimias in templo horas orando tractatas &c. aiebat: Vivam, sicut Dei servum decet; placeatne aliis, an non? non curo. Hunc imitatus Berchmannus, inquebat: Non erubescam, videri tendens ad perfectionem. *Ex vita.* Studiose, imitare, generose contemnendo respectum humanum, qui bona plurima impedit: non erubescere esse in templo cæteris modestior, in suscipiendis sacramentis frequentior, in fugiendis occasionibus suspectis, cautior. Vive sicut servum Dei decet, placeatne homini, an non, ne cures. Quid tibi proderit hominum gratia? Miserum me gemebat Thomas Volsæus moriens, qui Dei gratiam perdidit, ut placerem homini;

homini; hominis gratiam jam non invenio.

2. Nolanus quidam Sodalis, omnia sua pietatis opera pro defunctis offerre consueverat. Præmium hoc tulit: paucis ante mortem diebus ei adhuc sano, nihil de morte cogitanti adfuere defunctorum animæ, confessionē ut perageret, & ad mortem se disponderet, monuere, fecit, paulò post, casu, globò trajectus; fortè periturus; nisi antea se disposuisset. *Ann. S. J.* Imitare; sæpius preces tuas pro animabus purgatorii perolve.

3. Juvenis quidam ante sacellum aliquod, pilæ lusu se cum sociis exercebat. Annulum donò acceperat à puella, qua cum familiaritè versabatur. Hunc ne perderet, sacellum intrat, ibi eum absconditurus. Intrat, & B. Virginis effigiem, ejusque pulchritudinem contemplans, genu flexò eā salutatur, inquit: Verè pulchrior es illâ, quæ hunc mihi annulum dedit; illi ergo renuntio, tibi servire statuo, ut me redames. Hæc dicens, annulum digito sursum erecto, indidit. Et ecce, velut probasset desiderium Virgo, digitum imago constringit, ut rapì annulus non posset. Narra- rat juvenis prodigium aliis, monetur missò sæculò castitatem colere. B. Virgini servire. Divitiarum amore prohibitus, nuptias præelegit castitati, fœdisfragus impius. Primâ nuptiarum nocte adest ei vice iteratâ B. Virgo, annulum prætendens, & infidelitatis arguens.

impium; quin & vultum cum indignatione
visa est avertere, & tormenta gravissima ob
voti contemptum minitari. Percussus visione
juvenis, poenitentiam egit, sæculò desertò B.
Virgini castius servivit. *Pexenf.* Displicet Deo
Deique Matri, stulta & infidelis promissio.
Si quid vovisti, noli fidem fallere; sed & in
propositis attende, an non displicere Virgini
debeat, toties te tuaque ei offerre, propone-
re nescio quæ; frangere semper, semper da-
tæ fidei oblivisci. Respice: propone: exe-
quere:

4. Panormitanus quidam, è sodalitia, domũ
rediens, ad domum studiosi invitatur: nil
mali suspicatus intrat, jubetur literas ama-
torias ad locum aliquem deferre: is, Non
debet, inquit, hoc clientem B. Virginis:
non debet tanti sceleris fieri participem. In-
stantibus verò illis, & stricto mucrone mor-
tem minitantibus ajebat: Occidite me; hoc
forte potestis; ut sceleris sim internuncius,
non efficietis, *Lechn.* Imitare heroum ani-
mum generosè excute, si quid impium pe-
titur. Dic dæmoni, dic socio: non debet hoc
Sodalem.

5. B. Stanislaus speciali devotione SS. E-
ucharistiam profecutus est; hinc bis per An-
gelorum manus, eâdem confortari meritus est.
Indies, ante & post scholam Christum Eu-
charisticum, & B. Virginem salutavit; felicis-
simum

simum studiorum successum semper exinde consecutus. *Ex vita.* Imitare. Venerare divini-
vini-ssimum sacramentum, sæpè devotè susci-
sci-piendo, sæpiùs invisendo; præcipuè ante
scholas. Non est res, cujus tē pudeat, nisi
forte profectûs tui & salutis, te pudeat.

6. In Lusitania Sodalis, tenerrima devoti-
one Virginem prosequabatur; quo nescio
casu, scelus enorme admisit: mox pudore
immani correptus, quò se verteret, nescie-
bat: sylvam subit circa vespèrum, deslet
miseriam, & innocentiaē jacturam. Consci-
entiaē stimulos non ferens, fluvium accedit,
se submersurus: stans jam in ejus crepidine
Virgini se commendat. Adest hæc, & suavi
voce: bonum animum habe, ait, me seque-
re. Hæc effata, flumen intrat, sed quasi mar-
mor stratum reperit illud attonitus juvenis:
Superato flumine, ad urbem reducit miserum;
jubet peccatum expiare, agere pœnitentiam,
cavere consortia, novo Deum amore, &
obsequiò colere; quæ omnia servatus ab in-
teritu juvenis, lætus implevit. *Nadasi.* Non
deserit Maria clientes suos etiam peccatores,
si ab his invocatur. Sed adverte monita ejus:
pœnitentiam vult, & fervorem novum,
& sociorum suspectorum fugam. Hæc fac,
& placebis Virgini; desperatione enim non
places.

*In Lancastria, Anglia. Provincia juvenis im-
probis*

Probus impiissime vixerat: exultare etiam in sceleribus fuit solitus, præcipue in lascivia. Nichil amicorum monita proficere. Pater interea mortuus, nocte apparet filio, & suavissimis verbis periculum salutis exponit, monet consilia meliora. Risit filius velut somni ineptias, paternæ monita. Ergo nocte alterâ reversus Pater, post acerbam objurgationem, hæc subjunxit: Aut vitam muta, aut die S. Martino sacrâ, vitam simul & animam infelix perdis. Neque sic expergestus fatali somnò, resipuit. Festò S. Martini Episcopi, latum instruit convivium: & adveniente nocte velut de somniorum vanitate prudenter explosa, sibi gratulatur. Dies altera aderat S. Martino Papa sacrâ; & ecce dum suis de more indulget illecebris infelix juvenis, inter meretricis furie suæ amplexus, morte subitaneâ expirat. Pexenf. O infelix mors, mors peccatorum! Non irridetur Deus. Cùm dixerint, pax & securitas, tunc repentinus eis superveniet interitus; ait scriptura. Noli securum te credere, studiosè: fortè è jociorum tuorum (qualium cogites!) è peccati tui illius amplexu, mors repentina te rapiet, æternis illatura rogis. Vade, vade, & nescio quos tibi annos pollicere: vade & parentum, aut concionatorum monita contemne.

7. S. Elzearius adhuc adolescens, sub veste pretiosa cilicium gestare solitus erat. Idem fecere Sodales plerique, horum unus Me-
diolânens;

diolanensis ciliciô se advertus fœda somnia
obarmare consueverat; vice quadam non
reperitô ciliciô, somnum capit: sed illico
adfuere somnia fœda: ergo lectô surgit, fla-
gellô expulsurus dæmonem, nec hoc reper-
itô in hortum tempore frigidissimo abit, nec
nisi sedatis tentationibûs discedit. *Ex vita.*
Mortificandi studium adeo necessarium &
utile tibi commendo. O felix pœnitentia,
exclamabat apparens ab obitu S. Petrus de
Alcantara, quæ talem ac tantam mihi pro-
meruit gloriam! Ciliciô nihil consuetius sôda-
libus fuit: placere hoc B. Virgini certum est,
hinc Thomam Cantuariensem in reficien-
do, ipsa Virgo adjuvisse legitur.

8. B. Stanislaus, otiosum verbum nullum
proferre, auditus est; sermonibûs piis socios
delectabat; libentissimè loquens de periculis,
quibus per divinam clementiam ereptus fu-
erat. *Ex vita.* Imitare; haberes & tu mate-
rias loquendi satis amplam, si Dei in te fa-
vores attendere velles. Fuge sermones scur-
riles & indecoros, velut certissimam castita-
tis pestem. S. Nicetas Neocæsariensis, sum-
mopere nugas, & facetias averfatus, ratio-
nem hujus odii sui hanc dabat: Talia odit
Spiritus Sanctus. Odit & B. Virgo.

9. S. Edmundus in omni dubio B. Virginem
implorat; studia coram ejus imagine perâ-
git; fassus quod nunquam desertum se à B.

Virgine sciat. Albertus, postea Magnus dictus, rarissimam ab eadem Virgine scientiā impetravit. Petrus de Anasco, postea Societatem ingressus, Iabbathinō jejuniō Virginem colebat; ante scholæ initium ejus imagini advolutus, benedictionem fligitabat; æger à B. Virgine visitari, ad Societatem Iesu vocari, meritus est. *Ann. s. J.* Sodalis: Deus omnia nos habere voluit per Mariam. Hanc accede, hanc implora; in studiis, in Vocatione, in negotiō quovis. Non deferet te, si Edmundus sis: hoc est, si castitatem & virtutem colere labores.

10. Sodalis quidam, alteri ex promisso apparens, salvatum se esse asseruit; præcipuum sibi adjumentum fuisse affirmans, frequentem & devotam S. Communionem. *Nadaſt.* Salvari vis? frequenter & devotè communica. Statīs temporibūs nunquam negliges. Certum est, gratias conferri maximas, bene dispositis: facilius resistitur dæmonis tentationibus. O quibūs te gratiis privas, si divinam mensam fugis! præceptum ad interitum ruit salus tua, si nauseare incipis divinum epulum. Detestare quorundam ignaviam, sæpe mense integro S. Eucharistiam non accedentium. Vox Domini est: qui se elongant à te, peribunt.

11. B. Aloysius, diei horas accuratè habebat divisas, alias studiis assignatas, alias precibus;

cibus; ut ne particulam quidem temporis perderet; hinc nonnisi orans, aut legens repertus est. *Ex vita.* Imitare. Certus sit tibi ordo, quem observes accuratè. O Sodalis, si pretium temporis nosles, quantum omnem ejus jacturam caveres! norunt damnati, hinc nihil deslent acerbius. Monachus quidam Clarevallensis, damnatum adjurans quærebat, quâ potissimum re cruciaretur: hac, reposuit, quòd tempus ad pœnitentiam, & vitam bonam concessum, non impenderim melius. O quomodo studiosi damnati, tot menses & annos otio perditos, deslebunt inter inferos! Tu ne deslere cogaris, tempus bene colloca. Familiare nimis vitium est otium: leve creditur, quia commune est, sed alia judicia Dei, alia hominum.

12. In Provincia Franciæ, parens hæreticus filio recens converso Sodali, dat facultatem domum redeundi; at iste: extrema potiùs omnia subibo, quàm ut apud eos vivam, qui cum dæmone & improbitate vivunt. *Ann. S. J.* Imitare: fuge domos suspectas: fuge cauponas, conventicula illicita. Qui amat periculum, peribit in illo. Vivere cum iis, quibus pietas cordi non est, & tamen in pietate fervere, res rara, res ferè impossibilis est. Vivere ubi Deus offenditur, nec tamen Dei leges violare, nescio an justissimorum sit, Fuge!

In Lotharingia Anno 1614. Juvenis quidam, aleâ lusuque pecuniam omnem perdiderat: ergo ut haberet, unde vesane ludendi libidini, quidpiam subministraret, aurei nummi quadrantem clam alteri surripit, in calceo abscondit. Negare interea & pernegare ausus est, minas etiam querentibus intentare, & execrationibus caput devovere, si quidpiam ipse sustulisset: Diabolus, inquebat, collum mihi, contorqueat, si pecuniam subduxi. Vix verba protulerat; spectantibus omnibus humi labitur, facie in dorsum retortâ. Interea. accersitur confessarius, semimortuum juvenem reperit: applicatis S. Ignatii reliquiis ad se juvenis rediit, peccata exposuit; fassus etiam, quod eò momento, quò peierabat, demonem viderit in forma horrendi molossi, pedibus posterioribus nixum, prioribus irruisse, humi prostrato collum intorresse. Ann. S. I. Non vana semper sunt imprecationes: non impunita perjuria. Consuetudinem si hac in re habes, extirpa; & sanctioribus loquendi formulis assuesce. Observa etiâ quorum scelerum fons sit, & origo, ludendi vesana libido. Qui mentiri, qui ludere solet, pejerare aut consuevit, aut facile ut id agat, inducetur.

13. B. Stanislaus Patronos menstruos colebat indies; festa eorum præcipuè, agebat solennitate quâ poterat summâ, peragendo S. Communionem &c. Moriens summâ eos fiducia

fiduciâ invocabat. Ayatumus pridie festi Patroni menstrui, flagellô, ciliciô, jejuniô susceptô, sanctum sibi conciliare studuit. *Ex vita.* Imitare, Patroni menstrui cultum nunquam negliges; Patronorum tuorum festa, devotione majore celebra; invoca eos indies, dum vivis, & aderunt tibi, dum morieris. Quomodo coles hodie B. Stanislaum?

14. Celsus, Martiani Præsidis in Syria filius, è ludo scholastico prodiens, videt educi S. Julianum ad supplicii locum; advertit imminentem capiti ejus coronam ope Angelorum allatam: & subito projectâ tabulâ literariâ, Iuliani pedibus advolvitur, baptismum flagitat, non precibûs, non promissis, non metu, non vi, avelli poterat. Ergo carceri cum Iuliano datur: repetuntur promissa & minæ; sed frustra. Visa, Martyri parata corona, adeò roboraverat juvenem, ut tormenta & promissa quæcunque rideret. Actum à se agi agnoscens Pater, filium morti adjudicat, quam & constantissimè sustinuit. Tantum valet, recordatio præmii à Deo parati. *Conc. Hist.* Studiose mi, cœlum respice; parat ibi Deus laboranti præmia. Labores scholasticos, si pro Dei gloria toleras, mercedem cœlestem feres. Fortiter si carni & dæmoni resistis, mercedem aliquando cœlestem feres. Age, erige te: dignum est cœlum, cujus amore tantillum labores.

Tantam

Tantam tibi mercedem, dæmon non promittit.

15. S. Emericus Regali sanguine oriundus, somni parcissimus fuit: Cæteris dormientibus ipse ad preces surgebat: ad finem Psalmi cuiusvis, contritionem elicere solitus erat. *Ex vita.* Imitare. 1. Somno ultra necessitatem ne indulgeas: otium est; peccatum, Dei offensa est. 2. Freqenti contritioni affuesce: horis singulis eam elicere facillimum est.

16. In Vicinia Civitatis Tridentinæ, Adolescens, latronibus se adjunxerat. Erat is à Monacho aliquo, quem occidere voluerat, instructus, ut singulis diebus sabbathinis in honorem B. Virginis abstineret latrocinio & spoliatione. Fecit hoc latro fideliter, alios etiam à scelere simili avocabat; ab omni etiam cibo tali die, abstinens. Captus deinde die sabbathi, morti adjudicatus, libentissimè sententiam accepit, mortem pertulit, factâ prius confessione seriâ; conversionem suam B. Virginis auxilio adscripsit, per susceptam devotionem impetrato. Corpus exanimè luminibus nocturnis prodigiosè honoratum est. *Spec. Ex.* Placet B. Virgini fuga peccati. Hæc vera est devotio: Hanc amplectere: nullus abeat sabbathi dies, quò non à peccato quodam speciali abstineas.

17. Dolanus quidam Sodalis, ab inimico gravissimè

gravissimè cæsus, interrogatus per Præsidem, an ignosceret? reposuit: Duodecim anni sunt, cum formatus à vestra societate, didici inimicos esse diligendos; libenti animo veniam dabo. *Ann. s. J.* Imitare: Memento tot documentorum, quæ tibi in scholis & templis data sunt: Secundum ea, operare didicisti, animam servandam esse sollicitè; serva eam. Didicisti fugienda esse suspecta consortia: Fuge. Alioquin scienti tibi & non facienti ô quale peccatum erit.

18. B. Stanislaus accepto usu rationis, illico se Deo offert, ejus se mancipat servitio sempiterno. *Ex vita.* Rara prorsus gratia, in primo rationis exordio ad Deum se convertere. Verus imitator B. Virginis, in ætate primula Deo se se præsentantis. Tu id saltem jam age, & ex hora hactotum te Deo & Virgini offer. Offer ætatem hanc adhuc floridam; in hac, piè vivè. Dæmonis fraus est, quâ plerique adolescentes decepti, æternum pereunt. Suadet ille, annos primos dare deliciis & libertati, inculcat, vitam rigidiorē ad futuros annos esse differendam; spem vitæ longioris ingerit, & sic à Dei servitio abstractos, innumeros trahit ad Tartara. An non & te pestilens adeò dogma infecit? procul elimina; nam teste Scriptura: Spes ista longioris vitæ multos perdidit. Offer ætatis primitias Deo: jam incipe servire. Sed quod offers, noli repetere: Offers linguam tuam;

Noli eâ deinceps abuti, ad quos nescio sermō-
nes; tua enī non ampliùs est. Sic de oculis &c.
loquere.

19. S. Emericus considerans, quā rem
B. Virgini posset offerre gratissimā, has
audit voces: Præclara res est Virginitas;
Hanc ergo Deo in ipsis nuptiis vovit. Hanc
mortificatione constanti servavit. *Ex vita.*
Rem Deo & B. Virgini gratissimā offer-
re desideras? Castitatem offer ita saltem, ut
annō totō peccata castitati contraria, sum-
mopere fugias. Noli indulgere genio, sed
licitas etiam subinde nega delicias, si casti-
tatem servare desideres. Inter spinas secu-
riùs floret hoc lilium.

20. Leopoli Adolefcens templum nostrum
ingressus, confessione factâ Sacerdoti, ait, sibi
cum templum hoc præteriret, invocato Ma-
riæ nomine, cor incredibili dolore fuisse
perculsum. Scripserat jam juvenis ille chiro-
graphum, quō se dæmoni devoveret, ob
terribiles, quas patiebatur angustias. Interea
tamen, dum dæmon in auferendo chirogra-
pho moras faceret (cœlesti utique vi pro-
hibit) immanibûs conscientiæ stimulis ve-
xabatur; facti anxius, tandem de B. Virgine
cogitabat. Occultâ semper vi retinebatur à
templo, tandem invocato Mariæ nomine
vi sanctiore penetravit, dolens & lacrymans
peccata exposuit, quietem nactus jucundis-
simam. *Nadasi.* Conscientia te si premit,

Mariam invoca: Potest hæc cor tuum sa-
xeum emollire; potest dolorem impetrare
intensissimum. Mater est peccatorum, con-
vertere se volentium. Nihil ei gratius, con-
fessione seriâ & emendatione. Hoc ei gau-
dium quousque negabis? cur non invocas?
cur in sordibus perire cupis? Age: Hodie
adhuc pedibus maternis advolvere: Mater-
nam implora clementiam! non projiciet te.

21. B. Stanislaus quæsitus, an amaret B.
Virginem? respondet: Mater mea est: Ne-
que alio eam nomine compellabat: Filialem
semper affectum erga eam exhibuit. Ma-
trem expertus est in morbo; dum ab illa
visitatus, & suavissimâ solatiis recreatus est;
datâ etiam facultate Salvatorem Iesulum
brachiis tenerimè amplectendi *Ex vita* Re-
nova hodie devotionem erga magnam Vir-
ginem; totum te ei præsentâ, filiali affectu
eam cole. Mater est adolescentum devoto-
rum. S. Elzeario data est à Christo in Ma-
gistrâ Thomæ Sanchez medicam se ex-
hibuit, dum linguæ usum restituit, cujus de-
fectu à vocatione implenda impediabatur.
Innumera taceo: Fuit & Mater tua: ab ira
cœlestis Patris te protexit, servabit ab infe-
ris. Esto Filius Mariæ.

22. In Boetia Missionarium S. I. juvenis
accessit, generali confessione peccata omnia
expians. Is duplici se ad emendationem sti-
mulo

mulô incitatum fuisse asseruit. Primus erat, mors repentina, quâ Deus mulctaverat sceleris consortem, in ipso, quo peccabat momento. Secundus, auditio concionis habitæ de æternitate suppliciorum, peccatoribus in inferno destinatorum. *Ann. S. J.* Sunt hæc revera fulmina duo, quæ saxeum etiam animum queant emollire; Mors infelix eorum, qui minorum scelerum rei erant: Æternitas tormentorum, decreta impiis. Hæc utraque sæpe ob oculos pone. Lauda Dei clementiam, tibi ad hæc usque tempus parentem: Time iustitiam, æterna inter inferos supplicia, rebeli præparantem.

23. Adolescens è Moguntinis scholis domum ad parentes hæreticos redux, carnibus die vetito vesci noluit; pane & aquâ frigidâ diem primum exigere coactus; secundo die etiam panis ei subtractus est, tertio, verberibus multis inflictis, domo proscriptus. Tulit ista omnia juvenis, neque ad violandam Ecclesiæ legem, se induci passus est. Miratus demum Pater hæreticus constantiam ejus, eum domum revocavit, neque ullam ei deinceps molestiam intulit. *Ann. S. J.* Imitare: Constans esto in observandis illis, quæ hausisti in scholis, documentis. Levis molestia ne quæso te absterreat ab impletionem mandatorum Dei. Animô opus est.

24. Bethuniæ, Sodalit Angelicus, post alios
quot

quot vitæ verè Angelicæ annos, morbo fatali correptus, id imprimis curabat, ut se Angelorum Reginæ & Custodi suo Tutelari breuibûs aspirationibûs commendaret; idem indies fecerat jam multîs ante annîs. Et valuit pietas. Ab Angelo enim suo visitatus, suavissimè expiravit. *Lechn.* Imitare B. Virginem, & Angelum tuum pro felici hora mortis cole, & invoca indies: Non te deserent morientem, si vivens tu eos non deseras.

Annua Bærica referunt de juvene libidini dedito. Hic etiam tempore Missionis contumax, concionem à Missionario habitam de periculo eorum qui occasiones lubricas repetunt, risu excepit. Infelicem risum pœna Numinis manifesta excepit. Repentinò correptus morbo nonnisi vteris amica, qua cum peccaverat, nomen ingeminans, non sine summo presentium stupore; vivendi amandique finem fecit, formidandâ lascivè amantium aternitate, absorptus. Ann. S. I. Qualis vita, finis ita. Mors vite respondet. Quam vivens in ore & mente habuerat scelerum sociam, & moriens habere auditus est; dum è contra Sancti sæpe invocantes Sanctissima IESU & MARIE Nomina, hæc eadem in morte pronuntiantes, audiuntur. Male vivere, & benè mori, sine prodigio non iunguntur. Disce etiam, esse in cœlo Deum, qui contumaciam peccatoris puniat. Non impune contemnuntur

*mnuntur bene sentientium monita, precipue
Superiorum, Concionatorum & Confessariorum.
Qui vos spernit, ait Christus, me spernit.*

25. Landspergensis Sodalitas quoties in se
vel in Deum aut coelites probrum aliquod
jaci audiebat, ad refarciendam aliquomodo
Dei, coelitusque injuriam, toties repetebat
voces illas: Gloria Patri & Filio, & Spiritui
Sancto. *Nadasi.* Animus Deum amans ægrè
etiam ab aliis Deum offendi patitur: læsum
Dei honorem reparare laborat. Tuid saltem
age: labora, ut repares injurias à te Deo
illatas: Vesper dum in examine
recordaris defectuum admissorum, præter
dolorem, aliquam tibi injunge pœnitentiam.
Res utilissima est & facilis. Præterea assue-
sce dolori sæpius eliciendo de peccatis præ-
teritis, item actibus, fidei spei, & charitatis.

26. B. Stanislaus cæteris bono exemplò
prælucere studuit, hinc non alio, quàm An-
geli nomine compellabatur. *Ex vita* Luceat
lux vestra coram hominibus, ait Christus.
Cave quenquam verbò factòve unquam scan-
dalizes. Væ! væ homini illi, per quem
scandalum venit! O quam ex inferis vindi-
ctam petent animæ, tuò verbò vel exem-
plò seductæ! Memini legere de Pictore, qui
imaginem turpem pinxerat, cujus occasione
perierant animæ multæ. Hæ coram tribunali
divino præsentés, vindictam unanimi voce
exposcebant

exposcebant contra eum, qui damnationi dedisset occasionem. Res terrificæ planè est, animam Christi sanguine redemptam, seducere.

27. Parisiis studiosus audiens, quosdam è condiscipulis suis relictò sæculò Religionem petiisse, divino repente actus spiritu, oblitus librorum, amicorum, bonorum omnium; solus velut amens ad cœnobium properat. Quærenti causam properationis, ait; ego vado ad Deum. Superiorem loci dein convenit, pedibus ejus advolutus aiebat: Ego sum Dei: ego sum Dei. Susceptus ergo in numerum aliorum, vitam vixit sanctissimam. E numero condiscipulorum erat Guerricus, qui in Ecclesia audiebat legi illa verba: Factum est omne tempus; quod vixit Adam, nongenti triginta anni, & mortuus est, &c. Tum sic tecum: mortui sunt hi: moriar ergo & ego: an bene? cur non me ad mortem paro? Nec plura addidit, mundo vale dixit, religionem ingressus, Deo sanctissimè servivit. *Specul.* Mirabilis Deus in vocatione Sanctorum suorum: mirabilis conversionis occasio! quantillæ rei Deus beatitudinem hominis annexuit! an non meritò curam minimorum quorumcunque haberi necesse est, ne fortè ex minimo tali dependens beatitudo, amittatur. Adverte etiam, quàm fortis sit heroica una resolutio! talis, Sanctam effecit

effecit Magdalenam antea peccatricem; Sanctum Ignatium, Sanctum Antonium & innumeros alios: faciet & te, si velis. Deum observa in Guerrico, efficaciam memoriae mortis. Memento mori, & vilescet mundi vanitas: & major erit pro salute sollicitudo.

28. Monastorini in Transylvania Sodalitas quidam, ut eam quam perceptam Sanctissimam Eucharistiam sentiebat dulcedine frueretur diutius, diebus Communionis ab omni prandio abstinebat. *Ann. S. J.* Difficile hoc nimum tibi erit: at hoc saltem agere par esset, ut die illo abstineres otio, lusu, circumvagatione, peccatis aliis tibi familiarioribus. Gratias tibi uberiores salvator tuus, conferret, hanc si vivendi rationem tenueris.

29. Miles quidam ætate adolescens, Domino cuidam famulatus, gravissimis in castitate tentationibus agitabatur. Tentationes Monacho cuidam aperiens, iussus est per annum indies, centenas salutationes angelicas recitare. Die anni postremo, convivio intererat: recordatus pensum necdum persoluti, vicinam petit Ecclesiam, consuetas preces persolvit. Egresso, obviam Virgo pulchritudinis ineffabilis, quaerit ex eo, num sponsam se habere cuperet? Annuit ille: Et hæc; bene est, ait, hoc die (diem designabat) nuptias in coelo celebrabimus. Hic vero intelligens

San- telligens miles, quæ Virgo hæc fuisset, ad
& mortem lætus se disponit, quam & die de-
De- signato obiit. *Specul. Ex.* Sunt tentationum re-
me- media, modò amplecti ea velis. Excusati-
escet onem non habes in peccatis tuis. Mariam
e so. invoca.

30. Anno 1608. Martinus Gutric adolescens
hæreticus, nobili Catholico famulabatur;
Febrî correptus, petit vocari Fornerum Con-
dalis cionatorem Bambergensem. Obstant hære-
tici, exhæredationem minantur. Is, terre-
nimâ nam, ait, hæreditatem nihil duco, cœle-
r di- stem quæro. Adest Fornerus, causam petiti-
ran- onis rogat. Respondet; adfuit hac nocte,
c ni- Deipara, inquit: quia me sæpe coluisti &
r el- salutasti, venio & moneo te: instat mors;
um- fidem Catholicam amplectere: hoc die mo-
bûs, rieris; veniam ad te, & ad cœlum te ducâ.
fer- Cultus verò ille in eo erat: audierat in con-
Do- cione Forneri, quàm grata Beatæ Virgini
asti- sit Salutatio Angelica, fidem itaque amplexus,
ones sacramentis munitus, die designato suavissimè
per expiravit. *Forner* Adest Virgo pia, morienti-
licas bus; providet eis de remediis necessariis. Cole-
tere- eam, non deerit. Deerunt amici, deerunt
, vi- socii. Non erit, unde auxilium sperare pos-
eces sis. Huc igitur curam converte, ut clemen-
ritu- tissimæ Dominæ patrociniū tibi promere-
sam aris. Singulari semper affectu recita illud;
æc; ora pro nobis peccatoribus nunc, & in hora
bat) mortis.

L

Ado;

*Adolescens vocanti Deo obtemperans, Religio-
sum statum intraverat. Facti pœnitens, saculum
repetit, ut liberius viveret. Pauci elabuntur
menses: morbo fatali corripitur: ad extrema
deducitur. Confessio ei, & ad mortem prepara-
tio ingeritur, sed frustra. Frustra, inquiebat,
frustra hac mihi ingeritis, actum est de salute mea
atena: adfuit mihi in visione Dominus, ter-
rifico me vultu intuens, aiebat: vocavi & renui-
sti: ridebo in interitu tuo: vade ad portas in-
feri. Hac dicens, & miserrimè ejulans, suam
nimis serò deplorans inconstantiam, obiit. Spec.
Ex. Non pauca suppetunt in rem hanc exempla,
ad omnem memoriam tragica. Scilicet, non
irridetur Deus. Ridere cum Deo & ludere, ho-
minum solet impietas modis varijs. Vocat De-
us ad statum sanctiorem: vocat ad vita emen-
dationem: jam inferos minatur: jam promittit
cœlum. Renuunt obedire voci divina inconsulti
homines: cogitationes tales abjiciunt: pergunt in
sceleribus. Alii, statum sanctiorem amplectun-
tur: vita emendationem auspicantur. Vocat
Deus ad constantiam. At illi tadio quodam,
aut molestiâ deterriti, horrent pergere; à vita
bona desectunt; terga Deo vocanti vertunt.
Tolerat ista patiens Deus, sed ad tempus con-
temni se patitur & deserit; sed ad tempus:
ubi verò mortis tempus imminet, ubi ad
Deum converti cogitant impii, tum enim
& Deus tergum obvertit, nec precibus nec
ululatibus cedens; ridens etiam in interitu.*

Erit annus aliquis tibi ultimus. Quis ille? ignoras. Hoc scis, potest esse quilibet; ergo sic vive, tanquam quilibet, esset ultimus. Si scires annum hunc, hunc mensem, fore tibi ultimum, an pergeres in consuetudine hac? in illo peccato? consortio? Timeres certè in his mori. Time & sic vivere, quia mori in his, potes.

2. Taurinensis Sodalis, suadente nostro, confessione generali emundat conscientiam, & mirum in literis profectum experitur, antea stupidus totus & infelix. Bituricensis quidam, in philosophico studio pariter infelix, post opem B. Virginis sollicitè imploratam, omnia experitur facilia. *Sod. Parth.* Scilicet, non solo labore proficitur. Non intrat sapientia in cor peccatis deturpatum: cor mundum quærit. Neque hoc fatis: Omnia nos Deus habere voluit per Mariam: hujus implorandum est auxilium, Sedes sapientiæ est; non denegabit profectum facilem clientibus. Tu quid ages?

3. Ioannes Baptista à Prato moriens, vicinos sibi Sodales ad cultum B. Virginis enixè hortatus, paulò post, nomen suum literis aureis libro vitæ insertum videre, meritus fuit. *Nadasi* O quale tuum esset solatium, si nomen tuum pariter libro vitæ insertum scires. Tantum tibi non conceditur: spes sola reliqua est, & magna quidem. Cole
indies

indies Virginem Sanctam; dic cum S. Cā-
simiro: commendare me dignare, Christo tuo
filio, &c. Pro me pete, ut quiete sempiternā
perfruar, &c. Certè & ex tali oratiunculā
brevis, non rarè beatitudo pendet. Servierat
militi Dæmon per annos non paucos, ad
infernus eum rapturus, si vel uno die Saluta-
tionem Angelicam omitteret. Fortè & tu
pridem periisses, nisi quotidie Mariam co-
luisses.

4. Neapoli Sodalitatis Præfectus videns
Sodalem ad suspectam domum properare,
ad eum mox accedit, primū precibūs, dein
& flagellis impiam ei mentem extorquere
conatur: cruentum ei flagellum ostendens
inquirebat: Disce miser vel fuso sanguine
servandam, quam Christus redemit animam:
hoc ego me flagello castigavi, ut imminen-
tem capiti tuo minam averterem. *Lechn.*
O quanta proximi, quanta Dei charitas?
impedire Dei offensas, vindictam divinam
precibūs & flagellis avertere, res Apostolici
Zeli est. An tu idem pro salute aliena? an non
datur occasio peccatum non unum impedi-
endi? Ubi Zelus tuus? si pro alio similia fa-
cere formidas, dignus saltem es tu, digna
anima tua, cujus amore hæc non refugias.
Quid statuis? impendet tibi vindicta divina:
Propera, ora, averte, ne pereas.

5. Adolescens quidam consuetudini impu-

ræ implicitus, Patrem Realinum S. I. accesserat, remedium miseriæ suæ flagitans. Pater suavit, ut quoties ab immundo spiritu tentaretur, toties ter signô Crucis muniret pectus dicens, Per Sanctam Virginitatem & Immaculatam Conceptionem tuam, Purissima Virgo munda cor & carnem meam, in nomine Patris &c. Adhibuit adolescens remedium hoc, & jurejurando affirmavit, nunquam ex eo tempore, se in peccata vetera esse relapsum. *Ex vita.* Imitare, si seria tibi emendationis voluntas est, media non desunt. Media si directas, frustra voluntatem vitæ melioris, frustra desiderium cœli obtendis. Salvari non vult, qui media ad salutem necessaria non vult.

6. B. Stanislaus audiens S. Barbaram singulari pro felici morte impetranda patronam esse, ab eo die indies eam devotissimè venerabatur; cujus devotionis fructum in morbo periculoso retulit specialem, ne scilicet sine sanctissima Eucharistia decederet. *Ex vita.* Imitare. Hora mortis, res est momenti maximi; pro hac Patronos tibi in cœlis concilia; quia in terris nullos reperies. Uti Deus sanctos alios aliis veluti necessitatibus præfixit Patronos, sic morientibus post B. Virginem & S. Josephum in Patronam esse voluit S. Barbaram. Cole eam.

Luzor quidam in Castro Drepanensi, rem su-

am ludendo perdiderat: ex damno dolor, ex dolore desperatio, ex hac impietas nata est detestanda. Accedens imagines B. Virginis, & S. Alberti, horrendas effudit blasphemias; quin & arreptò gladiò utramque imaginem furibundus persequitur; unde dum cruorem profluere cerneret impius, horrore percussus, fugam parat, sed in ipso templi aditu, fulmine cœlitus lapso percussus, in pulverem totus redigitur. Simile quid Placentia accidit. Adolescens quidam iacturam in lusu non levem passus, terribiles in Virginem Matrem blasphemias evomere ausus erat: sed adsuit eo momento vindicta Iudicis: repentinâ enim morte prostratus, eo ipso loco descendit ad tartara. Bonif. Huc nimirum insana illa ludendi cupido deducit. Faciles ex lusu lites, execrationes, furta, fraudes, blasphemie, & que non iniquitates oriuntur? Cave his unquam assuescas: res tantò periculosior est, quantò minoris plerumque aestimatur à studiosis. Qui in tabernis hodie ludi fiunt, agebat Chrysostomus, illi me maximè cruciant, & impietate & intemperantia pleni sunt. Aliud iudicat sæculum nostrum, perversis imbutum principis. Tu quod securius est, elige.

7. B. Stanislaus pridie S. Communionis, quam quovis octiduo peragebat, jejunare solitus fuit, ut tantò dignior, ad tantum accederet Mysterium. Beatus Aloysius tres dies gratiarum actioni dabat pro S. Communionē.

nione. *Ex vita.* Imitare. Flevit Christus Hierosolymam intuens, eò quòd non cognoverit tempus visitationis suæ. sanguine-
is meretur lacrymîs deplorari Studiosorum plurimorum negligentia, non cognoscentium tempus nobile, quò à Christo Eucharistico visitantur: O Cœlites! Quæ præparatio? Quæ gratiarum actio? Ubi fides nostra? tu si majores à Christo experiri vis gratias; hoc age, magis te sollicitè para; plus temporis gratiarum actioni impende. Hodie & cras id ostendes.

8. Berchmannus, Immaculatæ Conceptioni B. Virginis speciali affectu devotus exstitit: hanc propugnare, votò statuit: hanc coluit indies, hanc æmulari in eo saltem studuit, ut vitam ageret castâ & immaculatam. Hinc sæpe sic se allocutus est: Vis esse Filius Mariæ? Castitati stude. Neque contentus erat devotione quotidianâ, majorem semper in ea fervorem quærebat. Nunquam quiescam, ajebat, donec obtinero amorem tenerum erga dulcissimam Matrem Mariam. Affectû hunc sabbathinò jejuniò, aliisq; pietatis exercitiis nutriebat. *Ex vita.* Habes quæ imiteris. Renova hodie devotionem erga Intaminatam Virginem: hanc quotidianò Officiò & Rosariò cole. Sed non fatis, Immaculata est Virgo, quam honoras: amat immaculatos. Amat eos, qui turpes peccati maculas fugiunt.

fugiunt. In hoc exhibe amorem tuum, fuge peccatum, potissimum Castitati contrarium.

9. Adolescens Miles lasciviæ deditus, ad torneamentum aliquod in Normannia properans, in castello quodam obviam habuit puellam pulchritudine insignem. Hanc sequitur nefarius; ejus parentibus pretium offert ingens, si uti eâ liceret pro libitu. Consensere parentes impiissimi: Puella plorans & ejulans, sic militem à cæteris separatum compellat: Maria vocor, lachrymor, quia ad peccatum me cogi video, & tale quidem, quod Patronæ meæ maximè displicet; cui castitatem vovi: Insuper & dies Sabbathi est, huic Virgini Sanctissimæ dicata dies. Oro te, amore Matris Divinæ; parce castitati meæ; amore Mariæ, ne lædas me. Vocibus hīs mutata impii juvenis mens, promittit amore Mariæ, se peccatum hoc omissurum: Pecuniam etiam addit, ut puella illa in cœnobium recipi posset. Profectus inde miles, in torneamento occisus est. Facta revelatio puellæ huic, eum ope contritionis ante mortem elicitæ, salvatum esse; hanc verò contritionem, ei per Mariam impetratam ideo, quia hujus amore peccatō unō abstinerat. *Segneri.* Dilce, quanti æstimet Virgo, vel unius peccati omissionem. In hoc imitare: Fuge peccatum, præcipuè die Sabbathi, præcipuè castitati inimicum.

10. S. Fulgentius decretam vocationis im-
plendæ occasionem expectans, majore fervore in pietatis exercitium incubuit: abstinebat à usu etiam licito: plus temporis orationi, lectioni piæ, & meditationi impendebat: sæpius sanctissima Mysteria frequentabat. *Ex vita.* Huc oculos & animum verte, Sodalis. Decrevisisti forsan, relicto sæculò sanctius vitæ genus amplecti. Quæ nunc vita tua? An diabolicò illò imbutus es principiò; plura jam tibi licere, indulgendum esse genio, vivendum esse liberiùs. Cur? Quia postea negatur occasio deliciis talibùs animum pascendi; quia postea agetur pœnitentia. Infelicem te, si sic cogitas. Time justum in cœlo Vindicem; Non unus fuit, qui in pœnam vitæ talis, vocationem perdidit & vitam æternam. Vocatio donum Dei summum est: Negabitur tibi, si impudenter a deò cum benefactore Deo agis. Fulgentium imitare.

11. Simon, Abelis Judæi Pragensis, Filius, duodecim annorum Adolescens, ex frequenti accessione domûs Christianæ, & consideratione Imaginum sacrarum, ad fidem veram animum cœpit adjicere, sæpe ingemiscens: O si possem Christianus fieri! diu subinde in domo Catholica moratus, domo exclusus, in fimeto etiam pernoctare coactus est. Auctò fidei veræ desiderio, ad recens baptizatu
Georgium

no terreno? O utinam Deo meo serviissem
fidelius? Sodalis mi, Stanislaum imitare;
ea jam age, quæ tibi in hora mortis esse
possunt solatio. Servi Deo & B. Virgini.

14. Goanus quidam Sodalis ab altero ala-
pâ per injuriam percussus; Condone, aje-
bat, quia Sodalis B. Virginis sum. *Sod. Parib.*
Grata Mariæ vox; res acceptissima amore B.
Virginis non peccare: amore ejus te vince-
re. An tibi hoc difficile nimium? cur non
hodie dicis: fugiam consuetudinem hanc,
quia Sodalis B. Virginis sum: Fugiam con-
sortium hoc, hoc otium, hanc in Divinis
negligentiam, amore Virginis. Novit hæc
tibi succurrere Virgo, si eam sic collis.

15. S. Nicolaus tædas, quibûs à dæmone
versabatur, tentationes, laboribûs, jejuniis,
vigiliis & orationibûs superabat. *Ex vita* I-
mitare: hæc sunt arma, quibûs hostem pes-
simum oppugnare continuo debes, nisi vin-
ci velis. Toletus putat adolescentum pluri-
mos devolvi ad inferos, solum ob peccata
adversus castitatem admitta; uti enim facile
in hæc labitur juvenus improvida, sic re-
surgit raro, resurrectione constanti, quia vim
sibi inferre refugit, tentationibus non virili-
ter resistit, flagella, jejunia, & similia horret.
Coelum horres, nisi hæc amplecteris. Melius
est affligere carnem petulantem brevi & vo-
luntario supplicio, quàm molliter eam tra-
ctando

ctando, suppliciis nutrire sempiternis.

16. B. Aloysius ante studia renovat intentionem bonam; coram B. Virginis effigie studia peragit; ante scholæ initium, Ejusdem opem in templo invocat. *Ex vita.* Imitare, feliciorum profectum spondeo.

17. Michaël Ayatumus pridie mortis rogat Patrem, ut liceret sibi die altero publicè flagellis in se deservire, rationem dabat hanc: Extremo vitæ tempore magna pro salute operari par est: & præclarè facta morti sunt præmittenda. *Ann. S. J.* Sodalis; extremum imminet anni tempus, fortè & vitæ ultimū: par est, ut magna opereris pro salute tua; ut desleas peccata per hunc annum admissa; suscipias mortificationes varias ad Deum placandum, ad satisfaciendum pro peccatis tuis, ad gratias pro tot beneficiis agendas. Statue hodie, quomodo dies hujus mensis reliquos peragere velis.

18. B. Aloysius moriturus, Rosarium & Crucifixum sui amoris tesseris suavissimè amplectitur; mirificò exultans gaudiò ob mortis viciniam. Imus lætantes, ajebat, ad cælum. Idem prorsus de B. Stanislao legitur, qui & B. Virginem coram intueri meritus est, exclamans: Paratum cor meum Deus. *Ex vitis.* Sic moriuntur Sancti. Morieris & tu? quomodo? quando? ubi? utinam bene! an parî affluēs solatiò? an parî exclamabis fiducia:

fiduciâ? Imus ad cœlum: paratum cor meum.
Potes, si seriò velis. Dispone domui tuæ:
munda conscientiam tuam per Confessionē
seriam: tervi Deo fervore summo, quò potes.
Quid enim moribundo tibi proderunt omnia,
si hoc negligis? ex sola vita bona, hauries
solatium.

*In regno Toletano adolescens vixerat circa
annum 1642. tenerrimo affectu B. Virgini de-
ditus. Sed uti fieri amat, à fervore hoc desciscens
variis se dedit sceleribus: Habitabat ibidem
Virgo sancta; hac sub oratione vidit Judicem
Christum presente Maria Virgine & Angelorum
ingenti curiâ. Agebatur eorum Judice de sce-
leribus urbis illius, & potissimum impij nostri,
quem justus Judex aternis adjudicavit sup-
plicis, intercessit Maria, & 30. dies impetra-
vit, quibûs adhuc penitentiam agere posset, ju-
bens ut Virgo hac videns, narraret omnia Pa-
tri cuidam è Societate, qui impium ad saniora
impelleret. Repetitâ visione fecit id Pater, &
primùm ad Confessionem permovit; sed relapsus
identidem in scelera impius, Patrem domo suâ
semper exclusit deinceps; ejecit iterum iterumque
redeuntem. Dies trigesima aderat; neque ad
peccatorum detestationem compelli se passus, sed
inter blasphemias horrendas & ejulationes a-
nimam evomuit. Vidit Virgo supradicta, ju-
diciũ impij & audit, specialem rationem pe-
nitentiam esse, quòd triginta dies poenitentia agenda
concessos*

concessos, male impendisser; ideoq; aternis ad-
judicatum fuisse suppliciis. Barzias. In alieno
exitio, tuum cave. Forsan jam hareres inter
tartara, nisi Mater gratie obsequia olim à te
exhibita respiciens, tempus tibi pœnitentia im-
petrasset. Quantum illud? novit Deus. Fortè
anni pauculi, menses aut dies sunt. Hos si
male impendis, va anima tua O quàm gravis
exigetur ratio, quàm tetra imminent tormenta!
Adhuc paululum modicumque, & consum-
mabitur indignatio mea & furor meus, dicit
Dominus. Time vitam hanc impiam proroga-
re. Age pœnitentiam.

19 S. Columbanus postea Abbas, dum san-
ctius vitæ genus amplecti properabat, ma-
trem expertus est sibi reluctantem. Hæc ad
ipsum domûs limen procubuit, filii abitum
prohibitura. Sed filius Christum præ matre
diligens, sublatûs in cœlum oculis, generoso
pede Matrem ululantem calcans, ad destina-
tum sibi & salutis suæ statum festinabat, ro-
gans Matrem, ne ægrè id ferret: magnum
enim in cœlo parari præmium. *Spec. Juv.*
Sodalis, qui diligit matrem aut patrem plus
quàm me, ait Christus, non est me dignus.
Vides majore Deo serviendum esse fervore,
necessariam tibi intelligis emendationem:
erunt, qui se tibi opponant erunt, qui pia
desideria impedire conentur: erunt focii, u-
tinam non & parentes! Tu generosè calca:
perrumpe

perrumpē obstacula omnia, contere respectum vanum: repudia amicitias sceleratas: ad Deum confuge, salutem animæ tuæ in tuto colloca. Animô opus est.

20. B Archippus puer Hieropolitanus mirabilem prorsus & rigidissimam vitam agebat; ad quam se vocibûs hîs sæpe animabat. Quid prodest mihi hoc corpus paulò post abiturum in cineres? liceat mihi uni animæ adhærere: sic beatuts ero. *Spec. Juv.* O si sanctô hoc principiô imbuta esset cogitatio tua? effare, quid prodest labor ille omnis pro corpore? quid gaudia etiam cum Dei offensione corpori procurata? quid prodest libertas illa tua? anima si perit, quid profunt cætera? hæc cogitatio Xaverium Ecclesiæ dedit, & Indiis Apostolum: hæc eremosiacolîs, monasteria Religiosis, cælum Beatîs implevit. Hujus oblivio implevit Tartara. Miserere animæ tuæ. Tot per annum hunc labores pro corpore suscepisti; tantum ei sollicitudinis impendisti? Miserere jam saltem animæ tuæ. Chrysologum audi: Dedimus corpori mentes & annos, demus animæ dies. Scis quid velim? optarem, ut dies hujus mensis reliquos, totos pro anima dares, vacando plus solito Orationi, meditationi, & faciendæ Confessionî Generali: Miserere animæ!

21. Neapolitanus Sodalîs scelus aliquod confiteri

confiteri erubuit: Adest ei peregrinus quidam
dicens: Jam diu angeris; cur occultum fa-
cinus rētices? Neganti verò Sodali, reponit
idem: Noli culpam augere apud scientē: Hæc
(B. Virginis effigiem è collo suspensam osten-
dit) me ad te misit, ut te monerem: quod
si non facis, brevi experiēre supplicium.
Motus hac comminatione Juvenis, Confes-
sione generali animum expiat, *Lechn.* Sodalis,
Mater tua Virgo, te monet: expia consci-
entiam tuam Confessione sincerâ & generali
emenda mores tuos: dispone te ad mortem:
imminet reluctanti supplicium: desiderat B.
Virgo animam tuam & salutem, desiderat
emendationem; deseret te, nisi obedias.

22. Bononientis quidam juvenis vanita-
tem & luxum mirè sectatus, ex meditatione
sententiæ per Religiosum aliquem casu pro-
positæ: subter te sternetur tinea, & ope-
rimentum tuum, erunt vermes: conversus,
mundum deseruit, Religionem petiit, ut
Deum sibi pro hora mortis redderet propi-
tium. *Spec. Ex.* Memento mori. Certa est
tibi mors, cura, ut felix sit. Abjice procul
omnia, quæ illam tibi reddere possunt acer-
bam. Fuge peccatum: hoc enim solum a-
cerbam tibi mortem addere potest & infe-
licem.

23. Jacobus quidam dictus, adolescens
vitæ solutioris, B. Virginem nocte aliquâ si-
bi

bi præsentem vidit, & hīs se ab eā vocibūs compellari audiit: Jacobe, redde rationem vitæ tuæ. Expavit, inducias flagitavit, vitam priorem ritè expiavit, totus à se mutatus. *Nadasi.* Fortè & tuis auribus vox hæc brevi insonabit: Redde rationem. Studiose quid facies, cū surrexerit ad judicandum Dominus, & cū quæsierit, quid respondebis? nemo credit, quàm terribilem rationem exigit justus Deus. Provide tibi, vitam emenda.

24 Adolescens improbo, curiositate ductus intrabat templum auditurus Concionem P. Barradii S. I. In ipso limine unam audit à Patre ingeminari vocem hanc: Infernus! infernus! & subito percussus, vitam priorem seriò deplorare cœpit & emendate. *Ex vita.* Si scires, quid sub voce tam terrificâ lateat, tot monitis opus non esset, ut emendationem extorquerem. Recordare sæpius vocis illius, & eam tibi à S. Custode inclamari crede. Res seria est: Infernus: Anima: Damnatio: Beatitudo.

Adolescens, unicus parentis nimium indulgentis filius, vitâ præmii & moribūs integerrimus, libertati deinde fræna laxare cœpit: pudore excusso publicè lascivus audire non erubuit. Monetur à Superioribus, sed frustra. Concionator urbis Patrem severè commonuit, arceret filium à probrosa domūs accessu, aliàs & Patri,

Patri, & filio, Divinam impendere vindictā. Sed Patris indulgentia, filii impietatem roborans, monitiones elusit. Paulò post adolescens infelix in ipso scelere deprehensus à marito adultera, multis ictibus confossus, repertus est. Segneri. Habet hoc suum lasciva voluptas premium, infelicem in scelere mortem. O voluptas misera & momentanea! quot Adolescentum millia dejecisti ad supplicia! Studiose, finem respice, & voluptatem illicò omnem nauseabis. Noli spuriam in quocunque sed potissimum impuritatis peccato quarere voluptatem. Dejicere te ad stygem, iustus poterit Deus, eodem momento, quò aternitatis oblitus, peccare audes. Non est, non est voluptas digna, quam aternò emas supplicio. Momentum recreat, aeternum cruciat.

25. Antonius Caraffa adhuc adolescens per submissam à nebulonibus impuris scēminam, ad amplexus, & illicita alia, promissis amplissimis incitabatur. Ocyù ille lecto exilire, fugam tentare; cumque fores oclulas reperisset, horrendum inclamare; demum novus Thomas caminum accedit, batillò usus ingenti cineris nube & ardentium adhuc prunarum grandine petulantis mulieris os, crines, manus implet, & semiustul-tam fugat. Mirum castitatis, & scientiæ donum, à Deo in præmium tulit. *Ex vitā.* Toties inculcatam denuò sub anni finem commendo pugnam generosam adversus peccatum o-
mne

mne, præcipuè castitati adversum. Fuge: pugna viriliter.

26. Dignam longiore narratione historiam refert Bonifacius S. I. Juvenis in furorem ex infortunio actus, dæmonem invocaverat. Aderat ille, diu eum comitatus, sæpe vitæ ejus insidias apertas obtulit: semel in desertam solitudinem abduxit Juvenem. Hic quò se converteret inscius, Virginem Mariam coram videt; Hæc juvenem manu prehensum reducit ad Sacellum, ubi præteriens juvenis orare ad B. Virginem semper solebat. Hoc in loco eum acerbè increpatum, jubet, Confessionem peragat, pœnitentiam suscipiat; & sic continuò se ei adfuturam spondet. Fecit omnia Juvenis, rarissimos à B. Virgine favores postea expertus. *Bonif.* Peccatores, ne despera: proteget te Virgo, si emendas vitam; hoc nisi agis, frustra Eam invocas.

27. Adolescens Lusitanus annorum duodecim, jam jam moriturus sic Matrem affatus est: Deum lauda, ô Mater! cujus beneficiò, acceptam in Baptismo innocentiam ad hoc usque tempus servavi; lætus inde obiit. *Ann. S. J.* Innocens es, an peccator? uter, uteris, si gaudere in morte velis, peccatum fuge. Ut fugias, sanctissima mysteria frequenter suscipe; hīs enim adolescens ille in bono roboratum se sensit.

28. S.

28. S. Mennas Martyr audiens à Maximiano, se fore amicum Regis, si fidem dederet, respondit: omnis amicitia humana repugnans Deo, indigna est Christiano *Speco. Juv.* Indignior Sodali est amicitia cum sociis pravis, quia Deo repugnat. Fuge socios pravos, si infernum fugere desideras.

29. Hugo, Hertruriae Princeps, pueritiam castitate & veneratione Virginis illustrem egerat; juventutem libidine, aliisque sceleribus maculavit; B. Virginem tamen invocabat indies. Venatum exierat: siti pressus, obviam habet mulierem speciosam, (Maria erat) fructus offert delicatissimos, sed in scutellâ sordibus plenâ quos cum nausearet Hugo, ajebat illa: Talis est pietas tua in me; bona, si sordes peccatorum abessent. Disparuit, nec tamen respuit Hugo, donec vice aliâ, oblata ei est inferni species, & à tartareis ministris expectari audiret inter inferos Hugonem; tum enim totus in se rediens clamabat: Hugo posthac non erit Hugo. Et fuit revera alius, poenitens scilicet & quidem constanter. *Segneri.* Secutus es errantem, sequere poenitentem. Ut preces tuæ placeant Virgini, peccata fuge. Fac hoc propositum, & imple: Posthac alius ero. Fortè te jam expectant Tartara, festinanda est emendatio.

30. Rolandus adolescens, dum diem inter
delicias

delicias totum exegerat, conversus est in
Sanctum. unâ hac cogitatione noctu oboritur.
Ubi nunc sunt gaudia mea? quid reliquum
ex iis est? *Platus*. Sodalis: annô unô pro-
pior es æternitati, adeoque & morti. Effare,
ubi nunc sunt illa tua gaudia, etiam cum
peccato quæsitâ? ubi est dulcedo ex otio,
somnia, lusibus, hausta? quem fructum ha-
bes? moriendum si tibi jam esset, quid sen-
tires? quid statueres? hoc jam statue: alius
esto. Præterit citò, quod delectat, perma-
net, quod cruciat.

31. Juvenis sanctè educatus, ad aulam
missus, in ea corruptus, ab ea proscriptus,
latronem egit. Captus, in carcere instigan-
te dæmone, Deum & Sanctos abjurat: Ma-
riam ejurare iussus, renuit, potius moritu-
rum se asserens. Fremente dæmone & e-
vanescente, icelus agnovit, cujus ut veniam
impetraret, Beatam Virginem accessit,
quam indies totâ vitâ salutare consueverat.
Nocte totâ inter preces actâ, ad locum sup-
plicii educitur, Conspicit Sacellum & in eo
B. Virginis effigiem, huic ut liceret valedi-
cere imperrat. Hîs ergo Eam vocibûs in-
clamat: O Mater! ô Virgo! ne desere mo-
rientem. Et ecce Mariana Effigies exten-
dit brachia, stringit juvenem, neque dimit-
tit, donec mortis suppliciô liberatus, decla-
raretur. *Pexent*. O Maria! ne desere mo-

M

rientem.

nientem, hoc ora indies, hoc repete. Aut cum S. Richardo, centies diebùs singulìs orante: Maria Mater gratiæ, dulcis Parens clementiæ: tu me ab hoste protege, & mortis horâ suscipe. Non dekeret, si prior non dekeras peccando.

Ultimum Anni hujus tragicum exemplum brevissimum pono, sed tale, cuius veritas nemini nisi impio dubia esse possit; tale quod obstinatissimum terrere possit: Onan filius Iudæ, peccatum fœdissimum, Iuventuti heu nimis familiare! Castitati contrarium, admiserat. Et eo adhuc momento percussus à Domino morte subitanæ periit; eo quod, ut ait Scriptura: rem detestabilem faceret. Ex. Gen. Quis animus tuus Studiose? non horres? non expavescis? ullane adhuc peccandi libido esse potest reliqua? O miserum te! Imprime tibi exemplum hoc tragicum, cogita quid sit, eadem horâ peccare & mori, quærere delicias & perire. Conclude 1. Res horrenda est peccatum vel unicum, quod Deus aternò punit suppliciò. 2. Mori potes, eò momentò quò peccas, & aternum damnari. 3. Mortuus si fuisses in peccato illo mortali periisses aternum, & jam haberes inter inferos. Quis prohibuit? clemens Deus: & à te offensus Deus. An & deinceps prohibebit? ignoro, incertum est. Ergo Chrysostomum audi: Fili peccasti! in contrarium convertere. Deo gratias

gratias age, quòd non in mediis te rapuerit
 peccatis. Primum est: Convertere: noli porro
 peccare: Time: fortè primum, quod perpe-
 tras scelus, erit & ultimum. Time! si in eo
 morieris, periisti aeternum. Secundum est: Deo
 gratias age, quod mori te non permiserit, uti
 alios innumeros permisit. Cave tantam offen-
 das Bonitatem. Novo cum
 fervore & tantò
 majore ama, &
 honora.





CONCLUSIO.

Habes, Studiose Lector, quæ
per otium colligere pro sa-
lute tua licuit. Utere ad sa-
lutem. Inspice & fac secundum e-
xemplar, quod tibi monstratum est.
Inspice pios, & imitare: Inspice
impios, & abominare: Considera
eorum exitium, & time. Accipe
documentorum epitomen. Time &
ama Deum. Cole B. Virginem.
Devotè suscipe SS. Mysteria: Cu-
stodi Castitatem: Fuge impia con-
sortia: Memorare novissima. Me-
mento Creatoris tui in diebus Ju-
ventutis tuæ, & cave ne aliquando
peccato consentias; Tob. 4.

Hæc fac & vives.

FINIS.



